

WANTOK



SSH
Current
Shelves
DU
740
A2
W3
v. 1879



Wantok

RAIT TUNA, RAIT DDAKI!

Wantok (Boroko, Papua New Guinea)
SSH Current Shelves
UC San Diego
Received on: 09-03-10

Namba 1879

Wan Wik Ogas 19 - 25, 2010

Niuspepa Bilong Yumi Ol PNG Stret! *K1 tasol*

SIMBU SALIM SPAK BRUS BILONG STRETIM SINDAUN - Pes 3

INSAIT: 40 yia Anivesari Spesol bilong Wantok Niuspepa!!

Rausim ol haus sik sevis fi long ol mama

Veronica Hatutasi i raitim



'PUKPUK KAIKAIM EM': Taim Nesanel Helt Dipatmen i lonsim Nesanel Helt Plen bilong 2011 i go inap 2020, kain kain tumbuna singsing na danis i kamap. Ol lain Sepik i bin kam trom oi lek tu, na ol i kisim wanpela wantok bilong ol i kam. Em pukpuk ya. Em namba wan taim long lukim pukpuk i sanap long tupela lek na danis i go kam. Tru tumas, ol pukpuk i nogut ya!
Foto: James Kila

OL HAUS sik, helt senta na etpos i mas rausim ol sevis fi ol i save sasim long ol mama olsem wanpela rot long daunim mak long ol bel na karim mama na ol liklik pikinini i dai.

Dokta Lahui Geita em Teknikel Etvaisa bilong Matanel Helt seksen wantaim Nesanel Helt Dipatmen i tok aste long taim bilong lonsim "Matanel Task Fos" ripot long Kraun Plaza Hotel (Crown Plaza) long Mosbi aste.


Lonsing i bin kamap insait long wanpela wik Nesanel Helt Konprens (NHC) bai i pinis tumora, we moa long 300 helt woklain, ol dokta, nes, provinsel na nesanel helt etministreta i stap long en.

Dokta Lahui i wanpela long ol 10-pela memba bilong Matanel Task Fos komiti we Helt Dipatmen na ol developmen patna i bin kamapim bihainim daireksen o stia bilong Helt Minista Sasa Zibe taim em i kisim wok olsem minister long yia 2008.

As tingting bilong komiti em long painimaut watpo helt sevis long kantri i wok long bagarap, ol sevis i no ron gut na bikpela samting stret em ,watpo na planti liklik pikinini long 0 inap long 5-pela krismas na ol mama i laik karim pikinini i wok long dai.

■ I go long Pes 4

Kisim Motorola WX181!



Baim Niupela Moto WX181. I kam wantaim FM redio na planti moa!

Olgeta fon igat fri kredit na frim sim kad stap insait pinis..

Digicel

Digicel, Stronpela moa Network bilong PNG

Digicel Tems na Kondisen i stap.



Rait abus!



Minista Zibe laikim medikol wokman meri soim gutpela piksa

.....maski long karim 'bia-bel', kaikai buai na simuk tumas

James Kila i raitim

OL MEDIKAL o helt wokmanmeri insait long Papua Niugini mas soim gutpela eksampel o piksa long ol narapela manmeri wantaim gutpela pasin long sait long sait long lukautim helt blong ol.

Laipstail we i lukim medikal o helt wokman meri i karim bikpela 'bia bel' o kaikai buai na tit ros na simuk tumas em i no gutpela piksa long ol narapela manmeri long pablik.

Dispela em bikpela toktok Minista bilong Helt na HIV AIDS, Sasa Zibe i bin givim long taim em i opim 20th Nesenel Helt Konfrens ong Mosbi long Mande long dispela wik. Dispela konfrens i go wantaim wok plen bilong Nesenel Helt Dipatmen long karimaut Nesenel Helt Plen 2011 igo 2020, we ol i bin lonsim long Tunde.

Minista Zibe i tok 'Laipstail sik' namel long ol wokman meri bilong helt mas go daun bikos ol mas soim gutpela piksa long ol narapela lain long bihainim long stap gut na helti.

Minista Zibe i tok olsem dispela nupela Nesenel Helt Plen i soim ples klia tru olsem i gat planti samting long wokim long bringim kamap gut helt bilong ol manmeri na pikinini insait long PNG i kamap gut.

Mista Zibe i tok olsem ol rekot o mak insait long helt i soim olsem i gat planti samting i stap long mekim long mekim kamap



Seketeri bilong Helt, Dokta Clement Malau (lephan), Helt Minista, Sasa Zibe wantaim Deputi Praim Minista Don Polye i soim piksa bilong nupela Nesinol Helt Plen 2011-2020 long taim bilong lonsing long Se John Guise Stadium long Mosbi long Tunde. Foto: James Kila

gut ol dispela rekot nogut long helt insait long PNG. Olsem na ol helt wokman meri i mas wok strong long bringim sevis i go long ol manmeri insait viles na haus-lain komyuniti insait long kantri.

Em i tokaut olsem ol mak o rekot long sait bilong mama i karim pikinini, na indai na tu ol mama i dai i no kamap gut yet. Olsem na bikpela wok tru i mas kamap long kamapim gut ol wok long stretim helt bilong ol mama long taim ol i redi long karim pikinini na tu long sait bilong bebi i kamap.

Em i tok tu olsem ol sik olsem

Malaria na sik TB em nogat gutpela kontrol i kamap long en yet. Moa long en tu ol laipstail sik i wok long kamap yet namel long ol bikpela wokman meri insait long kantri.

Minista Zibe i tok ol nupela kain sik i wok long kam insait long kantri bilong yumi olsem HIV/AIDS na influenza H1N1, Kolera. Pastaim ol dispela sik i no save kamap long kantri

bilong yumi. Tasol Mista Zibe i tok strong olsem ol sik we i stap pastaim long PNG i wok long givim bikpela hatwok yet na planti wok long stretim ol dispela wik i no pinis yet.

Minista Zibe i tok olsem ol haus sik na tu ol eid pos long ol ples na haus-lain long kantri i no inap long kontrolim ol dispela sik taim ol i kamap bikpela.

Em i tok wantaim dispela nupela Nesinol Helt Plen nau Gavman na Nesenel Helt Dipatmen i kamap wantaim, yumi olgeta i mas wok bung wantaim long stretim ol rot long helpim ol manmeri na pikinini long kantri long kisim marasin na tu stretim ol yet long kamap gut.

Em i tok dispela nupela Nesenel Helt Plen 2011-2020 em simpol plen tasol we planti lain i helpim long putim wantaim. Dispela plen i kamap bihain long gutpela wok bung namel long provinsal na distrik level wok lain na tu ol lain long ol sekta patna olsem Sios na praivet sekta. Dispela plen we olgeta lain i putim wantaim bai stap olsem was long olgeta dispela lain i ken mekim gutpela bisnis wok wantaim.

Em i tok dispela nupela Nesenel Helt Plen i go wantaim ol lukuluk na wok plen we i bihain 7-pela bikpela wok mak o pila bilong PNG Visin 2050 bilong Gavman.

Mista Zibe i tokaut tu olsem dispela nupela Nesenel Helt Plen i go wantaim PNG Developmen Stratejik Plen 2011-2030 na i go gut stret long sait bilong developmen wok bihainim wanem samting Gavman bilong PNG i laik lukim i kamap.

NDB laikim K100 milion Gavman sapat long kirapim wok: Maru

Paul Zuvani i raitim

NESENEL Developmen Bank (NDB) i laikim moa long K100 milion long wan wan yia long karimaut gut wok bilong em.

Nau yet gavman i save gat K20 milion tasol long Mani Plen bilong em na dispela i no inap.

Dispela i tok bilong Menesing Dairekta bilong bank Richard Maru long taim bank i givim K9.4 milion long tripela lokol bisnis grup long hetopis bilong bank long Waigani long aste Trinde.

Em i tok bank i redi long helpim ol manmeri long kirapim wok bisnis bilong ol tasol em i no inap helpim ol bikos i nogat inap mani.

"Sapos gavman i mas givim givim K100 milion o K200 milion orait em i mas givim.

"Dispela K20 milion we em i givim i no save helpim bank long karimaut wok bilong em olsem em i mas," Mista Maru i tok.

Em i tok planti manmeri i gat gutpela as na inap long kisim helpim

tasol bank i no inap long givim helpim long wanem em i nogat inap mani.

Em i tok ol komasel bank i save lukluk long ol bikpela bisnis manmeri na i no save helpim ol turangu liklik manmeri long dinau mani bikos ol i nogat bilip long ol.

Long dispela as NDB i stap bilong helpim dispela ol liklik lain manmeri.

NDB i gat planti wok olsem go raun long wan wan komyuniti na skulim ol manmeri long kirapim wok bisnis, rot bilong ronim bisnis na rot bilong kisim helpim long statim bisnis.

Long tripela bisnis grup Akami Wel Pam klostu long Kimbe, Wes Nu Britan Provins i kisim olsem K5,323,798 long kirapim wok long 200 hekta wel pam estet, Ikwipmen Plent Haia long Madang Provins i kisim olsem K2,500,000 long developim Madang Bekari na KK & Sons bilong Mt. Hagen, Westen Hailans Provins i kisim olsem K1,615,900 long baim ol ka

na karim ol kago long Hailans Haiwe.

Long taim em i givim sek mani Maru i tok bank i stat long kisim planti askim long ol midium (namel) sais lokol kampani long kisim helpim long bank.

Dispela long wanem NDB i askim ol liklik manmeri long kisim helpim long Maikrofainens Bank long kisim dinau mani na kamapim bisnis sapos ol i nogat mani stret olsem sid o kapital mani bilong statim bisnis.

Long bekim maus bilong Maru Albert Camilus (Akami Wel Pam), Dokta Thomas Kange (Ikuimen Plent Haia), na Bafike Roika (KK & Sons) i amamas na tok tenk yu long Maru na NDB long luksave bilong ol i go long ol tripela bisnis grup.

Ol i tok ol bai mekim olgeta samting gut long kamapim wok long helpim ol i kisim.

Stap long lukim dispela bung em Memba bilong Nuku na Minista bilong Hausing Andrew Kumbakor.

OXFORD, TOK PISIN INGLIS DIKSENERI

Katim, na pulmapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Harlap na kisim wampela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICED	QTY	SUBTOTAL
PNK Tok Pisin English Dictionary	9780195551129	K38.50		
				TOTAL \$
				PER-ORDER CHARGE \$
				GRAND TOTAL \$

Options for Payment
1. Transfer to our bank account (details below)
2. Mail to us for more information, please contact: (675) 325 2579

Account Name: World Publishing Company Ltd
Account Number: 100 000 5200
Bank: Bank of South Pacific Ltd
Branch: Commercial Centre
Branch Code: 0051
Swift Code: BOSPAP20

FAX BACK TO: (675) 325 2579

Please see website for details: www.worldpub.com.au
Phone: (675) 325 2501
Fax: (675) 325 2579
Email: worldpub@worldpub.com.au

Name (print): _____ Phone: _____
Address (print): _____
E-mail: _____
Signature: _____

Sen John's bai stopim wok

Veronica Maturasi i raetim

ODA bilong Sen John ogenaisesen we i save helpim gut tru ol manmeri insait long Mosbi siti long taim bilong bikpela sik na birua bai stopim o pasim ol sevis bilong em bikos em i nogat mani long skruim ol wok na tu, peim ol woklain bilong em.

Sif Operesens na Koporet Sevis opisa, Tim Wieland long aste apinun i tok ogenaisesen bai stop long mekim ol wok bipo long pinis bilong dispela wik.

Insait long las tripela wik na i kam inap aste, ol boslain bilong Sen John's i wok long toktok wantaim opis bilong praim minista, Helt Dipatmen na Fainens na Treseri long givim ol K1.5 milion bilong karimaut ol wok na peim ol woklain bilong em inap long pinis bilong dispela yia. Tasol Sen John's i no kism dispela mani yet.

Ogenaisesen we i stap wok long PNG long 43 krismas nau i save kism mani long gavman long karimaut ol wok long tripela taim insait long wanpela yia.

Oda bilong Sen John ogenaisesen em dispela Non Gavman Ogenaisesen (NGO) we i save givim ol helpim long sevim ol manmeri i kism bikpela birua na lusim bikpela blut ol mama i karim pikinini na i hat long go long haus sik, ol manmeri na pikinini we sik i kam ol nogut bu



WOKMAN NO AMANAS: Sen John's bosman Douglas Kelso i toktok long ol Ambalens Sevis woklain long wanpela bung long hetkwata bilong ol long Renbo. Foto: Nicky Bernard

na klostu ol i bungim dai na ol kain sik olsem.

Ol sevis we Oda bilong Sen John i givim long siti na karim em long: Ambalens Sevis, Blut Beng, Sen John's Skul bilong ol Alpas lain na stat long yia 2007, Helt sevis.

Plantu long yumi i save long Ambalens Sevis bikos em i save ron mekim wok long 24 awa long Mosbi siti. Na taim ol birua bilong rot i kamap, ambalens em i go paslain long sevim man na kism i go kwiktam long haus sik. Em i gat 11 ambalens i save ron mekim wok long NCD na Sentrel provins. 7-pela i bilong mekim ol

spesel wok na 4-pela i mekim ol jenerel wok. Tripela i save stap long rot olgeta taim.

Long sait bilong helt sevis, Sen John's i bin go insait long dispela eria long 2007 taim nesenel gavman i strongim ol NGO na Sios long go insait long wok patna wantaim gavman long kism helt na edukesen sevis i go aut long pipel. Na nau, Gordons Klinik na Gerehu Haus sik em tupela helt institusen we Sen John's i papa long ol.

Ogenaisesen i save helpim lukautim Tokarara klinik long NCD. Na tu, Gaire na Tubusereia klinik long Sentrel provins.

Ogenaisesen i gat samting olsem 400 woklain. Ambalens Sevis i gat 70 woklain long komyunikesen seksen, woksop, ol ambalens opisa, kru na draiva husat i save wok long 24 awa.

Bikos Sen John's i no kism dispela K1.5 milion, em i no inap long karimaut olgeta wok olsem pastaim. Na long las Fraide, bosman bilong ogenaisesen em Douglas Kelso i bin wokim disisen long katim daun sampela sevis na ol wok manmeri bilong em.

Olsem na wanpela ambalens yunit na ol woklain em ol i stopim long wok inap ogenaisesen i kism mani long gavman. Em i stopim tu ol woklain bilong em long mak bilong 30, long Gordons klinik tasol 170 woklain bilong em long Gerehu i wok i stap yet wantaim 30 woklain bilong gavman.

Long dispela wik Mande, samting olsem 60 Ambalens Sevis woklain i no amamas long disisen we Mista Kelso i mekim long stopim wanpela ambalens-yunit long wok na ol bin holim wanpela bung long hetopis bilong ol long Renbo, Gerehu.

Ol bin tok i no gutpela long bisman na menesmen i rausim sampela bilong ol long wok bikos ol i bilip olsem gavman bai i givim yet mani na stretim ol.

Ol bin tok maski wanem kain hevi ol i stap long em, ol woklain

i save mekim sakrifais na skruim yet wok. Na ol i no wanbel long Mista Kelso na menesmen i rausim sampela bilong ol long wok.

Mista Kelso i bin tokim ol woklain long stap wanbel na em na lain bilong em bai skruim ol tok-tok wantaim opis bilong praim minista, helt sekreteri, Fainens na Treseri long givim ol dispela K1.5 milion na em bai stretim ol. Na wok operesen bilong ogenaisesen i ken go het.

Ol woklain i bin tok tu olsem hevi long ol i no save kism pe hariap i save kamap plantu taim we ol i save kism potrait pe wanpela wik bihain.

Mista Wieland i tok piul i save kaikaim bikpela mani, Dispela em piul ol i save yusim long olgeta wok ka na ino ol ambalens tasol. Insait long wanpela mun, ogenaisesen i save yusim samting olsem K30,000 long karimaut ol wok biorig em.

Em i tok nau taim hevi long mani sot, ogenaisesen i stopim ol ron long kism ma lusim ol woklain i go na i kam long wok. Tasol, ol lain i wok long nait em kar i wok long kism na lusim ol long wok na haus.

Mista Wieland i tok ol woklain i no amamas na em i bilip olsem ogenaisesen bai stopim ol wok na operesen bilong em tumora sapos i nogat mani na i nogat wokman

Simbu salim spak brus bilong stretim sindaun

Michael Novingu i raetim

Wabak Nambawan, jenerel, NGO na sios i karimaut awenes long streim pasin bilong salim spak brus long Koro long Maki long lae ol i salim yet spak brus i stap.

Kadawan ya igiela man, John Dege, bilong Simbu, i tok we Wabak Nambawan olsem em i no lak bilong em long salim spak brus tasol em i mas mekim.

Mi salim spak brus long kisa manna long lukautim an-

daun bilong mi i John i tok.

Em i tok moa olsem lae i hat long stap long siti na dispela em i ar rot long kism mani long helpim em.

Mi tesim long paimin wok, tasol plantu pasin wantok sistem i stap na mi no inap kam wok. Gavman i lak traim long dauna raskol pasin, orait, ol gavman lain tu i mas stopim pasin korapsen long ol yet. Bihain ol i kam-maut awenes long komyniti long bihainim. Dege i tok John i tok plantu pasin korapsen i stap long gavman na i lukim nogat wanpela sevis i go long ol manmeri long ol

rurei klinik na ol i kism taim nogut.

Em i tok long dauna raskol pasin gavman i mas mekim wok i velotmen long pasin spak bilong manmeri, ha ol i ken stret i gut sindaun bilong dauna raskol.

Ha ol i no inap mekim kain pasin olsem we i bak i bak.

Wabak Nambawan i stap long Kamkomung Maki na i inap ol salim spak brus olsem mi salim spak. Wabak Nambawan i traim long esen toktok bihainim. Meryepela i Hela Komanda, tasol em i mas inap long ol tok wantaim em.

PNG's Nambawan Mackerel

Besta FINEST QUALITY

PNG MADE

Misin haus i go pablik

Kiki Kavana i raitim

LAIAGAP em liklik sab stesen na sapos yu ron long rot, em ples we i sanap tupela awa long ples we bikpela main bilong Hailans, Pogera stap long en.

Hait insait long Laiagap long maunten bilong Enga Provins sanap wanpela haus malolo.

Nem bilong haus maololo em Mamare Guest Haus na em i ron aninit long lukaut bilong Hailens Baibel Trening Senta (HBTC), bikpela senta bilong Kristen Apostolik Misin.

Na man husat gat bikpela wok long lukautim olgeta haus na painim rot long autim toksave bilong ron bilong haus malolo em Simon Kunamen.

"Dispela tingting long tanim ol olupela misin haus i go long haus malolo i kamap taim mipela pilim olsem i gat nid long mekim mani long helpim wok long misin.

Long ol pipel bilong Laiagap, dispela em nupela tingting we planti i no save long ronim na lukautim haus malolo na ol no save tu long helpim kain tingting olsem ken kamapim, olsem strongim wok turis (tourism).

Tasol bikpela samting em long autim gut nius bilong buk baibel taim ol turis kam slip long haus malolo bilong mipela," Mista Kunamen tok.

Mista Kunamen i kism tok orait long bosim ol haus malolo bikos long save em gat long wok long ol bikpela hotel long

kantri bihain em kism Turisim na Hospitaliti setifiket bilong en long Lae Teknikel Kolis long 1997.

HBTC i kirap long 1960s long ol Apolistik Misineri na taim ol misinari i lusim Laiagap bihain long independens bilong Papua Niugini, ol asples i nogat tingting long painim rot long mekim mani long lukautim operesen bilong misin.

Long yia i go pinis, edministresen bilong HBTC i luksave olsem bringim mani insait long misin i bikpela samting long skul na ol i tok oraitim kamap bilong Laiagap Distrik Pater Opis. Na Bod ov Menesmen i tanim ol olupela misin haus go long haus malolo.

Em i prosek we ol lukim long daunim lo na oda hevi insait long Laiagap we i gat 160,000 na moa man na meri na tu, long strongim kalsa bilong Laiagap long taim bihain.

"Long dispela taim, mi wanpela tasol husat i klinim ol haus malolo, kuk, wasim plet, was man bilong ol turis na ol kain samting olsem.

"Tasol mi no les long wokim olgeta wok. Mi laikim stret na mi laik tok maski wanem stori pablik i harim long Laiagap, mi laikim ol man meri long kam lukim ol yet long ol gutpela samting na pipel husat i stap long hia," Mista Kunamen tok.

Long save moa long ret na polisi bilong Mamare Guest Haus, yu ken ringim Simon Kunamen long mobail 72304131.

Rausim ol hausik sevis fi bilong mama

■ i kam longpes 1

Wok bilong komiti em long painim ol as na painim ol rot we helt sevis i ken kamap gut na senisim piksa nogut we PNG i gat skelim wantaim ol kantri long Esia na Pasifik rijen.

Wantaim 1,300 mama i karim pikinini i dai olgeta yia na namel long 300 na 733 pikinini i skelim wantaim 100,000 pikinini krismas bilong ol i daunbilo long 5-pela yia i save dai, PNG i sanap long mak nogut skelim wantaim ol kantri long Esia na Pasifik rijen. PNG i sanap long namba tu (2) bihain long Afganistan olsem namba tu top kantri long rijen we bikpela mak bilong ol mama na pikinini in save dai long en.

Tripela dokta i bin givim ol ripot bilong ol em Dokta Ligo Augerea em Sif Obstretiks na dokta bilong ol mama, Dokta Lahui Geita em Teknikel Etwaisa long eria bilong Matanel Helt na Deputi Helt Sekreteri Dokta Paisan Dakulala.

Dokta Geita i tok piksa long mak bilong ol pikinini i na mama i dai i wok long go nogut olgeta yia na dispela i mak long PNG i putim "imejensi rispons", wankain tasol olsem em i wokim long sik H1N1 o sik long kus bilong pik na kolera.

"Yumi mas wokim samting hariap long daunim go antap long dispela mak nogut. Yumi mas putim moa mani na pipel long wok long kamapim gut dispela eria," Dokta Geita i tok.

Long daunim mak bilong ol bel mama na ol liklik bebi i dai na tu long apim Midium Tem Dvelopmen Gols (MTDG) we Yunaitet

Nesens i makim long samting olsem 180 kantri long wol we PNG i wanpela long ol, Dokta Geita i wokim dispela toktok.

"Ol famili sevis ol mama i kism long ol haus sik, helt senta na etpos i mas fri. Ol haus sik, helt senta na etpos i noken sasim sevis fi long ol mama i go long klinik bilong ol bel mama (ante-netol), famili plening na taim ol i go karim bebi na slip long haus sik. Dispela em long nesene, provinsi na distrik level. Noken mas sasim ol dispela fi stret. Yumi mas wokim olgeta samting long inapim ol MTDG em detlain bilong en em long 5-pela yia tasol long 2015.

Dokta Geita i tok bikpela samting nau em long gavman, praiwet sekta, ol developmen patna na ol manmeri long PNG bilong wok wantaim long kamapim gutpela senis na piksa long helt sekta na helt sevis long kantri.

Long sait bilong ol sevis fi ol provinsi haus sik na helt senta i save sasim ol wanwan mak long fi namel long K10 na K20.

Wanpela helt woka long konpres hap Wantok i kism ol toktok bilong em i tok dispela toktok em ol i bin wokim sampela yia i go pinis, tasol ol haus sik, helt senta na etpos i no bihainim bikos em i "laip blut" bilong ol.

"Em i hat long ol haus sik, helt senta na etpos long go hetim dispela lo bikos ol i laikim mani long baim ol samting bilong lukautim ol haus sik. Helt Dipatmen i no save katim inap mani long mekim ol samting olsem baim ol toilet papa, sop na ol narapela samting moa olsem," helt opisa i tok.

Ol Morobe provinsel minista tok promis

Bustin Anzu i raitim

OLPELA primia bilong Morobe provins Joshua Hagai i mekim rot bilong em i go bek gen long Tutumang o Morobe Provinsel Asembli bihain long lusim wok politik longpela taim.

Dispela taim, em i go bek olsem wanpela kaunsil presiden bilong Salamaua Lokol Level Gavman (LLG) na kism wok olsem siaman bilong Fiseris na em i mekim tok promis bilong em long aste (Trinde) long Morobe stet haus.

Hagai em i wanpela bilong ol 23 provinsi minista we ol i sainim pepa na mekim tok promis bilong ol long mekim wok bilong ol, bihain long Gavana Luther Wenge i toksave long potfolio bilong ol las wik Fonde.

Long dispela taim, em i givim ol dispela wok siaman, em i bin tokim ol olsem ol mas mekim wok na noken kamap olsem ol kauboi na raun nating. Em i tok sapos ol i no bihainim olsem ol minista, orait, em bai rausim ol long mekim wok bilong ol na makim narapela.

Em i bin tokim ol olsem ol lidas mas soim kala na pasin bilong ol olsem ol lida we ol pipol insait long komyuniti mas respektim ol na i no man nating.

Em i tok tu long ol presiden husat i no holim o kism wok long noken bel hevi long wanem, ol bai kism mani bilong ol paslain long ol narapela ministas we ol i bin makim.

Wenge i tok Tutumang em wanpela strongpela bodi bilong wokim disisen insait long provins, bihain tasol long Nesene Gavman Palamen.

Gavana i rausim ol siamansip long ol Nesene Memba bilong Palamen

na givim i go long ol Kaunsil Presiden tasol Benson Suwang tasol i holim wok bilong em olsem man bai go pas long gavman bisnis. Em tu em siaman bilong lens, gavman propeti na invesmen.

Gavana yet i kism siaman bilong Fainens, lika laisensing na ol manmeri wantaim disabiliti na namba tu bilong em na Presiden bilong Garaina Lokol Level Gavman Morokoi Gaiwata i kism sia bilong plening na human risos.

Lae siti Meya James Khay i kism potfolio bilong komes na indastri taim wanwok bilong em long Finschaffen (eben) Manaseh Laima bai lukautim Lokol Level Gavman.

Ol narapela em:
Dac Viso (Hube) yut,
Dick Iwong (Borum/Kuat) lo na Jastis,

David Lulu (Selepet) helt,
Bini Hefua (Komba) trenspot,
Aune Loto (Wasu) bounderi,
Mathias Philip (Mumeng) maining,
John Yawa (Wau Rural) setelmen na ebenaisin,

Waka Daimon (Watut) kalsa,
Steven Sep (Buang) petroleum na ges,
Jack Kauc (Labuta) rilijen na meri afeas,

Kopen Waibang (Nabak) edukesen,
Charlie Koike (Erap-Wain) Woks,
Thompson Nalingiso (Kome) turisim,

Yawasing Wawaingo (Kapau) spots,
Kitowe Mumusiung Konsevesin,
Steven Mambo (Leron/Wantoat) agrikalsa, na

Peter Mamus (Wampar) forestri.

Lukaut long ol 'Fols Profet' i mekim promis long gutpela bihain taim bilong PNG

LONG dispela stori kona bilong yumi las wik, yumi bin pinis wantaim dispela hap tok:

"Bilip bilong mipela i olsem sapos yumi no painim bikpela hevi long kantri, bai yumi mekim rot bilong lukim kamap bilong wanpela dikteta. Na sapos dispela i kamap, yumi mas prea olsem em bai wanpela gutpela dikteta na i no narapela.

Dispela em i histori we i kamap pinis long Afrika na Not na Saut Amerika.

Mipela i gat planti ol kendidet bilong dikteta i stap pinis long politiks bilong yumi husat i wok long tromoi mani go kam na apim nem bilong ol long niuspepa, TV na redio i stap."

Long lukluk bilong mipela, mipela no nap lukim rot i go aut lusim dispela pasin bilong braiberi na korapsen long kantri. Bikos em i go insait pinis long olgeta hap kona bilong PNG komyuniti, na nau em i kamap olsem laipstail bilong yumi. Tru tumas, nau em i wanpela malti milian kina bisnis.

Wantaim dispela kain braiberi na korapsen, em i save daunim tingting na bilip bilong ol pipel, we sapos em i go na i go yet, em bai ol pipel yet i nogat moa strong na maus bilong tokaut. Em nau bai ol pipel i pasim ai na lukluk tasol long painim kaikai bilong wan wan de tasol: Nau mipela i lukim dispela i kamap pinis wantaim Lidasip Koud na Environmen Ekt 2000. Rot bilong wok long Palamen tu em gavman i bagarapim pinis na nau i nogat moa fri tok pait long ol bikpela salens i



bungim kantri bilong yumi.

Ol samting i kamap long las palamen sindaun em i soim klia wanem samting bai kamap taim yu larim gavman i pilim olsem strong bilong em i winim strong bilong olgeta arapela lain. Em nau, taim gavman i strong moa yet, strong bilong pipel bai go daun, na bai go olsem inap ol pipel i les long wanem hevi ol i karim.

Isi isi, gavman i wok long pasim pipel long rot ol i ken bihainim long kisim luksave long ol hevi we gavman na ol bikpela bisnis i wok long mekim, Olsem na nau wokbung i stap namel long ol politisen long gavman na ol bikpela bisnis na i nogat moa demokrasi, fridom na rait bilong ol manmeri. Hap tok ol i save tromoi nau em: "Mi gat mendet bilong pipel long mekim samting long laik bilong mi."

Mipela i ting olsem pasin braiberi na korapsen bai stap hia olgeta. Em bai hat long rausim olgeta. Tasol mipela i luksave tu olsem i gat wanpela bikpela birua moa i stap sapos korapsen i strong moa long kantri.

Dispela birua em rausim bilong pasin bilong wankain luksave bihainim ol lo i stap pinis bilong stiaim yumi. Taim yu glasim gut, yu bai luksave

olsem dispela em i astingting bilong lo we i save holim strong palamen demokrasi bilong yumi aninit long wanpela konstitusen ol i raitim na stap.

Yes, i tru olsem ligel sistem bilong yumi i wok i stap, tasol dispela wankain luksave we ligel sistem i mas strongim, i no moa stap olsem na ol wok bilong skelim na bihainim lo na strongim lo i krangi liklik nau. Yes, i tru yumi wok bihainim stret lo ol i raitim, tasol yumi no moa bihainim spirit na astingting bilong lo we i givim ligel sistem dispela luksave olsem as bilip bilong stretpela pasin na tingting.

Olsem taim polis i givim wanpela waren bilong ares long wanpela biknem lida manmeri. Long stretpela rot, kriminal jastis sistem bai bihainim ron bilong em yet na polis bai go het na arestim dispela lida na kisim em i go long ai bilong kot bilong lo bai em i kisim sas. Dispela i save kamap long ol olupela demokrasi olsem Ingran, Australia na Nu Silan. Long dispela kain samting, ol lo kot long ol dispela kantri bai no inap long givim tok orait bilong stopim ol ares waren ol liklik o lowa kot i givim.

Dispela em i no stret, long tupela as: Namba wan, ol bikpela kot i mas luksave long nem na strong bilong ol lowa o liklik kot husat i givim ol waren bilong ares bihain long ol skelim kes bilong polis i kamap long ai bilong majistret. Namba tu, kriminal jastis sistem i mas bihainim ron bilong en, na i noken gat wanpela banis i kam long bikpela kot, inap kes, bihainim

ron bilong en, i go kamap long bikpela kot.

Tasol long dispela kantri, ol bikpela kot bai kalapim lain na stopim polis na ol liklik kot long mekim wok bilong ol.

Kes bilong kisim ristrening oda agensim Ombudsman Komisin em i narapela kes we ol bikpela kot i suvim het na pasim jurisdiksen o wok bilong Ombudsman Komisin.

We i gat lidasip hevi namel long lida na Komisin, nesanel kot i noken kam insait na givim tok orait agensim Komisin o Traibunel long mekim wok bilong ol aninit long konstitusen.

Dispela em mipela i tok long en taim mipela i tok olsem dispela sistem bilong skelim tok na bihainim lo i bagarap pinis long dispela kantri we mipela no inap long strongim lo bihainim stret spirit na asbilip bilong en.

Olsem na sapos lida i gat komplek agensim Komisin o Lidasip Traibunel, em i gat rait long go long bikpela kot long rausim disisen bilong Komisin, o Traibunel BIHAIN long ol dispela ol institusen o opis i kari-maut wok bilong ol long mekim wok painimaut, na BIHAIN long ol i bungim tingting bilong ol na tokaut long en, na I NO PAS-TAIM.

Ol lo enfosmen ejensi, na ol liklik kot i noken kisim banis long ol i mekim wok bilong ol. Ol bikpela kot tu i mas wetim kes long painim ol bihainim stret ron bilong en, pastaim long ol i givim tingting bilong ol. Long lukluk bilong mipela, ol bikpela kot i wok long wokabout long bris, pastaim long ol yet i lukim ol dispela ol bris. Ol i wok

bagarapim sistem bilong lo na wok bilong strongim lo long dispela kantri.


Long pinisim tok, mipela i tok olsem braiberi na korapsen long dispela kantri bai stap yet. Maski mipela i ken traim long rausim, bai yumi no inap.

Bikpela astingting bilong dispela tingting bilong mipela em bikos ol lain i stap long posisen we ol i ken senisim pasin, em ol yet tu i korap pinis, na bai ol i no inap long mekim samting bilong rausim dispela pasin nogut.

Ol dispela lain husat i mas mekim samting em ol lain i save kisim bikpela hap tru long pasin braiberi na korapsen ol yet na ol i stap insait tru long en.

Em nau yumi kamap long narapela step gen long dispela hevi. Mipela bai inap long askim ol dispela korap manmeri long lukluk long dispela pasin ol i mekim, na mekim stretpela samting. Mipela i ken askim ol long luksave olsem i nogat self rispek bilong husat manmeri i mekim pasin braiberi na korapsen na moa yet, i nogat pablik luksave long ol dispela pipel na ol famili bilong ol. Na taim ol i painim taim bilong dai, olgeta ol samting ol i kisim long pasin braiberi na korapsen bai no inap kisim ol i go long gutpela ples na taim. Na bai ol i no inap kisim olgeta ol dispela samting i go wantaim ol.

Mipela i pinisim dispela wik wantaim wanpela toktok bilong baibel: "Man bai painim gutpela taim olsem wanem, sapos em i kisim olgeta samting long wol, tasol em i lusim sol bilong em?"



Putim was long 40 Yias Anivesari bilong Wantok Niuspepa! Spesol Saplimen i kam klostu long dispela pepa bilong yumi ol PNG stret!



Beware of false prophets promising a brighter future for PNG

IN THIS column last week, our concluding paragraph was:

"Our hunch is that if we do not get into civil unrest of some magnitude in this country, then we are creating conditions for the rise of a dictator. If that happens, then let us pray it would be a benevolent dictator and not otherwise. This is the way history unfolded itself in Africa and the Americas. We already have likely candidates on the political scene busy spending public money and singing out daily praises for themselves in the local media."

It is our view we cannot see a way out of the phenomenon of bribery and corruption in this country, largely because it has permeated the whole spectrum of the PNG society, so that it has now become a way of life in this country. In fact it is now a multi-million kina business.

Coupled with bribery and corruption, it is a further phenomenon whereby the system in place systematically undermines the will of the people so that in time, the people feel powerless, voiceless and that way, the people lost interest in what is happening in and around them, as they concentrate on looking for the next meal to place on the dining table. We have now seen what has happened to the Leadership Code and the Environmental Act 2000. Even the parliamentary process has been corrupted by the government so that there is no longer a free debate on issues of national importance.

The events of the last parliamentary session is a classic example of what happens when you allow a government to feel



invincible. The more powerful the government gets, the more vulnerable the people become so that given time, the people will simply accept any treatment dished out to them.

Slowly but systematically the government is depriving the people of the appropriate avenue to seek redress for any wrongs committed by the government and big businesses which can afford to generate huge funds for the government. Thus, the partnership is now between the politicians in government and big businesses and there is no room for democracy, freedom and individual rights of the ordinary people. The slogan now is: 'I have the mandate by the people to do as I please'.

It is our view that the phenomenon of bribery and corruption is here to stay. It is not possible to eradicate it. However, we are further of the view that a far more sinister case scenario is now unfolding in this country as a direct consequence of corruption.

And that is, corruption has caused a far bigger problem and that is the systematic destruction of the concept of fair play by observance of established rules in an impartial manner. When you look at it closer, you will realize that this is the core function of the rule of law which in turn, sustains our parliamentary democ-

racy under a written constitution.

Yes, on a superficial level, the legal system in this country still functions daily but the concept of fairness that the legal system ought to sustain has long been corrupted so that issues of interpretation and application of the law including enforcement are not totally devoid of the spirit embodied in the legal and judicial system. Yes, we are enforcing the letter of the law, but not the spirit of the law which gives the legal system its sanctity or its moral foundation.

Take for instance, a case scenario where there is a police warrant of arrest for a prominent person. In the normal course of events, the criminal justice system should be allowed to take its course so that the police should proceed to arrest that person and bring him before the court of law to be dealt with. This is what happens in older democracies like England, Australia and New Zealand. In the normal course of events, the law courts in these countries will not grant orders stopping the police from performing their functions.

However, in this country, the superior courts like the National Court readily dish out court injunctions stopping the police from arresting people against whom the police have already obtained arrest warrants from the lower courts.

This is totally wrong for two reasons: Firstly, the superior courts must respect the integrity of the lower courts which have issued the warrants for arrest after consideration of the police case put before the Magistrate. Secondly, the criminal justice system must be allowed to take its

course without any interference from the superior court until the case, in its normal transition, reaches the superior court.

Unfortunately, in this country, the superior courts will jump the queue to stop the police and the lower courts from performing their routine functions.

The case of obtaining restraining orders against the Ombudsman Commission is another classic case of the superior courts interfering with the jurisdiction of the Ombudsman Commission. Where there is a leadership dispute between the leader and the Commission, the national court must not be allowed to grant injunctions against the Commission or the Tribunal from exercising their constitutional functions.

This is what we mean when we say that the whole system of interpretation and application of the law including enforcement have been corrupted in this country so that we are no longer enforcing the law within the spirit of the law.


Thus, if the leader has any complaints against the Commission or the Leadership Tribunal, then he has the right to go to the superior court to upset the decision of the Commission or the Tribunal AFTER these institutions have conducted their investigations and AFTER they have made their determinations known but NOT BEFORE. The law enforcement agencies, including the lower courts must not be stopped from their routine functions. The higher courts in turn must wait for the case to reach them in the normal course of events before they exercise their supervisory jurisdiction. In our

view, the superior courts of law are crossing bridges long before they even sight the bridges for themselves. They are corrupting the system of law and law enforcement in this country.

In conclusion, we say that bribery and corruption in this country is here to stay. Regardless of what effort we may put into the fight to control or even eliminate it, we will not succeed. The primary reason for our pessimism is that the people in positions which can make the difference are themselves corrupted so they are not likely to take any action against bribery and corruption. The very people who ought to take remedial action are the biggest beneficiaries of bribery and corruption themselves and they are the very people who are partaking in it.

This now takes us to the next level and that is on the moral plane. We can only call on these corrupt people to look at the phenomenon of bribery and corruption as a moral issue. We can only call on them to look deeply within and decide if they are doing the right thing. We can only plead for them to see that there is no self respect for anyone engaged in bribery and corruption and furthermore, there is no public respect for these people and their families. And ultimately, when it is time to die the fruits of bribery and corruption will not send these people to a happy life and neither will they take with them the proceeds of bribery and corruption.

We end with a biblical saying: "How does it profit a man if he gains the whole world but suffers the loss of his soul?"



Putim was long
40 Yias Anivesari
bilong Wantok Niuspepa
Spesol Saplimen
i kam klostu long dispela pepa bilong yumi ol PNG stret!

Ela Motors

Quality Used Vehicles



CRAZY

INDEPENDENCE SPECIALS!

Happy 35th Birthday PNG

TOYOTA CORONA PREMIO

Excellent Condition



From **K23,490.**

● POM - BADILI & WAIGANI - LAE

2000 TOYOTA CARINA

Luxury Auto Sedan



From **K24,399.**

● POM - BADILI & WAIGANI

ALL PRICES INCLUDE GST & ON ROAD COSTS!

Cars, Utes, 4WDs, Wagons, Vans, Buses & Trucks

2000 TOYOTA MARK II

Low Mileage



From **K24,530.**

● POM - BADILI & WAIGANI

2000 TOYOTA VISTA

Best Value Sedan



From **K23,499.**

● POM - BADILI & WAIGANI

TOYOTA COROLLA FIELDER

Ultimate Family Mover



From **K26,750.**

● POM - WAIGANI . BADILI & LAE

2000 TOYOTA CALDINA WAGON

Stylish Family Wagon



From **K26,380.**

● POM - BADILI & WAIGANI

2000 TOYOTA CAMRY GRACIA

Executive Class



From **K33,650.**

● POM - BADILI & WAIGANI

2000 TOYOTA HARRIER

Luxury Comfortable Drive




From **K45,500.**

● POM - BADILI & WAIGANI

1998 TOYOTA RAV4 5 DOOR

Tough 4WD Go Anywhere




From **K34,650.**

● POM - WAIGANI . BADILI - LAE - GOROKA

2001 TOYOTA GAIA WAGON

Priced To Clear This Week



From **K26,580.**

● POM - BADILI & WAIGANI

Badili Ph 3217036 . Goroka 5321844 . Kimbe 9835155 . Lae 4781800 . Kavieng 9842788 . Madang 4222188 . Waigani 3257388 . Wewak 4562255

Ela Motors USED VEHICLES

Your First Choice

PHOTOS USED FOR ILLUSTRATION PURPOSE ONLY

FOR MORE INFORMATION CONTACT YOUR FIRST CHOICE TEAM TODAY

- ✓ WARRANTY
- ✓ FINANCE
- ✓ SERVICE & PARTS
- ✓ PRICE
- ✓ 60 POINT SAFETY CHECK
- ✓ ALL VEHICLES SERVICED
- ✓ OVER 140 VEHICLES AVAILABLE
- ✓ 16 BRANCHES NATIONWIDE

Quality Assured ISO 9001:2008 Lic. 13968 SAI Global . Terms & Conditions Apply! Promo expires : 31/ 08/ 2010.

Pe bilong ol sios helt woklain i wok long kamap gutpela

Veronica Hatutasi i raitim

PE bilong ol manmeri i wok long ol haus sik, helt senta na etpos we ol sios i papa long en i gutpela moa nau skelim wantaim dispela ol bir save kisim long sampela yia i go pinis, opis bilong Sios Medikel Kaunsel (CMC) i tok.

Na tu, olgeta pe na alauwens long 2009 na dispela yia, 2010, em ol i stretim pinis.

Tasol opis i tok ol Sios Helt Sevis (CHS) woka i no kisim yet ol bekpe bilong ol bipo long 2009. Na i moabeta long ol atori i go pas long dispela i lukluk long en na stretim.

Opis i tok long planti yia stret, ol Sios Helt Woklain (CHW) i bin stap ausait long ol lo i karamapim ol Pablik Sekta woklain. Ol i no bin gat ol entaitelmen o gutpela pe na alauwens samting we ol pablik sekta woklain i save kisim.

"Mipela i bin pait hat long kamap long mak we mipela i stap nau long en, tasol ol CHW i no hap long Pablik Sevis sis-

tem yet," CMC opis i tok.

CMC opis i wokim ol dispela toktok long bekim sampela toktok we James Amuna, em Jenerel Sekreteri bilong PNG Komyuniti Helt Wokas Asosiesen, i mekim i no long taim i go pinis.

Mista Amuna i bin tok Sios Medikel Kaunsel na Sios Helt Sevis i rong long i no peim gut ol woklain bilong ol, Dispela em ol komyuniti helt woklain, ol nes na ol helt ekstensen opisa.

Em i bin tok ol helt woklain i wok aninit long medikel sevis em ol i kisim gutpela skul na trening. Na em i no gutpela long lukim ol bos bilong ol i no peim ol gut, glasim mak long pe wantaim ol gavman helt woklain.

Taim Mista Amuna i amamas long ol sios long gutpela wok ol i mekim long ol ples we gavman sevis i no save go long ol, em i tok dispela gutpela sevis ol i save bringim long ol komyuniti em ol woklain ol i kisim ausait long sios ministri i save mekim wok. Na planti taim, ol woklain ya i no kisim gutpela luksave o sampela

taim, ol i no save kisim pe long taim stret bilong em.

CMC opis i tok ol reit na gret we CHS i stap long ol woklain bilong em i wankain olsem ol gavman woklain. Tasol samting i narakain em, "ol i givim CHS Mid Poin o namel Mak long salari o pe straksa we Dipatmen bilong Pesenel Menesmen i givim olsem Anuel Beis Salari."

Opis i tok CHS i save kisim mani aninit long baset siling na long mak bilong wok mani i ron olsem wanem. Na mak ol i save katim long pe e mol i save skelim long hamas woklain ol i gat skelim wantaim baset na manimak ol i save kisim long wan wan yia.

Opis i tok ol i save wokim ol pe na salim i go long akaun bilong ol wan wan sios ejensi akaun long wan wan mun i go long BSP Kundu Pe sistem,

Opis i tok i no longpela taim i go pinis nau taim tingtign na lukluk long CHS i senis na ol i wok long kisim moa sapot. Na pe bilong ol tu i wok long kamap gutpela, maski i no stap long wankain mak

olsem ol gavman helt woklain.

"Mipela i laik kisim wankain mak long pe n a mipela i hop dispela bai kamap," CMS opis i tok.

Opis i tok ol i nogat kopi bilong MOA we Mista Amuna i toktok long en tasol dispela MOA we ol na Nesenel Dipatmen bilong Helt na gavman i wok long laik gat em ol i no wokim yet.

"Patnasip bilong mipela em i kam aninit lon g Ekt bilong Palamen, Na ol i hin kamapim Provinsel Gavman Ekt na MOA we ol sios i gat wantaim ol Provinsel Gavman," opis i toki.

Em i tok sapos Ekt bilong Palamen em i abrusim taim bilong em, Mista Amuna i gat poin long dispela.

Opis i tok moa olsem ol sios i seperet lon g ol pablik institusen na ol yet i papa long ol wan wan helt institusen bilong ol.

CHS i gat moa long 4,000 woklain na em i gutpela tingting long CHS i ken gat pe sistem yet bilong em, tasol em i ken kamapim planti hevi anin it long konsep peirol system, CMC opis i tok.

Nesenel Helt Plen bai stretim gut

James Kila i raitim

MENESMEN bilong Helt sistem long Papua Niugini i bruk bruk nabaut na bikpela hevi na salens tru i stap long stretim gut Helt sekta insait long kantri.

Sif Seketeri bilong Gavman, i tokaut long dispela long taim bilong opim Nesinol Helt Konfrens na tu long taim bilong lonsing bilong PNG Nesenel Helt Plen 2011-2020.

Mista Zurenuoc i tokaut olsem 3-pela level bilong gavman bilong yumi i stap olsem rot long bihainim tasol long wok long kamap insait long bringim sevises i go long ol pipel i no save kamap na planti manmeri i wok long bungim hevi yet. Olsem na yumi mas kamap wantaim gutpela tingting na painim gutpela rot long stretim hevi na bringim sevis i go long ol pipel insait long kantri.

Mista Zurenuoc i tok em tru olsem bikpela namba long ol pipel insait long kantri i no save kisim gutpela helt sevises na tu ol marasin i no save go long ol pipel husat i nidim tru marasin long stopim sik na ol narapela samting long sait bilong helt bilong ol.

Em i tok olsem Gavman i lukim dispela na i kamap wantaim plen long stretim dispela hevi we ol pipel i ken gat sans long kisim ol sevises.

Dispela nupela Nesinol Helt Plen 2011-2020 we bai lukautim na was long wok bilong Helt sekta insait long PNG.

Insait long 10-pela yia dispela plen bai stap em bai kos samting olsem K14.2 bil-

ion long karimaut wok long bringim sevises i go long helpim ol pipel insait long kantri. Dispela em wanpela bikpela investmen tru long kantri.


Bikpela toktok tru Mista Zurenuoc i tokaut em olsem planti ol pipel insait long PNG i no wok long kisim gutpela helt sevises. Olsem na olgeta sekta insait long Helt i mas wok bung wantaim long bringim sevises i go long helpim ol pipel.

Em i tok olsem Gavman i putim bikpela mak pinis long wanem rot em bai bihainim. Dispela dairektiv i kam wantaim Long-tem Developmen Strateji bilong 20-yia we i kam wantaim 40-Yia Visin.

Mista Zurenuoc i tok olsem PNG Visin 2050 i soim "Bikpela Laik bilong ol Pipel" long lukim kantri o nesen bilong yumi divelop insait long 40 yia.

"Mipela mas Smat, Gat Gutpela Tingting, Fea, Helti na stap insait long Hepi Sositai long yia 2050. Dispela em bikpela driman tru we i stap yet we ol lain papa bilong yumi husat i stap pastaim long Gavman i laik lukim PNG i kamap long dispela mak.

Narapela bikpela toktok Sif Seketeri, Mista Zurenuoc i tok em olsem moa pawa i mas go long ol provins long kantri long sait bilong Helt. Long dispela rot ol i ken bringim sevises i go long helpim ol lain long distrik na wod na tru bringim gutpela tingting long wanem rot dispela ol wok plen i ken helpim ol liklik manmeri long ples long sait bilong gutpela helt bilong ol wantaim pikinini bilong ol long nau na bihain taim.



MIPELA TU I GAT TOK: Ol skul pikinini long Nesenel Kapitel Distrik I bin pilaim bikpela pat long lonsing bilong PNG 2011-2020 Nesenel Helt Plen long Se John Guise Stadium long dispela wik Tunde, Hia em wanpela liklik sumatin pikinini meri i tokaut long gutpela samting we em i laikim bai dispela helt plen i givim long em na ol olgeta pikinini bilong dispela kantri. Foto: Nicky Bernard

Bai gat Katolik Kolis long UPNG

...Ol wok redi i go het nau

Veronica Hatutasi i raitim

WOK awenes i stat pinis long kisim sapot bilong ol 20 Daiosis long kantri long sapotim wanpela Katolik Sios Kolis long Yunivesiti bilong PNG (UPNG).

Long las wik Sande, wan wan Katolik sumatin long UPNG i bin toktok long ol perisina bilong wanwan long ol 14-pela peris insait long Pot Mosbi Katolik Asdaiosis bilong mekim klia dispela projek we bai kamap long UPNG, na givim sapot bilong ol.

As tingting bilong sanapim dispela sios kolis em i bilong kamapim gutpela ples we bai helpim ol sumatin i sindaun gut

na kisim gutpela stia long luk-save long God na taim ol i kamap ol lida, ol i ken sanap strong long gutpela Kristen skul na bilip na mekim ol gutpela disisen long ol wok ol bai kisim taim ol i pinisim skul.

Sansela bilong Pot Mosbi Katolik Asdaiosis em Pater Rodrigo Campilan, i tok ol Katolik sumatin bilong UPNG yet i bin kamap wantaim dispela tingting long sanapim wanpela Katolik Kolis insait long yunivesiti long tripela yia na long las yia, nau i dai Ok-seleri bisop bilong Pot Mosbi Asdaiosis, Bisop Cherubim Dambui i bin lonsim o opim plen long dispela samting.

Pater Rodrigo i tok UPNG i givim pinis bikpela hap graun long mak bilong 4-pela hekta insait yet long yunivesiti graun long sait bilong UPNG Tennis kot long sanapim dispela Katolik Kolis.

"Dispela em i wanpela bikpela projek ol i bilip bai i pinis long yia 2015. Kolis bai i gat long en wanpela sios sapel o haus lotu bikpela inap long kisim 1,000 pipel, ol haus slip bilong ol sumatin man na meri long kisim namel long 800 na 1,000 pipel, ples bilong kaikai, ples bilong holim bung o konpres rum, laibreri, kompyuta leb, kentin na haus bilong pater," Pater Rodrigo i tok.

Em i tok ol i bilip olsem projek bai pinis long 2015 fia ol lain i kam long Saut Pasifik Gems long Mosbi long dispela yia (2015) i ken slip long ol haus long kolis.

Planti taim yumi save wari tasol long akademik sait o mekim gut long ol skul sabjek na i no long gutpela pasin o luksave long God. Tasol kain kolis we i sanap long nem na piksa bilong sios bai redim ol sumatin long "Integrel human development" o developmen long olgeta eria bilong laip na sindaun bilong man.

UPNG sumatin husat i go pas long projek, Douglas Siminji i tok tingting long sanapim dispela

projek em i bihainim visen bilong yunivesiti long developim ol wok manmeri bilong dispela kantri.

Em i tok dispela kolis bai givim gutpela stia na trening long ol yangpela lida husat bai mekim ol gutpela disisen long daunim ol korap pasin we i wok long bagarapim kantri. Na bihainim gutpela pasin long mekim wok stret, yusim gut mani long mekim wok na nogat stil na giaman pasin i kamap.

Em i tok PNG i gat nem long i no harim tok na wokim bikhet pasin. Na i mas gat sistem i stap long wok wantaim ol sios long senisim ol pasin bilong yumi i kamap gutpela.

Skul tisa na ripota toktok long wok bilong em

Veronica Hatutasi i raitim

TAIM Wantok Niuspepa i makim 40 krismas bonde bilong em, wanpela skul tisa i amamas olsem em tu i hap bilong dispela niuspepa bilong ol asples pipel bilong PNG i ron mekim wok yet.


Ian Kakarere husat nau i Deputi Prinsipel bilong Kiunga Sekonderi skul long Westen Provins i wanpela nius ripota ol i save kolim long stringa o frilens raita bikos em i no mekim fultaim wok olsem ripota, tasol em i save raitim nius long fri taim bilong em.

Ian i bin stat long raitim ol stori na salim i kam long Wantok Niuspepa na ol susa Inglis niuspepa olsem The Times of PNG, The Independent, Rugby News, Weekend Sports, PNG Business na New Nation long yia 1983. Dispela yia em i namba 27 yia lan i rait long Wantok i stap.

"Mi amamas tru long kontribuit long Wantok Niuspepa long helpim ol ples pipel na liklik manmeri i kisim save long ol samting i kamap long PNG na ovasis.

"Laik bilong mi long stat rait long niuspepa em long Ragbi Lig nius i save ron olsem saplimen long Wantok. Namba wan wok-sop em Word Pablising, em mama kampani bilong Wantok, i bin ranim long ol stringa bilong en em long 1985 long Loloata Ailan ausait long Mosbi siti. Mi bin sindaun long dispela wok-sop.

"Mi stat long raitim ol jenerel nius na Ragbi Lig nius. Ol i tokim mi olsem, mekim wok bilong yu pastaim na sapos yu gat taim, yu ken raitim ol stori long Wantok. Long dispela taim, mi bin wanpela junia tisa na mi gat planti fri



SEKIM LONG WANTOK: Long ol wan wan taim, sampela lain long PNG na ovasis i karamapim ol risets lain, ol sumatin na ol narapela lain i karimaut sampela wok i save kam sekim ol niuspepa olsem Wantok, The Times of PNG na The Independent long kisim ol infomesen long helpim ol i mekim ol wok bilong ol. Poto i soim sampela failol yia Literetsa sumatin bilong Yunivesiti bilong PNG i wokim asaimen pepa bilong ol long ol stori tumbuna bilong PNG i kam sekim Wantok Niuspepa long ol dispela stori. Sindaun wantaim ol sumatin sekim Wantok em leksera bilong ol, Dokta Bernard Minol. Poto: Nicky Bernard

taim. Na mi no save isi long salim ol stori i kam," lan i tok.

Stat yet long 1983 i kam long ol yia long 1990's na 2000, lan i save raitim planti stori i kam long Wantok na ol susa Inglis pepa bilong em.

"Nau mi kisim sinia wok olsem Deputi Prinsipel, mi gat planti wok na mi no save rait planti. Tasol sapos sampela samting i kamap long Westen provins, mi save ringim Edita na givim nem na telipon namba long husat em i ken toktok long en long kisim ol stori na putim long Wantok. Tasol sapos Edita i askim mi long kisim na raitim stori, mi save mekim. Mi save baim wanpela kopi bilong Wantok olgeta wik. Gutpela taim na wok bilong mi long Wantok em mi tingim

olsem aste tasol", lan i tok.

Sampela ol bikpela wok we lan i bin go kisim na raitim ol stori long ol na i stap pas long memori bilong em ol dispela.

"Go wantaim Yunaitet Nesens Hai Komisn bilong Refujis (UNHCR) long Wes Papua long yia 2000 long lusim ol namba wan Wes Papua manmeri na pikinini i go bek long asples bilong ol. Bikos gavman bilong Indonesia i senisim polisi long ol refuji, em bin orait long ol i go. Na mipela i bi lusim Westen provins long haf pas 9 long nait bihainim boda rot i go olsem long Jayapura.

"Narapela em long ron long helikopta long Morehead. Narapela em long taim bilong bikpela san (drought) long 1997 we mi

bin kalap long ami helikopta bilong Australia long sekim olgeta hap bilong Kiunga na Morehead. Long 1987 tu, mi kalap long helikopta long raun sekim Striklen Gos. Em i wanpela hatpela ples bikos long maunten, tasol mi amamas long mekim ol dispela wok na raitim ol stori long ol. Ol dispela stori i bin putim Kiunga long mep bilong PNG tu ya," lan i tok.

Mi tingim taim mi yet i kam stat wok wantaim Wantok Niuspepa, olgeta krismas skul malolo, lan i save kam wok long Wantok na ol narapela susa Inglis niuspepa. Na em i no save long go aut, kisim nius na raitim planti stori insait long wanpela de. Na long wik bilong ol tisa i mas stat wok, em i save go bek long wok bi-

long em long Westen provins. Na long sotpela taim em i go wok tisa long Wes Nu Briten provins.

Taim mi save lukim nem lan Kakarere, mi save ting olsem em i man Galp provins, tasol nogat. Papamama em ol misinari bilong Australia i bin wok long Galp na Westen provins. Tasol wanpela Galp provins famili i bin kisim em olsem pikinini bilong ol na em i kamap man PNG. Em i marit long Westen provins na i gat ol famili bilong em i stap.

"Mi amamas long tok olsem mi hap bilong Wantok na long namba 40 yia bonde bilong niuspepa, mi salim bikpela tok amamas bilong mi i go long kampani na ol lain i wok i stap nau wantaim niuspepa," lan i tok.

Kolom i helpim planti lain

Fr. Paul Liwun SVD i raitim

TAIM Wantok Niuspepa i makim 40 krismas, mi laik stori liklik long dispela kolom mi save raitim kamap long 8-pela yia nau.

Em long Toktok Nating na Stori Tasol.

Taim mi kisim askim long rait long dispela kolom long 2002, ol bin givim mi wanpela wik long tingting long en na tok-save sapos mi laik o nogat. Mi bin givim sampela tingting long en na mi tok yesa, bai mi traim. Na i kam inap nau, mi amamas olsem 8-pela krismas i go pinis, mi rait yet i stap na givim sampela gutpela skul long ol nara-pela insait long peris bilong mi, komyuniti na kantri.

Mi bin statim dispela kolom bilong mi long yia 2002. Mi bin raitim 120 stori long TOKTOK NATING na 142 stori long STORI TASOL. Olgeta stori bilong mi kam long laip na wok ekspiriens bilong mi, long wanem samting mi lukim na wokim, na sampela stori i kam



long buk o intanet mi bin ridim long en.

Planti manmeri long ples o long siti i save long Tok Pisin i ridim stori bilong mi. Sampela long Wewak ol i salim pas i kam na tok tenkyu long mi bikos, sampela stori na skul bilong TOKTOK NATING i bin helpim ol long skul na serim insait long komyuniti bilong ol. Wanpela Holi Spirit Sista (SSpS), em i wanpela nes. Em i bin amamas long stori bilong mi long taim mi go lukim wanpela man i gat sik AIDS long Erima peris. Em i bin yusim stori bilong mi long mekim wok awenes long manmeri bilong ples.

Long Westen Hailans, sampela i salim pas i kam na wokim komen olsem mi autim tok klia long sampela samting i save stap hait long sios na kantri bilong yumi. Bikos wanpela stori bilong mi i tasim hat bilong ol. Tasol ol i bin tokim mi long LUKAUT, bikos sampela stori bilong mi i olsem autim stret wanem samting i no stap stret long gavman bilong yumi na pasin nogut bilong ol Politisen na memba bilong palamen bilong yumi. Long dispela, mi bekim pas bilong ol olsem, "Mi no wari, bikos stori bilong mi em i bilong helpim yumi long tingting long pasin bilong yumi. Mi no poinim pinga long wanpela man. Sapos yu PILIM i sutim bel, em i mak olsem stori bilong mi i sutim bel bilong yu".

Sampela raskol i bin kam long haus bilong mi long taim mi stap long Erima yet. Mi askim ol, olsem wanem yupela i save long nem bilong mi? Ol i tok: "Mipela ridim stori na skul bilong yu long Wantok Niuspepa. Stori na skul bilong yu i

sutim bel bilong mipela yet. Olsem na mipela i kam long askim moa long spirituel gaidens o tok stia bilong yu. Bikos stori bilong yu i helpim mipela long lusim dispela pasin nogut bilong mipela, tasol mipela laikim moa stiatok bilong yu, olsem na mipela bai stap strong taim traim i kam bek gen".

Ol i bin lusim pasin raskol bilong ol na nau sampela i mekim wok sekyuriti, sampela i marit na painim wok long sapotim famili, wanpela i statim liklik bisnis bilong em long salim sigaret na nau em i gat wanpela liklik stua bilong em yet.

I gat gutpela rispons i bekim long olgeta hap we ol manmeri i save long Tok Pisin. Long Daru/ Kiunga na long Enga Provins, sampela Pater i amamas na tok tenkyu long mi bikos sampela stori na skul bilong mi ol i bin yusim long skulim manmeri bilong ples.

Long Madang plant i amamas long stori bilong mi. Tasol ol i no amamas long taitel mi

bin givim long en. Ol i tok: "Stori na skul bilong yu i no TOKTOK NATING. Em i gat bikpela mining na skul bilong em".

Olsem na long sampela yia i go pinis nau, mi bin givim nupela nem "STORI TASOL" long kolom bilong mi. Inap tude, mi bin raitim 142 aninit long taitel STORI TASOL.

Bai mi rait i go moa yet. Mi bilip olsem long wanpela de, mi bai bungim olgeta stori bilong mi i kamap olsem wanpela Buk. Tasol mi bai laikim spona long helpim mi. Hepi namba 40 Bonde Wantok!

Toksave: Fr Paul i bilong Flores Ailan long Indonesia. Ailan bilong em i stap klostu long Is Timor. Tenpela yia stat yet long 1998, em i bin peris pris bilong Sen Peter Sanel peris Erima long Nesenel Kapitel Distrik. Tasol long las mun, em i lusim Erima na nau em i go long nupela peris. Em long Sen Michael's peris long Hanuabada. Tok Pisin i kilim em gut stret tasol ating nau, bai em i lainim Tok Motu o?

Mercy Works holim yut progrem long Goroka

Paulus Tali i raitim

WANPELA sios ogenaisesen long Goroka, Isten Hailans provins bai holim wanpela de program bilong ol yut long Nesenel Pak long Goroka taun tude.

Mercy Works bai holim dispela wanpela de program long makim Intanesenel Yut De.

Ol yut bai i kam long ol kain sios, komyuniti na haus na Mercy Works i welkamim olgeta yut lain i grup long go insait long dispela program.

Het tok bilong progrem bilong dispela de em, "Strongim gutpela wok bilong ol Yut, em i no isi".

Long dispela wik, ol yut lida bilong ol wan wan sios i wok hat long glasim ol wok olsem ol i mas redi gut long go hetim tude. Progren bai inap long tokaut long wanem kain laip ol yut bilong tude i stap long en, wanem ol hevi ol i bungim insait long komyuniti, haus na provins.

Long nau yet, planti yut o yangpela i nogat wok bai i


kam na harim ol gutpela toktok we i ken helpim ol long kamapim gutpela sindaun nau na long bihain taim.

Planti ol yut i pilim olsem gavman bilong tude i no luksave long hevi bilong ol yut nau na long Visen 2050. Ol i tok gavman i wok long toktok planti long politiks na i no lukluk long hevi tru bilong ol grasrut lain we moa hevi i stap.

I gat bilip olsem long program bilong tude, ol pablik sevan, ol Non Gavman Ogenaisesen na praivet sekta lain bai kamap long helpim painim rot we ol i ken givim ol tok stia long ol.

Lukautim gut laip bilong ol yangpela tude em i bikpela samting bikos planti yangpela tude i wok long dai long ol kain sik olsem long HIV/AIDS, kriminel na bikhet pasin, kisim ol spakbrus na moa.

Tupela meri i go pas long ogenaisesen Mercy Works long Goroka em long Sister Marianne Kolkia na Hawa Harry.



SIOS BILONG MAGNIFIKAT: Las wik Sande long Katolik Sios kalenda i bin Asamsen Sande we sios i makim Mama Maria i go long Heven. Long Gospel rit bilong dispela taim, Mama Maria i bin go lukim kasen susa na famili bilong em Elizabeth husat i lapun tasol i bel wantaim John Baptais. Na taim em i amamas lukim susa bilong em, Maria i bin tok sol bilong em i apim Bikpela bikos em i wokim ol bikpela samting long em. Olsem na dispela sios we ol i bildim gen antap long olupela wan long 1939 em ol i kolim long Sios bilong Magnifikat i sanap 7 kilomita longwe long Jerusalem. Dispela em ples bilong Santu Elizabeth na John Baptais. Foto: Buk Holy Land

Yunaitet Sios holim namba 43 Eben Rijen bung

SAPOTIM ol sios lida long strongim lidasip long karimaut ol wok misin em i wanpela bikpela samting we sinot o bikpela bung bilong Yunaitet Sios long PNG i toktok long em.

Yunaitet Sios long PNG i holim namba 43 Eben Rijnel bung bilong ol long Mosbi stat long las wik Trinde yet i kam inap long pinis bilong dispela wik. Ol lain i stap long bung i kam long Madang, Popondetta, Goroka, Wewak, Vanimo, Lae, Lorengau na Mosbi yet.

Long opim bung, Gavana Jenerel Se Paulias Matane i bin salensim ol sios lida long wok bung wantaim long senisim tingtign na pasin bilong ol pipel na ol i ken stap gut wantaim.

Em i tok Mama lo bilong PNG i tok em i wanpela Kristen kantri na ol pipel i mas bihainim Mama Lo long ol toktok na tingting bilong ol na tu, taim ol i mekim ol samting.

Em i askim sapos yumi bihainim pasin Kristen olsem i stap aninit long Mama Lo bilong yumi.

Stori bilong meri niusrum draiva

Veronica Hatutasi i raitim

TAIM Wantok Niuspepa i makim 40 kris-mas bilong em, Helen Singiat em wanpela yangpela meri i bin wok olsem niusrum draiva i laik stori liklik long wok bilong em.

Helen i save kisim ol ripota long hap we ol i gat wok long en long Mosbi siti na kisim ol bek taim wok bilong ol i pinis, i laik stori liklik long wok na taim bilong em wantaim Wantok.

Helen bilong Kairuru Ailan long Is Sepik em i wanpela naispela yangpela meri i bin wok olsem Word Pablisng Kampani niusrum draiva long tripela mun, stat long Septemba na pinis long muh Novemba 2002 yet. Mi ken tingim taim Helen i kisim mipela i go long wok, oltaim em i save gat bikipela smail, toktok gut wantaim amamas na lap wantaim ol ripota inap em i go lusim o kisim bek mipela long wok. Dispela em i nambawan taim kampani i bin gat wanpela meri draiva long niusrum na long ol narapela eria tu. Tude, Helen i wok olsem Edministretiv Opisa/ Skolasip Asisten wantaim Australia Pasifik Teknikel Kolis long Idubada, Pot Mosbi.

Harim nau stori bilong Helen.

"Mi wok long stap nating na painim wok taim bos bilong Word Pablisng Kampani, em Anna Solomon, i ringim mi na tokim mi long go lukim em long kampani opis bilong ol long dispela taim i stap long Hohola.



NIUSRUM DRAIVA: Helen Singiat em smatpela Wantok niusrum draiva i wok nau wantaim Australia Pasifik Teknikel Kolis long Idubada, Pot Mosbi.

Dispela em long Septemba 2002. Dispela em bihain long wanpela gutpela poro, Mama Emelia Wani, i ring long Anna na sekim sapos kampani i gat sampela wok i stap.

"Taim mi go lukim em na mipela i toktok, em i tokim mi olsem, gutpela, bai yumi lukim sampela senis nau. Bai mi kisim yu long wok wantaim mipela na bai yu kamap olsem de taim olsem draiva bilong nius-

rum. Wok bilong yu em bai yu karim ol nius ripota i go long ol wok bilong ol na tu, kisim ol bek taim ol i pinis long wok ol i mekim.

"Mi ting dispela em i gutpela na bai mi amamas long mekim dispela kain wok. Mi wanbel long mekim san taim raun i stat long 8 kilok moning inap long 5 kilok apinun. Bikos long sait bilong sekyuriti, mi no inap long wok nait.

"Mi bin laikim stret dispela wok na mi amamas long kisim ol nius ripota i go na i kam bek long wok ol i go long en long olgeta hap kona bilong Mosbi siti. Mi bin amamas long salens mi bin gat olsem wanpela meri draiva we mi draivim ol man ripota i go na i kam long ol wok bilong ol. Ol tu i wok long amamas olsem long yangpela meri draiva bilong ol na ol i wok long kusai long ol narapela man ripota long ol narapela nius ogenaisesen. Mi no bin gat wanpela hevi wantaim ol man ripota na ol i bin givim mi gutpela luksave stret. Mi noken lusim tingting long planti ol meri ripota kampani i bin gat long dispela taim we mi bin amamas long kisim ol i go na i kam long ol wok bilong ol long Mosbi siti.

"Wanpela samting mi bin lainim long taim bilong mi long Wantok em long noken ovalodim ka bikos ol polis i bin bukim long dispela long Konedobu long wanem, 4-pela ripota i bin sindaun long baksait bilong liklik Sedan ka. Tasol mi amamas olsem bosmeri Anna i bin kam na stretim

dispela hariap wantaim ol polis.

"Mi inap wok i go moa olsem niusrum draiva bilong Wod Pablisng kampani, em Mama kampani bilong Wantok Niuspepa, tasol kar bilong mi yet i bin bagarap na i kisim longpela taim long stretim. Na mi no wanpela meri i save kisim PMV bas long i go na i kam long wok na olsem, mi bin pinis long wok we mi bin amamas long mekim insait long sotpela taim. Toktok bosmeri Anna i mekim i sutim stret sindaun mi bin stap long en wantaim kar bilong mi long dispela taim. Em long "Em kar i bagarap, em tu ya bagarap."

"Wanpela toktok mi laik mekim em, mi bin luksave na ol narapela woklain i bin toktok long en em, long gat meri draiva long niusrum i gutpela bikos meri i mekim wok stret. Na em i no wokim sampela giaman raun olsem sampela taim we sampela ol man draiva i wokim long go lusim ol ripota long wok bilong ol na ol i go lus longpela taim. Mi ting olsem meri i wok long hap we planti man i wok long en i gutpela bikos em i kamapim sampela senis long wanem meri bai mekim gut wok bilong em na mekim samting stret. Olsem na em i taim nau long ol meri draiva i strong olsem ol man na i gat gutpela pasin long ol i ken tingting long wok long ol dispela kain hap. Na mi tokim yupela, ol man bai amamas long yupela na givim yupela luksave," Helen i tok.

Buy 4WDs - trucks - buses - sedans from Japan

Tel: +81-52-219-9024 / Fax: +81-52-219-9025

1000 used vehicles from Japan:

www.JapaneseVehicles.com

GO

Some example:

PRICES IN PNG KINA, SHIPPING COST AND TAXES NOT INCLUDED.

<p>SN 114131</p>  <p>PGK 3,427-</p> <p>TOYOTA CAMRY '97 1.8ltr petrol, AT, silver, 80,000km</p>	<p>SN 114860</p>  <p>PGK 2,610-</p> <p>NISSAN CEFIRO WAGON '99 2.0ltr petrol, AT, whitepearl, 91,000km</p>	<p>SN 115875</p>  <p>PGK 5,536-</p> <p>TOYOTA CAMRY GRACIA '99 2.5ltr petrol, AT, whitepearl/beige, 74,000km</p>	<p>SN 103886</p>  <p>PGK 3,164-</p> <p>TOYOTA MARK II '96 2.5ltr petrol, automatic, white, 92,000km</p>	<p>SN 114630</p>  <p>US\$ 3,398-</p> <p>NISSAN CEFIRO '99 2.0ltr petrol, AT, silver, 61,000km</p>
<p>SN 117393</p>  <p>PGK 8,436-</p> <p>NISSAN MISTRAL '95 2.7ltr diesel, AT, 4WD, black/beige, 87,000km</p>	<p>SN 116246</p>  <p>PGK 13,971-</p> <p>MITSUBISHI PAJERO '97 2.8ltr diesel, AT, 4WD, green, 103,000km</p>	<p>SN 117441</p>  <p>PGK 10,281-</p> <p>TOYOTA HIACE '92 2.4ltr diesel, AT, whitepearl/brown, 86,000km</p>	<p>SN 104077</p>  <p>PGK 38,222-</p> <p>MITSUBISHI ROSA '97 3.6ltr diesel, MT, white/blue, 26 seats, 93,000km</p>	<p>SN 117120</p>  <p>PGK 22,480-</p> <p>ISUZU ELF '01 4.3ltr diesel, MT, white, 123,000km, High deck, 3 Ton</p>

Wei Bilong Baim Kar Ikam Long Japan

1. Makim kar bilong yu.
Sekim web-sait bilong
mipela o askim wanpela
sels edvaisa bilong
mipela



2. Askim tasol long wanpela fri kwotesin.
Ringim mipela long
telefon, fax o e-mail.



3. Pinisim peimen.
Peim long US Dola igo
long benk akaunt
bilong mipela.



4. Bai mipela salim kar bilong yu long sip.
Gutpela rot long salim
long sip na save kam
hariap tru.



5. Yu kisim kar bilong yu.
Peim takis, rejistarim
kar ya na yu redi long
draivim.



Contact us and leave your telephone number, we will call you back. From 8:00 to 23:00, PNG time, ask for Roger / Juan.

TEL +81-52-219-9024 / FAX +81-52-219-9025

WEB www.JapaneseVehicles.com / EMAIL sales@JapaneseVehicles.com

SPARE PARTS SERVICE

Genuine Spare Parts from Japan
EMAIL parts@JapaneseVehicles.com / TEL +81-52-219-9358

Harim TOK PISIN long
Radio Australia
101.9FM
Port Moresby

TOK PISIN NEWS
from Radio Australia
radioaustralia.net.au

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Ol Easter Ailan lida laik lusim Chile

OL lida bilong Ista Ailans (Easter Islands) i bin tok ol i laik bruk lusim Chile na senisim dispela wok pren bilong ol i go wantaim ol Polonesia kantri, olsem wanpela protes long rait bilong graun na imigresen.

Sampela ol biknem asples famili bilong Rapai Nui, i bin tokim Pasifik Ailans Forum olsem ol i laik rausim dispela bung bilong ol wantaim Chile na mekim ol i kamap olsem hap bilong Osenia na maski long lukim ol olsem ol i Amerika.

Ol i bin kamapim dispela tingting insait long wanpela pas ol i salim i go long Forum na tu long Presiden bilong Chile Sebastian Pinera.

Ol as ples pipel long Ista Ailans i bin namel long hap bilong dispela 5. tausen pipel bilong Ailans, na ol i tok namba bilong ol turis. na ausait pipel i laik kam stap long ailan o ol setla i bin bikpela tru.

Ol i bin krosim, gavman long kisim ol hap graun bilong tum-buna bilong ol na wok ol gavman opis long en.

Ista Ailans em i stap insait long bikpela solwara bilong Pasifik, na i stap samting olsem 2 tausen mail wes bilong Chile.

Long yia 1888, Santiago i bin mekim em i hap bilong en, na mekim em i kamap provins bilong Valparaiso, tasol ol i lukim em olsem spesel teritori.


Kuk Ailans bai go long ileksen klostu

KUK Ailans (Cook Islands) i bin tokaut nau olsem em bai go long ileksen long 17 de bilong mun Novemba.

Praim Minista Jim Marurai i bin mekim dispela toktok long Palamen.

Em i tok palamen bai pinis long wok bilong em long 24 de bilong mun Septemba, tupela de tasol pastaim long taim bilong dispela gavman i pinis.

Stat long mun Desemba, Praim Minista Marurai i bin



TOKTOK TUMAS: Wanpela poto i soim ol lain i werim ol traipela helmet long het i luk olsem Praim Minista Julia Gillard na Oposisen Lida Tony Abbott long Australia. Baksait em grup Oxfam Australia i plaim wanpela balun i tok "Maski toktok tumas - katim polusen nau!" Mausmeri bilong Oxfam Australia Klaimet Senis, Kely Dent, i tok, "ol lain turangu long wol i lukluk long Australia long pinisim toktok nating bilong em na kamap wantaim samting stret. Australia i ken kamap wanpela rijinel lida na helpim long givim mani long developim klin eneji long ol pua kantri." (Poto i kam long AAP Images)

bungim planti toktok long i mas makim taim bilong elek-sen, taim i bin gat ol kros i kamap namel long sampela memba bilong Demokratik pati em nau ol i stap long gavman.

Ol memba em ol i no klostu

long Mista Maruai - em bipo ol i bin memba bilong kabinet bilong em, i bin askim Gavana Jeneral Sir Frederick Goodwin long pasim palamen na askim long ileksen i mas kamap kwik.

Ban Ki Moon i tok Pakistan tait wara i bin nogut tru

SEKRETERI Jeneral bilong Yunaitet Nesens (United Nations), Ban Ki-Moon i bin tok dispela tait wara bilong Pakistan i bin wanpela bikpela bagarap tru em i bin lukim.

Nius-meri long Saut Asia, Sally Sara i bin ripot, Sekreteri Jeneral i bin plai long balus antap long ol eria em ol i bin kisim bagarap long Punjab provins bilong Pakistan.

Em i toktok long ol samting em i lukim olsem i brukim tru lewa bilong em na i bin tok em i nonap lus tingting long ol samting em i bin lukim.

Mista Ban i bin tok ol arapela kantri i mas hariap long halivim bilong ol i go long samting olsem 20 milian pipel em dispela bagarap i bin kamap long ol.

Em i tok Yunaitet Nesens bai stap wantaim ol dispela pipel em ol i bin kisim bagarap long dispela bikpela taitwara long dispela hatpela taim bilong ol.

Sekreteri Jeneral bai ripot bek i go long Yunaitet Nesens Jeneral Asembli sampela taim long dispela wik.

Australia Oposisen bai baim efos balus

OPOSISEN Kolisen bilong Australia i bin promis long baim tripela gutpela efos balus bilong ol wok bilong was long bikpela hap solwara bilong Australia, olsem hap difens polisi ol i bin lonsim dis-

pela wik.

Sapos em i winim ileksen, em bai spendim tu klostu 80 milian dola long givim ol memba bilong difens fos na famili bilong ol wantaim fri helt na dental sevis.

Kolisen tu bai putim 75 milian dola i go bilong pulim moa yangpela pipel long kisim trening na joinim difens fos inap long wanpela yia.

Labour Pati i lonsim ileksen kempein bilong em

PRAIM Minista bilong Australia, Julia Gillard, i bin tokaut olsem Leba (Labour) pati gavman bai spendim klostu 4 handret milian dola long Medikea ribeit bilong piepl em ol i laik kisim sevis long intanet.

Dispela polisi i bin kam aut long lonsim bilong Leba pati kempein long Brisben dispela wik. Long dispela lonsim, Mis Gillard i bin toktok long wok, edukesen, welfe na brodben taim em i krosim Oposisen Lida, Tony Abbot. Em i tok dispela plen bilong Labour long kamapim brodben netwok bai halivim gut ol sik pipel em ol i stap longwe long siti olsem ol i ken kisim gutpela toksave long kain sik bilong ol, sapos ol i stap wanem hap long-kantri.

Tony Abbot i tok bai nogat prais bilong Kabon

LIDA bilong Australia Oposisen, Tony Abbot, i bin tok sapos em i winim ileksen, bai i nogat prais bilong kabon.

Em i toktok gen olsem dispela ol toktok bilong Seneta Brown, i bin soim tru olsem Greens Pati i wok long strongim Labour pati long bringim kam insait takis long kabon, sapos Labour i win.

Australia Greens Pati i tok i gat nid bilong Kabon takis

LIDA bilong Grins (Greens) Pati long Australia, Bob Brown, i tok namba wan samting em bai toktok long en wantaim wanem pati i winim ileksen em long kabon takis.

I luk olsem Grins bai gat bikpela namba bilong ol memba long 'upper house' o senet bihain long ileksen long Sarere.

Iluk olsem Greens bai gat bikpela namba blong ol memba long "upper Haus" oa senate bihain long elekten long Sarere.

Seneta Brown i bin tok bihain tasol long nupela gavman i kamap, em bai strongim Julia Gillard o Tony Abbot long bringim i kam insait prais bilong Kabon.



NATIONAL CAPITAL DISTRICT COMMISSION

PABLIK NOTIS

TOK SORI I GO LONG FAMILI BILONG SIR BRIAN BELL

Gavana bilong NCD, Hon. Powes Parkop, Bod, Menesmen na wokman meri bilong Komisni i tok bikpela sori tru i go long femili bilong leit Sir Brian Bell CSM, KBE, C.St.J long pasin nogut ol sampela lain i mekim long digim matmat bilong leit Sir Brian Bell.

Olsem lain i bosim na lukautim dispela Matmat, mipela i laik tok sori na tokim ol lain femili bilong Sir Brian Bell olsem mipela bai lukautim na putim was olsem kain samting ya i no ken kamap gen.

Sir Brian em bikpela man tru, tasol em save daunim em yet long laip bilong em. Em i mekim planti gutpela samting insait long siti bilong yumi, nesin na tu helpim pipel bilong yumi. Em i ken makim narapela ples long ol i planim bodi bilong em olsem wanpela hap long Australia, we ples em i kam long en. Tasol, long gutpela pasin bilong em, em yet i makim long kamap wankain olsem ol liklik manmeri bilong Papua Niugini na laikim olsem ol mas planim em arere long meri bilong em Jean Ann long pablik matmat long 9 Mail.

Dispela em narakain pasin tru na bikpela samting long dispela trupela lida man. Pasin ol stilman i makim long digim aut matmat bilong em i soim wok bilong ol man i nogat gutpela tingting na i bagarapim tru wanem gutpela wok dispela bikman i kamapim na mipela tok strong tru egensim dispela pasin nogut. Long dispela mipela i tok sori long femili bilong leit Sir Brian.

Plis yumi olgeta larim dispela gutpela bikman husat i save daunim em yet i ken malolo wantaim bel-isi. Em i mekim wok bilong en pinis long graun. Em i sevim Siti bilong yumi, Kantri bilong Yumi na Pipel bilong yumi na yumi olgeta mas soim rispekt long dispela indai bilong em.

Tok-orait i kam long:

POWES PARKOP, LLB, LLM, MP
Gavana bilong Nesinol Kapitol Distrik

PacificBEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



NUPELA plen mas gat luksave long strongim helt sistem i stap pinis.

Helti kantri em i strongpela kantri

SAPOS yumi gat wanpela nupela intanesenel stendat haus sik long Mosbi, bai em i stretim sindaun bilong olgeta liklik manmeri long wan wan liklik ples long kantri o nogat?

Dispela askim i kamap bihain long lonsim bilong nupela Nesenel Helt Plen bilong 2011 i go inap 2020.

Het tok bilong plen em 'Back to Basics'. Dispela hap tok i min olsem plen bai sanap long ol helt woka, haus sik, nes na dokta i mekim samting stret na givim sevis long ol pipel bilong kantri bilong yumi.

Tasol toksave bilong Helt Minista Sasa Zibe, olsem i gat plen i stap tu long wanpela praivet intanesenel kampani bai kam na sanapim wanpela nupela bikpela intanesenel haus sik i gat intanesenel stendat long en, i brukim gen tingting na luksave long dispela het tok 'Back to Basics'.

I no nupela luksave, we bilip bilong ol manmeri bilong yumi long helt sistem i no moa strong olsem bipo.

Mipela i tingting planti liklik long yumi bai sanapim gen wanpela nupela 'intanesenel' haus sik long Mosbi. Watpo mipela i ting olsem? Bikos namba tu bikpela haus sik bilong yumi long Lae, Angau, em i namba wan bikpela riferal haus sik, o haus sik we i save kisim ol manmeri i gat bikpela sik tumas long ol i glasim na stretim long ol haus sik long Momase na Hailans rijen.

Nau yet Angau i no sindaun gut.

Bikpela hap bilong en i nidim mentenens, na halivim.

Watpo na yumi no inap lukluk long Angau pastaim na stretim sindaun bilong en.

I orait, olsem dispela praivet kampani i gat bikpela laik long kam na sanapim dispela nupela haus sik, tasol yumi mas tingting tu long pe ol manmeri bilong yumi mas peim long kisim sevis long dispela 'intanesenel stendat' haus sik.

I tru, nau em i hariap tumas long wari tumas long ol kain samting olsem, tasol mipela i mas toktok nau, bikos i nogat inap luksave i stap wantaim ol haus sik, etpos na bus klinik bilong yumi.

Planti ol dokta bilong yumi husat i save wok long ol provinsel haus sik, i save go wok tu long ol praivet haus sik gen.

Kalsa bilong helt wok manmeri, we bipo em i bin strong tumas, nau i no moa wankain. I gat planti ol gutpela PNG manmeri i gat laik long halivim arapela, na ol i bihainim skul long kisim ol kain wok olsem sister o nes na dokta. Tasol taim ol haus sik bilong yumi i nogat inap masin o risos we ol helt wok i ken yusim long givim sevis, em i save kilim tru tingting bilong ol helt wokmanmeri bilong yumi.

Yumi go bek gen long bilip ol pipel bilong yumi i gat long helt sistem bilong yumi tude, na bai yumi lukim olsem bilip i no strong liklik.

Long PNG, yumi stap namba tu long dai bilong mama karim insait long Pasifik. Long olgeta 100,000 mama i karim gut pikinini, 733 i save dai.

I gat planti tok luksave na tok lukaut i kam long ol dona ejensi, o ol intanesenel grup i lukim ol hevi yumi gat long helt sistem bilong yumi, tasol ating ai bilong ol bikmanmeri bilong yumi i pas yet.

Nesenel Helt Dipatmen i mas strongim namba na save bilong ol meri bilong was long ol mama karim, o ol helt woka.

Long PNG, mak bilong gutpela helt long ol ruel eria i no kamap gut na sindaun stret yet insait long 30 krismas i go pinis. Saplai bilong marasin i no gutpela, na long planti ol bus haus sik na helt klinik, wankain hevi i stap: nogat gutpela wara i stap, nogat inap wokmanmeri o savemak bilong ol wokmanmeri i no inap, ol etpos i pas, nogat rot bilong daunim ol sik i gat marasin bilong en.

Sapos gavman bilong yumi i laikim bai PNG i ken stap long wankain mak bilong kirapim wok developmen, olsem ol arapela bikpela kantri long wol, em i mas lukluk long sindaun bilong helt sevis em i save givim long ol pipel bilong yumi.

Sapos yumi no inap long strongim gut helt sindaun bilong yumi, bai yumi painim strong we long karim kantri i go het long bihain taim?

WANTOK KOMENTRI

Watpo yumi no inap luksave long strong bilong tok inglis

MIPELA wanpela tok pisin niuspepa, olsem na ating bai yu tingting planti liklik long fran pes stori bilong mipela dispela wik, na watpo mipela i wok autim tingting long ol pikinini bilong yumi mas save gut long tok inglis.

Yes, i tru olsem tok pisin em i tokples bilong yumi olgeta long kantri, tasol i gat planti arapela samting we yumi PNG i mas klia long en, we Tok Inglis em i tokples long kisim save long en.

Planti ol bikpela wok na skul bilong yumi long yuni-vesiti, em i no stap long tok pisin yet.

Planti ol wok na vokesenel skul bilong yumi tude, i no stap yet long tok pisin.

Olsem na strong bilong ol sumatin bilong yumi long save long tok inglis, em i bikpela samting yet.

I gat planti arapela kantri long wol we skul na olgeta wok skul, em ol i tanim i go pinis long tokples bilong ol.

Tasol wankain olsem yumi, ol tu i luksave olsem i gat nid i stap long ol sumatin bilong ol i mas save gut long tok inglis.

Em bikos, wankain olsem yumi, kantri bilong ol i no stap ol yet.

Long wokbung wantaim ol arapela kantri long wol, i mas i gat tok ples we olgeta yet i save long en.

Olsem na wankain olsem tok pisin em i wanpela tokples we yumi wan wan bilong wan wan ples long PNG i ken luksave na yusim bilong wokbung, tok inglis em i wanpela tok ples we olgeta kantri long wol i luksave long en.

Wari bilong ol tisa bilong yumi long Morobe, olsem dispela sistem bilong givim skul long ol yangpela bilong yumi i no gutpela tumas long sait bilong strongim save bilong ol long tok inglis, em i wari we yumi noken abrusim na haitim.

Dispela wari bilong ol em i gat as sapos yumi laik redim gut ol yangpela bilong yumi long go aut na mekim wok bisnis na skul wantaim ol arapela kantri long wol.

Ol bikpela risos projek we yumi wok skin kirap long kisim long kantri bilong yumi i lukim gavman i go het long strongim ol wok na skul vokesenel long gat inap wokmanmeri long kantri long wok long ol dispela ol bikpela risos projek.

Tasol luksave tu i mas go long skulim gut ol sumatin bilong yumi long tok inglis.

Sapos skul sistem yumi gat nau i no nap long strongim save bilong ol long tok inglis, orait, gavman, na edukesen dipatmen i mas lukluk long en.

Ol i tok dispela Autkams Bes Edukesen (OBE) sistem em i gutpela bilong ol develop kantri long wanem ol ruel erias bilong ol i gat ol samting olsem intanet na kompyuta samting.

Yumi long PNG i no stap long mak wankain olsem ol yet, olsem na edukesen dipatmen i noken pasim ai na ia bilong ol long dispela wari bilong ol tisa long Morobe.

Ol i gat as long autim tingting bilong ol. Gavman, mekim samting stret.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi


Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



The Department and Ministry
of Information and Communication

congratulates



WANTOK

Niuspepa bilong Yumi Ol PNG Stret

on its 40th Anniversary

*We are happy to partner with you
in providing information
to the people of Papua New Guinea*

Authorised by:

Henao Iduhu

Secretary

Department of Information and Communication

15-pela Draiva holim ki bilong bihain taim

TAIM ol biknem kampani olsem Air Niugini i kam insait long helpim NRL Rot Sefti – Em i no wanpela Pilai PMV Draiva Kompetisen long las wik olsem wanpela sponsa i soim bikpela gutpela sain tru.

Dispela em bikos ol dispela PMV draiva husat bai flai long balus i go long Sydney long NRL Gren Fainol insait long moa long wanpela mun tai mi no go long rot sefti kempein tasol. Ol i go olsem embeseda o lain i makim PNG na wet tasol long lukim mipela long senisim pasin. Olsem nae m i gutpela long balus kampani we i save wok bung wantaim ol narapela kantri i ken kisim ol i go long ofisal balus bilong PNG yet.

Gutpela sapot bilong Air Niugini i go long MVIL long kamapim pablik aweanes kempein em gutpela tru long planti level. Em i no sapotim tasol gras ruts level na long mekim olsem dispela raun bilong ol i go ovasis em ekprians tru long laip bilong ol – em ol dispela PMV draiva husat i harim na bihainim tingting bilong mipela.

Ol i bihainim dispela bikpela tok-tok – olsem noken dring na draiv, noken spit tumas o noken pulapim PMV tumas. Olsem na ol dispela 15-pela draiva i kamap bikpela mak tru long wanem samting i ken kamap long PNG na i gutpela long planti level. Larim mi tok klia.

Insait long wanpela niuspepa long Australia sampela wiki go pinis, biknem ragbi lig kosa na komenteta Phil Gould i tok olsem PNG i kam baksait yet sampela yia long redim wanpela tim long pilai insait long NRL. Em it ok olsem raskol pasin long stil long ol arapelaem wanpela samting, tasol em i ken isi tru long tok olsem bikhet pasin ol draiva long rot bilong mipela i save mekim tu em wanpela bikpela hevi. Em i tok tu long ol bagarap long rot na bris long kantri, na pat bilong dispela hevi long rot em ol lain draiva husat save



Senis kamap long PNG Rot Sefti

Wantaim

Dr John Mua

Dr John Mua em Menesing Dairekta bilong Motor Vehicle Insurance Limited, husat i kamapim "Rot Sefti: Emi no wanpela Pilai" pablik aweanes kempein.

yusim dispela rot.

Antap long dispela ol bikpela risos developmen i kamap long kantri we i bringim moa lain long lukim long mipela. Dispela i no kam tasol long ol lain klostu long mipela tasol olgeta lain insait long wol. Dispela i min olsem ol i wok long glasim mipela long wanem ol samting mipela i mekim long level long sosaiti bilong yumi.


Dispela 25-pela PMV Draiva i mekim yumi olsem kantri we i wok long bungim planti senis. Dispela em wei ol i mas lukim na lo i mass tap long sapotim dispela luksave long strongpela ol rot sefti lo. Taim dispela i kamap bai ol pasin bilong ol draiva bai stap olsem lo long bihainim.

Kempein bilong mipela i pas long spot ya em ragbi lig bikos long wanem hap tru yu stap long en insait long dispela naispela kantri bilong yumi, bai yu ken lukim wanpela man o meri i werim kala sios bilong Cowboys, Boncos or Eels. Yu ting olsem wanem stret bikos ol dispela jesi o siot i karim ofisal mak o logo bilong NRL kompetisen na ol PNG lain i werim. Dispela em wanpela gutpela driman ol draiva bilong yumi ken bihain gut tru.



ABURUSIM BIRUA: Lukluk gut long manmeri wokabaut long rot

SEFTI BILONG OL MANMERI I YUSIM ROT Emi no wanpela PILAI



Birua long rot i save kamap olgeta de bikos manmeri husat i yusim rot ino save lukluk gut long kar i kam. Yu mas oltaim wokabaut long sait long rot na wokabaut long sait we kar i ron i kam long yu. Em taim nau long tingting strong olsem ROT SEFTI em ino wanpela PILAI

NOKEN WOKABAUT LONG ROT OLSEM X



LUKIM KAR I KAM STRET LONG YU ✓




ROT SEFTI em ino wanpela PILAI

A road safety initiative by



Tenkyu Wantok



Michael Novingu i raitim

MI rait long amamasim namba 40 Anivesari bilong Wantok Niuspepa i stap long Papua Niugini long printim ol nius, na toksave long ol samting i kamap long dispela kantri, na tu long arapela hap bilong dispela graun.

Wantok Niuspepa em i wanpela tokpisin niuspepa long Papua Niugini i save printim ol stori bilong politiks, spot, raskol pasin, hevi bilong graun long maining, sios, NGO, skulna ol arapela nius ol manmeri long ples i save laikim long ridim, long wanem ol i raitim long tok pisin, em i isi long rit na save long wanem ol samting i kam long Papua Niugini na arapela hap bilong wol.

Mi bin joinim Wantok Niuspepa long yia 2000 long Madang olsem stringa o hap taim nius ripota i kam inap nau.

Mi gat tempela krismas bilong mi long wok wantaim Wantok Niuspepa long raitim ol stori long ol manmeri bai lukim.

YUSIM SAVE MI GAT LONG WOK NIUSMAN

Taim mi stat wok long 2000, mi no bin go skul long kamap nius ripota. Nogat. Mi yusim save bilong mi yet long raitim nius i go long Wantok Niuspepa i printim long ol manmeri bai ridim na save long wanem ol samting i kamap long kantri bilong yumi.

Mi wok olsem hap taim nius ripot, mi no wok long kisim gutpela pe, na ol arapela samting. Nogat. Mi gat laik long wok long wanem mi laik mekim dispela kain wok long raitim nius long ol pasin nogut na gutpela pasin i kamap long kantri bai ol manmeri i ken lukim na save long ol dispela samting.

I tru Wantok Niuspepa i peim mi liklik mani long wok bilong mi, mi no save komplem, mi kisim tasol. Bikpela samting em m i laik long wokim kain wok olsem, long raitim niuspepa olsem wanpela gras rut ripota long ol komyuniti long Madang.

OL BIKPELA STORI MI RAITIM

Taim mi stat wok, wanpela bikpela stori tru mi bhainim na raitim em wok bilong kago kalt em Blek Jisas long Madang long 2003, we ol nius bilong mi save kisim hetlain long Madang, PNG, na arapela kantri. Long dispela stori bilong Blek Jisas tasol, mi kisim planti telepon kol i kam long kantri olsem Australia, Inglen, Jemani, Israel, we ol i laik save i tru olsem Blek

Jisas i stap long Madang, bikos ol i lukim long Intanet. Ol manmeri long dispela kantri i no save long tok pisin, tasol ol i lukim long hetlain bilong stori, na askim ol wantok bilong ol i stap long PNG bipo i tokim ol olsem i gat wok bilong Blek Jisas i stap long Madang long PNG.

Long stori bilong Blek Jisas tasol, mi kisim bikpela luksave long ol polis, gavman ol arapela niusmanmeri long Madang, na Papua Niugini.

Mi bin raitim nius bilong planti ol bikpela samting i kamap long Madang olsem eviksen ekksesais long rausim ol wairamanmeri long 2003, Manam maunten paia i pairap long 2004, PNG Australia Minista kibung long Madang long 2008, Ramu Nikel brukim graun seremoni long Basamuk long 2007, nesanel ileksen long 2007, na solwara kirap na bagarapim ol manmeri long Kaian, Botbot, na Marangis long 2008.

Na i no dispela ol bikpela stori tasol mi raitim. Nogat. Ol liklik stori mi raitim long ol manmeri long Madang na PNG i save long wanem ol samting i kamap long Madang.

Long ol dispela gutpela wok bilong mi long ripotim ol samting i kamap long Madang, mi kisim bikpela luksave long ol komyuniti long Madang i save askim mi long go long ol bikpela bung long kisim na raitim nius bilong ol.

WOK WANTAIM WANTOK STRONGIM NEM BILONG MI

Mi ken tokaut olsem Wantok Niuspepa tasol i mekim mi kamap olsem wanpela lidaman long ol komyuniti i luksave long mi na wok mi mekim. I no ol komyuniti tasol. Nogat. Ol sios, skul, yut grup, ol mama grup na ol ples laini stap long bus ples olsem Simbai, Aiom, Raikos bus, Karkar ailan, Giri long Bogia distrik, long ailan, busples long Usino-Bundi.

Ol manmeri i save long painim Michael Novingu long raitim nius bilong ol long tok pisin niuspepa.

Planti bilong ol dispela manmeri long busples i kam long taun ol i laikim Wantok Niuspepa bikos ol i raitim long tok pisin, na i isi long ridim na kisim save long ol samting i kamap long Madang na arapela hap kona bilong kantri.

WANTOK I GAT RIDA

Long wanpela wok painimaut mi yet wantaim ol tisa bilong komyunikesen-ats long Divain Wod Yunivesiti long Madang i karimaut. Mipela i painim olsem 80 pesen long ol rida bilong Wantok em ol pleslain, 10% em ol sios, NGO na lain i stap long ol setelmen long

taun, 10 pesen em ol lain i kam long arapela kantri na i laik lainim tok pisin.

Mi save painim hat long rot bilong salim nius i go long Mosbi long printim, tasol mi sanap strong yet, long painim rot long salim nius i go long Wantok Niuspepa het opis bai ol i printim long niuspepa.

Mi yet mi bilip long Demokrasi, maski ol manmeri i tok baksait long mi. Mi bilip long mi yet, na mi sanap strong wokim wok bilong mi wantaim trupela na stretpela pasin long raitim nius, i mas stret long wanem samting i kamap, na wanem kain toktok ol i tok long en.

Mi no save mekim pasin bilong fefretisim, o wansait, pret, na askim long mani pastaim long mi raitim nius. Nogat. Mi wokim wok bilong mi wantaim trupela na stretpela pasin.

Mi save wokbung wantaim Divain Wod Yunivesiti long Madang, em Komyunikesen Ats Dipatmen o skul bilong skulim ol sumatin long kamap niusmanmeri.

Bosman bilong komyunikesen ats dipatmen long DWU, Bruder, Michael McManus, wantaim tupela tisa, Patrick Matbob, na Alphonse Aime, i save helpim mi gut long yusim kompyuta, telepon na ol arapela samting bilong skul wok long salim nius bilong mi go long Wantok Niuspepa het opis.

Mi bin painim hevi long Janueri 2008, long taim mi bin raitim nius bilong UVistrek mani skim long Madang, na stori bilong mi i kamap long fran pes bilong pepa. Dispela i hatim tru bel bilong bosmeri bilong UVistrek long Madang, na em i tokim mi olsem em bai kisim mi go long kot. Mi we i stap yet, na inap nau, em i no kisim mi go long kot.

WOK NIUSMAN KARIM KAIKAI

Long tempela krismas mi bin mekim dispela wok long raitim nius insait long ol komyuniti long Madang, na Divain Wod Yunivesiti i luksave long wok mi mekim na long 2008, mi kisim awod long grasrut ripoting long taim bilong Midia Fridom De long DWU long Madang.

Mi laik tok tenkyu long Divain Wod Yunivesiti long luksave long mi, long wok mi mekim, na tu, long ol arapela manmeri long Madang na sapot ol i givim long mi.

Tok tenkyu bilong mi i go tu long NBC Redio Madang, Pos Koria, Nesanel niusmanmeri long Madang long wokbung wantaim lukim Wantok Niuspepa i kam strong long amamasim 40 krismas bilong ol.

Mi laik tok tenkyu long Wantok Niuspepa long sapot ol i givim long mi long tempela krismas i go pinis. Mi sanap strong yet long wok wantaim yupela inap wanem taim Papa God i tok mi malolo, bai mi malolo.



40 YIA ANIVESARI KEIK: Siaman bilong Word Publishing Pater Janusz Skotniczny SVD, wantaim bod memba Reveren Sommy Setu na Wantok katunis, Jada Wilson i katim keik. Poto Nick Bernard

Welkam long PNG

.....histori bilong PLA Chinese nevi sip long PNG



Oi lain soldia bilong China long PLA nevi i sanap antap long trening sip na lukluk long welkam seremoni long Mosbi.



Rea Admiral Leng Zhenqing i amamas long bungim ol lain manmeri bilong Saina long Mosbi husat i go wetim sip long Mosbi bris long Tunde taim tupela sip kam sua.



James Kila i raitim

NAISPELA ret-pela kala bilong fleg bilong Saina na tu fleg bilong Papua Niugini i flai taim ol lain Saina manmeri long Mosbi na ol lain singsing grup bilong PNG i givim welkam long tupela Pipels Liberesin Ami (PLA) Nevi sip bilong China long Tunde moning long Mosbi.

Dispela kam bilong PLA Nevi bilong China em namba wan taim tru long kam sua long wanpela bris o wof long Papua Niugini. Na dispela kam bilong ol em histori stret insait long wok rilesins na poroman namel long China na PNG.

Oi lain singsing grup bilong Oro na Manus i givim samsam stret na tu ol lain China dragon danis i soim stail bilong ol long welkam long ol dispela lain nevi bilong China.

PNG Difens Fos Sif ov Staf, Komodor Tom Urr i tok welkam makim PNG Difens Fos, Minista bilong Difens na tu gavman bilong PNG long nambawan taim tru long dispela sip i kam sua long bris bilong Mosbi.

Deputi Siti Menesa, Honk Kiap i bin stap tu long wof long Mosbi long tok welkam long ol dispela lain soldia bilong China, makim maus bilong Gavana bilong NCD, Powes Parkop.

Rea Admiral Leng Zhenqing i tok amamas long gutpela welkam ol lain bilong PNG i soim ol dispela lain kadet na ami bilong China husat i kam long welkam long tupela PLA nevi sip. Tupela bikpela sip ya em trening sip "ZHENGHE" (Hal namba 81) na Friget "MIANYANG" (Hal namba 528).

Em i tokaut olsem Papua Niugini i naispela ples tru na taim ol i kam sua long bris long Mosbi ol i amamas tru long lukim naispela kala bilong bilas na welkam i kam long ol lain pipel bilong PNG.

Tupela sip ya i mekim raun bilong tupela i kam long Papua Niugini na bihain

bai go long Vanuatu, Tonga, Nu Silan na Australia insait long trening misin bilong ol long Saut Pasifik.

Oi sinia ofisa husat bai stap antap long dispela sip em: Ria Admiral LENG ZHENQING, Deputi Sif ov Staf bilong PLA Nevi, Komanda Ria Admiral SHEN JINLONG, Suprintenden bilong Dalian Naval Akademi, Vais Komanda; Sinia Kepten SONG XIDONG, Vais-Suprintenden bilong Naval Enjiniaring Yunivesiti, Vais Komanda. Olgeta lain kadet (nupela lain soldia) na ofisa em 568. Long dispela namba em 100 em ol kadet bilong Dalian Naval Akademi, 60 kadet bilong Naval Enjiniaring Yunivesiti, 40-pela kadet bilong Naval Aviesin Enjiniaring Akademi, 8-pela kadet bilong Naval Peti Ofisa Skul, 208-pela olgeta. Insait long dispela namba em 20-pela kadet em ol meri.

Dispela lukluk raun o misin i soim ol dispela samting:

Namba wan, em misin ya i bungim wantaim raun bilong ol lain woa sip na trening long bikpela solwara. Ol yangpela soldia (kadet) bilong 4-pela naval skul long China i stap insait long dispela wokabaut raun long Saut Pasifik Rijon, na dispela bai givim ol gutpela tingting na save long wanem samting ol i lainim na tu wanem samting ol bai lainim i kam long ol lain bilong ovasis kantri ol i raun i go long en. Na moa long en tu ol yangpela soldia bilong mipela bai save gut long laip long solwara taim ol i raun long dispela misin.

Namba tu, dispela misin, i bungim trening na sip bilong pait o woa long raun wantaim. Ol yangpela soldia bilong China bai kisim trening antaim long woa sip long kisim save long raun long bikpela solwara. Dispela bai redim ol gut tru long kamap olsem ol kwalifaid o trupela naval ofisa.

Namba tri, dispela misin i bungim wokbung wantaim namel long ol yangpela soldia o kadet bilong China na ol nara-pela kantri wantaim. Dispela em namba wan taim tru nevi bilong China i askim ol kadet o yangpela soldia bilong Australia na New Zealand long raun wantaim ol lain soldia bilong China antap long sip. Ol soldia bilong Australia na New Zealand bai serim ol kebin wantaim, mekim trening wantaim, bung na kaikai wantaim, pilai wantaim na lainim ol nupela samting na helpim ol yet. Mipela bilip dispela gutpela pasin poroman na pasin long save gut long wanpela nara-pela bai kamap strong insait long dispela misin.

Sif ov Staf bilong PNG Difens Fos, Tom Urr i givim tok welkam long ol lain PLA Chinese nevi long Mosbi bris taim tupela sip i kam sua long Tunde. Foto: James Kila

Potos: James Kila

Raun wantaim Kanage olgeta wik

Mangi bilong bus

Papa Kanage em wanpela stail mangi bilong Wara Sepik. wanpela taim em go raun long Bogia distrik long Madang provins. Olgeta taim Kanage save raun wantaim ol yangpela mangi tasol. Tingting na toktok bilong em tu olsem ol yangpela mangi. Em stap na poroman wantaim ol yangpela meri long ples. Wanpela taim ol meri pasim tok na holim pasim Kanage long rot na karim em go long bus. Long bikmoning, Kanage stori long ol mangi, "Wan i kam, 2 kina i go. Tu i kam, 2 kina i go, na tri i kam, 2 kina i go gen. Namba foa i kam, sori, poket bruk olgeta!"

TT
Anoram

Hatwok karim kaikai

Kanage wantaim misis bilong em wok long wanpela kampani. Tupela wok go na misis bilong Kanage i gat bel. Misis bilong Kanage wok go na tupela mun bipo em bai karim em tokim bikbos bilong ol na kisim 6-pela mun malolo bilong em. Kanage tingting go na em pilim olsem em i no stret. Kanage go lukim bos bilong em na tokim em, "Bos,



misis bilong mi kisim 6-pela mun malolo. Inap mi kisim 6-pela mun malolo tu?" Bos lukluk long Kanage na askim, "Olsem wanem, yu i gat bel tu?" Kanage bekim, "Bos, yu save luksave olsem mitupela i wok hat ya. Olsem na nau kaikai bilong hatwok laik kamap ples klia, mitupela wantaim i mas malolo."

Masta Kanage
Daru

Marasin nogut

Bikpela sik wilwilim papa Kanage ne em slip long haus stap. Em askim pikinini meri bilong em long go askim ol lain long haus sik long sampela marasin. Pikinini bilong em i gat bel na em go long haus sik kisim marasin bilong em na em lus tingting long kisim marasin bilong papa bilong em. Long apinun em kam bek long haus. Kanage slip go na em kirap lukim ol marasin stap insait long bilum bilong pikinini meri bilong em. Isi tasol Kanage

Porohia Duo
Vanimo

Ol skwat!
Salim ol gutpela Kanage
tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: atolire@wantok.com.pg

Tisa i no mekim gutpela pasin long mi

Dia Laipain,

Mi gat bikpela kros tru long wanpela tisa bilong mi bikos em i no save laikim mi long taim mi stat skul yet. Sapos mi stap wantaim sampela ol narapela sumatin na ol i mekim wanpela rong, em i save krosim mi nating. Em i no save painimaut gut pastaim na kros.

Em i save tokim ol narapela tisa na sumatin olsem mi wanpela trabel manki husat i save mekim samting long laik bilong em na i no save harim toktok bilong em. Mi no amamas long dispela samting. Na ol sampela poroman bilong mi i gat tingting long paitim em.

Suffering


Dia pren,

I NO gutpela long wanpela manki i pilim nogut long olgeta taim bikos taim bilong skul em i taim bilong amamas. Tasol sampela taim kain samting olsem yu toktok long en i ken kamap.

Mipela i no klia long wanem as tru na dispela tisa bilong yu i no save laikim yu. Ating bikos yu save mekim rong planti taim. Na tu yu no save harim tok bilong em o yu no save mekim gut skul wok bilong yu.

Sapos yu wantaim ol narapela sumatin i wokim wanpela trabel, dispela tisa i lukim yu olsem lida bilong dispela grup. Olsem na em i save sutim tok long yu long trabel ol lain bilong yu i mekim.

Planti tisa i save laik long kamapim gutpela pasin namel long olgeta sumatin bilong ol. Na tu ol i save traim long noken laikim sampela sumatin tasol na les long ol narapela. Tasol



sampela taim ol sumatin i no save soim gutpela pasin long ol tisa bilong ol. Sampela sumatin i save les na mekim planti nois long klasrum na tu, ol i no save harim tok bilong tisa.

Dispela i save mekim tisa i kros na i no save laikim dispela ol sumatin.

Olsem na pastaim yu go het na komplem long tisa bilong yu, yu mas luksave long dispela ol kain ol samting, orait yu mas senisim pasin bilong yu. Na noken pas wantaim ol sumatin husat i no save harim toktok bilong tisa.

Sapos yu ting olsem hevi i no stap long dispela samting, orait watpo na yu no laik toktok wantaim hetmasta long dispela hevi yu bungim long en? Tokim em long ol taim dispela tisa i no bin mekim gutpela pasin long yu. Tokim em tu long wanem samting yu pilim na askim em long helpim yu.

Sampela poroman o wanklas bilong yu i ken go na tokim dispela tisa long pasin em i save mekim long yu. Sapos ol i go na tokim em long stretpela na gutpela wei olsem yu wok long kisim na rong long samting yu no mekim, ating em bai bilipim ol. Na em bai traim long mekim gutpela pasin long yu.

Sapos yu laik toktok wantaim hetmasta o ol wanklas bilong yu, yu mas toktok isi na tokim ol long ol stretpela samting. Tasol sapos yu toktok strong o singaut, ol bai belhat na bai i no inap

kisim bilum bilong pikinini bilong em na rausim ol marasin. Em lukim na ting olsem disprin o asprin. Kanage kisim wanpela kap wara na dring wanpela marasin na slip gen. Pikinini bilong em lukim olsem bilum bilong em slip arere long papa bilong em. Em kirapim Kanage na askim em sapos em rausim bilum bilong em. Kanage tokim em, "Yes, pikinini. Mi kisim marasin bilong mi na mi dring olsem na mi slip." Pikinini bilong em singaut go long mama bilong em, "Aiyoi! Mama, papa i paul na dring marasin bilong ol mama i gat bel ya!" Misis bilong Kanage harim na tok, "Larim, pikinini. Papa dring na em bai kisim ples bilong yu na yu ken malolo!"

harim toktok bilong yu na helpim yu.

Narapela samting tu i olsem, yu noken tingting tumas long dispela samting bikos olgeta manmeri i save kros taim ol narapela manmeri i no save mekim gutpela pasin long ol. Long olgeta hap yu go, yu bai painim olsem i no olgeta manmeri i save mekim gutpela pasin tasol, nogat.. Sampela i save mekim pasin i no gutpela.

Dispela samting i ken mekim yu wari. Tasol bihain long sampela taim bai pinis sapso yu lus tingting long dispela ol samting. Sapos yu no ting lus long dispela samting na wok long tingting tumas, dispela bai bringim bikpela wari tru long yu.

Yu mas luksave olsem i no hevi i save mekim ol manmeri i wari. Kros bilong ol yet i save kamapim hevi na bikpela wari. Sapos yu no lus tingting long dispela samting na wok long tingting tumas, dispela bai bringim bikpela wari tru long yu.

Yu mas luksave olsem i no hevi i save mekim ol manmeri wari. Kros bilong ol yet i save kamapim hevi na bikpela wari. Sapos yu lus tingting long dispela samting, yu bai i no inap long pilim wanpela wari na hevi.

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain



NEM: Emmanuel Tifa
KRISMAS: 17 (man)
ADRES: Bema High School, Private Mail Bag, Lae, Morobe province
SAVE LAIKIM: Harim musik, pilai soka, stori, go lotu na ritim buk.

NEM: Andrew Banakato
KRISMAS: 17 (Man)
ADRES: Bema High School, Private Mail Bag, Lae, Morobe province
SAVE LAIKIM: Pilai ragbi, stori, mekim pani, ritim buk, raitim pas, pilai gita, harim musik na go lotu.

NEM: John Jons
KRISMAS: 18 (man)
ADRES: Bema High School, Private Mail Bag, Lae, Morobe province
SAVE LAIKIM: Pilai musik, soka, volibol, serim ol samting, go lotu na pilai spot.

NEM: Thomas Kuni
KRISMAS: 18 (man)
ADRES: Bema High School, Private Mail Bag, Lae, Morobe province
SAVE LAIKIM: Pilai spot, pilai musik, harim musik na go lotu

NEM: Peter Moran
KRISMAS: 24 (man)
ADRES: P.O Box 541, Kimbe, West New Britain Province.
SAVE LAIKIM: Pilai soka, volibol, na basketbol, lukim TV, danis na wokim gaden, ritim buk na mekim pani


NEM: Irami Peter
KRISMAS: 19 (Man)
ADRES: Mora Mora Technical School, PO Box 23, Hoskins, West New Britain Province.
SAVE LAIKIM: Pilai spot, raitim pas, mekim pren na harim musik

NEM: Kate Peter
KRISMAS: 20 (meri)
ADRES: Mora Mora Technical School, PO Box 23, Hoskins, West New Britain Province.
SAVE LAIKIM: Harim musik, pilai gita, mekim pani na raitim pas na go lotu

NEM: Rita Ande
KRISMAS: 19 (meri)
ADRES: Integrated School, P.O Box 907, Kimbe, West New Britain Province.
SAVE LAIKIM: Kukim kaikai, pilai spot, harim musik, raitim pas, mekim pren, na go skul

NEM: Lowi Imias
KRISMAS: 22 (man)
ADRES: C/- P.O Box 96, Wau, Morobe Province
SAVE LAIKIM: Mekim pren, mekim pani, stori na raitim pas

NEM: George Luguni
KRISMAS: 22 (man)
ADRES: P.O Box 33, Mendi, Southern Highlands Province
SAVE LAIKIM: Pilai ragbi, basketbol, soka na volibol, stori, pilai gita na go lotu



KAMAPIM MAK: Sinia Projek Menesa Mark Hackney i toktok long ol wokman long taim ol i amamas long rekot bilong nogat birua i kamap em Pot Mosbi Teknikol Kolis i kamapim.

PNG LNG Konstraksen Trening Fasiliti kamapim gutpela mak

PAPUA Niugini Likufaid Neturel Ges Konstraksen Trening Fasiliti (CTF) long Mosbi i kamapim long ol i no bungim hevi long taim bilong wok long las yia.

CTF i kamapim olsem 500,000 aua we i nogat birua i kamap long wanpela wokman inap long 300 de olgeta.

I nogat dai, nogat taim we wokmanmeri i kisim bagarap o wanpela i go long kisim marasin long em.

Long dispela Esso Hailans Limited (EHL) Menesing Dairekta Peter Graham i amamas na i tok: "Dispela mak bilong wokmanmeri i no kisim bagarap long taim bilong wok i makim wanpela gutpela mak em kampani i kamap long em."

CTF i stap long Pot Mosbi Teknikol Kolis (PomTech) we i ples we PNG LNG bai kisim ol wokmanmeri long em.

Inap olsem 28 kontrekting kampani em LNG Projek i yusim na long dispela 24 i save stap long PNG.

Namba bilong ol wokmanmeri nau i stap long 311 na planti bilong dispela ol lain em ol PNG nesenel.

"Em i gutpela long lukim ol supavaisa na ol wokmanmeri i holim strong tingting bilong kampani olsem 'Nogat wanpela i mas kisim bagarap' na 'Wanpela Sait-Wanpela Tim.'"

"Mi amamas long gutpela mak em mipela i kamap long em," Mark Hackney, Sinia Projek

Menesa i tok.

Kampani i hop long pinisim wok konstraksen long Oktoba we namba wan ol treni sumtin em ol bai kisim long pinis bilong dispela yia.

CTF bai gat ples bilong kisim na trenim moa longn 750 sumatin long wanpela yia na skul ol i kisim bai stap long intanesenel standet.

PNG LNG Projek i givim olsem K150 milion i go long kamap na wok bilong Pot Mosbi Teknikol CTF na Juni CTF long Sauten Hailans Provins long foapela yia konstraksen taim.

PoM Tech CTF bai givim i go long Gavman bilong PNG bihain long konstraksen bilong PNG LNG projek.

Marengo kisim K61.14 milion mani mak em i laikim

Paul Zuvani i raitim

MARENGO, Australia kampani we i mekim fisibiliti stadi long kopa, molibdenum na gol projek long Yandera, Madang Provins i kamapim pinis mani mak em i laikim long pinisim stadi na dril wok bilong emn long projek.

Kampani i kamapim Aus\$21.4 milion (K61.14 milion) long las wik Fonde 12 Ogas.

Dispela Intanesenel kopa developmen kampani i kamap long dispela mak long taim em i tokaut em i salim 240,000,000 yunit bilong em long Aus\$0.09.

Wan wan yunit i gat wanpela odinari sea bilong kampani na i gat fri wanpela wan kuasa bilong wanpela sea.

Inap long kisim wanpela waren long kisim wanpela odinari sea bilong kampani long prais bilong Aus\$0.125 inap long 11 Ogas, 2013.

Paradigm Kapital Inc. i go pas dispela maket na i kisim sapot long Fraser Mackenzie Limited.

Planti ol biknem kampani na investa long Not Amerika i stap insait long dispela ofa na i givim sapot bilong ol.

Kampani i bin aplai long raitim odinari sea i go na mekim ofa long Toroto Stok Eksenis.

Kamapim kain mani mak long dispela taim i kamap long taim we Marengo, i wok long go klostu long pinisim Difinitiv Fisibiliti Stadi (DFS) bilong em.

Marengo i 100 per sen papa bilong Yandera Main.

Em i namba tu bikpela mak em kampani i kamapim bihainim namba wan Aus\$21.7 milion mani mak em kampani i kamapim long las yia Septemba long Kanada na Australia we dispela i lukim George Soros' bilong Quantum Partners LDC bung wantaim Marengo na i kisim olsem 19.9 pesen.

Dispela mani em kampani bai yusim long jeneral koporet na woking kapitel.

DFS bilong Yandera i bihainim tingting bilong em long kamapim bikpela open pit maining wok we bai stap inap long 20 yia.

Long kamap long dispela mak Marengo Menesing Dairekta Les Emery i tok: "Dispela em i bikpela mak na mi laik tok tenk yu long ol nupela na olpela investa husat i givim sapot long kamapim long dispela mani mak na mipela tok welkam long ol nupela investa long kam rejista long sea bilong mipela.

"Moa yet mi laik tok tenk yu long Paradigm Kapitel na Fraser Mackenzie long hatwok bilong ol long staim dispela projek i kam inap pinis bilong em.

"Mani em mipela i kisim bai helpim mipela long surukim wok bilong mipela i go long bikpela Yandera Main.

"DFS bai pinis long pinis bilong dispela yia."

"Wantaim DFS sampela mani em mipela bai yusim long mekim dril."

BSP givim nupela laip long Wabag Polis Mobail Skuad



TENK YU: Ol opisa bilong BSP Wabag wantaim Polis Mobail Yunit i sanap amamas long nupela polis opis we BSP i helpim long stretim.

POLIS Mobail Skuad long Wabag nau i ken wok na stap long gutpela opis bihain long Benk bilong Saut Pasifik (BSP) i helpim ol long stretim.

Dispela opis i bruk daun na i nogat gutpela hap bilong ol opisa i stap na wok long em inap long BSP aninit long komyuniti Projek progrem bilong ol i kamap na helpim ol.

BSP Wabag Erens bosmeri Cecilia Raepa i tok Polis yunit i amamas tru long dispela helpim em benk i givim long ol.

"Ol i no inap long tok tenkyu long BSP long bikpela helpim em benk i givim long ol.

"Ol i painim hat long stretim inap long benk i kamap na stretim wari bilong ol," Mis Raepa i tok.

Skuad Komanda Henry Ereman long taim bilong kisim bek ki long ol wokman bilong benk i tok ol i amamas tru long gutpela wok na helpim em benk i givim long ol.

Projek i stat long 5 Julai na long dispela mun.

Planti bilong ol opisa em ol i salim i go wok long Porgera, Enga provins yet na Tari long Sauten Hailans Provins.

BSP i gat progrem we wan wan ol brens i mas karimaut sampela komyuniti projek bilong ol.

Na long Wabag ol i makim Wabag Polis Stesin olsem projek ol i laik sapotim.

Stretim bilong stesin em bilong sapotim polis long daunim hevi i pas long lo na oda tu.

Pailot NARI Broila Haus long Komperi Veli

Fred Besari (NARI) i raitim

WANPELA pailot projek bilong Nesenel Agrikalsa Risets Institut (NARI) long skul bilong kamapim na lukautim ol kakaruk i kamap na pinis gut long Komperi Veli, Kainantu, Isten Hailans Provins long las wik.

Dispela kos i kisim inap 6-pela wik olgeta stat long Jun i kam.

Dispela kos i kamap bihainim tok orait i kamap namel long NARI na Kafetina Fama Koporetiv Sosaiti long Kainantu.

Long lukim sapos ol fama i lainim na save gut long samting ol i kisim skul long em, ol tisa i askim ol long mekim wanpela konsentret o kaikai bilong ol kakaruk.

Long dispela taim planti kakaruk fama long Papua Niugini i laik long lukautim ol broila o mit kakaruk.

Bikos ol i ken gro hariap, i gat planti mit na taim ol fama i salim ol i mekim bisnis long em.

Tasol taim ol fama i laik long bekim bisnis long dispela sekta, ol i save bungim hevi bilong kos long baim kaikai na trenspot long go i kam.

Long bungim dispela ol hevi NARI i kamapim dispela skul long lukim ol fama i no lusim wok na mani bilong lukautim kakaruk, tasol i skruim yet dispela wok.



AMAMAS: Ol kakaruk fama bilong Komperi Veli i amamas na soim kakaruk ol i kisim skul long lukautim. Foto: Fred Besari

NARI i skulim ol fama long yusim kaukau na tapioka long kamapim kaikai bilong kakaruk.

Ol kamapim kaikai long tupela rot, wanpela em long lukim ol memeim kaukau na tapioka.

Narapela em ol i katim liklik na draim long san.

Ol i soim ol fama long Komperi Veli long bungim ol finisa kaikai wantaim kaukau olsem wanpela hap bilong lou eneji konsentret na 3-pela hap bilong kaukau.

Long dispela skul ol fama i lain long kamapim kain kaikai we ol i ken kamapim long ol kakaruk we tripela wik olpela na 6-pela

wik olpela. Long wanpela de olpela i go long tripela wik olpela, stat i go inap long pinis bilong givim kaikai long ol kakaruk.

Stanley Hegins, wanpela fama husat i kisim skul long dispela taim i tok em i amamas long kisim kain skul olsem.

Em i tok dispela skul i opim ai bilong em long mekim kain lain kaikai bilong kakaruk we bipo em i no save long em.

Kamapim kaikai long kaukau na tapioka i daunim tu namba bilong kaikai ol i save baim long stua olsem 50 kilogram kaikai i kamdaun long 30

kilogram kaikai.

Long taim ol kakaruk i gat 6-pela wik ol i mas gat tu (2) kilogram o long tu na hap (2.5) kilogram.

Albert Kirimpa, Siaman bilong Kafetina Fama Koporetiv Sosaiti i tok wok painim em NARI i mekim long lukautim kakaruk na pik tu em i kamap long taim Sosaiti i traim long daunim ol hevi pas wantaim ol yangpela.

Em i tok skul we ol fama i kisim bai helpim ol gut long lukautim kakaruk bilong ol na painim rot long kisim mani long em.

PNG bung wantaim Pasifik kantri long toktok bilong kamapim kaikai

Soldier Buruka (DAL) i raitim

PAPUA Niugini i wanpela bilong 14 Pasifik Ailan kantri husat i redi long kamapim Fud Sekyuriti na Sastenabel Laivihud Program (FSSLP).

FSSLP i kamap aninit long Fud na Agrikalsa Oganaisesen (FAO) we as tingting bilong em long kamapim kaikai bilong strongim ol turangu planti em ol meri na ol yangpela.

Dispela program i bilong stap givim tingting long ol Pasifik Ailan kantri olsem kamapim kaikai i bikpela samting na olsem ol i mas mekim long strongim laip bilong ol lain husat i no inap long sapotim ol yet.

Ol bikpela tingting long stap bilong fud sekuriti em long kaikai i mas stap, i isi long kisim, long rot bilong yusim na i gat kaikai oltaim.

Ol gavman bai lukluk long kamapim kaikai, abus, lukautim pis, kumu na diwai bilong strongim laip.

Dispela program bai lukim olsem wan wan ol haus i kisim ol sevis, kamapim toktok bilong wok didiman na gat sans bilong mekim maket.

Ol arapela samting em long ol atoriti i kamapim ol polisi na plen bilong stretim hevi bilong sot bilong kaikai.

Tupela FAO saveman husat i stap long Samoa, Aleki Sisifa na Dokta Siouisia Halavatau i bin kam long PNG long toktok long FSSLP wantaim ol opisa long Dipatmen bilong Agrikalsa na Laipstok na ol arapela opis we wok bilong ol i pas long dispela program.

Long taim bilong toktok long woksop, Deputi Seketari bilong Dipatmen bilong Agrikalsa na Laipstok Francis Faink, long makim maus bilong Seketari i tok FSSLP i opis we i kisim tu wok bilong Rijnel Program Fud Sekyuriti long karimaut 2004 i go long 2007 na inapim tingting bilong PNG long kamapim moa kaikai long strongim laip bilong ol manmeri.

Em i tok PNG i kamapim pinis ol polisi na plen pinis long lukluk bilong hevi bilong fud sekuriti tasol kamap bilong FSSLP i inapim dispela tingting.

FSSLP bai stap aninit long lukaut bilong ol ejensi bilong PNG olsem PNG Visen 2050 tu.

Wol Benk givim mani long strongim kopi na kakau industri

Soldier Buruka (DAL) i raitim


DIPATMEN bilong Agrikalsa na Laipstok (DAL) i tok amamas long helpim em Wol Benk i givim long sait bilong mani long kakau na kopi industri.

DAL Seketari Anton Benjamin long makim maus bilong Minista bilong Agrikalsa John Hickey na tok tenkyu long Wol Benk na Injanesenel Fan bilong Agrikalsa Developmen (IFAD) long helpim long givim mani long Prodakiv Patnasip long Agrikalsa Projek (PPAP).

Long Mande 9 Ogas long las wik Minista bilong Fainens na Tresari, Peter O'Neil na Wol Benk Kantri Dairekta long PNG, Timor Leste na Pasifik Ailan, Ferid Belhaj, i sainim tupela tok orait long kisim dinau inap long mani mak bilong K121.21 milion long givim sapot long wok didiman na telikomyunikesen long ol rurel ples.

Ol bai kamapim ol infrastraktsa olsem rot, bris na ol arapela samting bilong helpim ol manmeri long go isi long ol maket.

PPAP bai helpim ol fama bilong kopi na



TENKYU: Mista Benjamin, Seketarim bilong Dipatmen bilong Agrikalsa na Laipstok.

kakau long ol provins olsem Is Nu Briten, Otonomes Rijen bilong Bogenvil, Isten Hailans, Westen Hailans, Jiwaka na Simbu provins.

Mista Benjamin i tok agrikalsa sekta i givim luksave na i tok orait long Kantri Asistens Strateji (CAS) bilong Wol Benk long bringim developmen i go long agrikalsa na ol arapela sekta long rurel ples.

Em i bilip long ol toktok i stap long dispela polisi na i tok PNG bai lukim sapot long dispela helpim.

"Smolholda produsa i gat bikpela wok long strongim kantri long sait bilong kamapim mani.

"Bihain long pinis bilong planti bikpela ol plentesen long taim bilong independens na kam kantri bilong mipela i stap long strong bilong ol liklik kakau na kopi fama.

"Ol smolholda fama i kamapim olsem 50 pesen mak bilong kakau na kopi em kantri i save salim i go aut.

"Na em i gutpela gavman i mas givim gutpela sapot long ol," Benjamin i tok.

Em i tok maski prais bilong wel pam i go antap long dispela taim tingting bilong ol manmeri long wok long kakau na kopi bai stap yet.



HAVE YOU GOT YOUR FUN RUN T-SHIRT YET?

PURCHASE YOUR FUN RUN T-SHIRT AT ONE OF THESE SCHOOLS TODAY!

SCHOOL	SPONSOR	SCHOOL	SPONSOR	SCHOOL	SPONSOR	SCHOOL	SPONSOR
Gerehu Community School	Asian Pacific Ins. Brokers	Evadahana Primary School	National Gaming Board	Haikoast Community School	Amalpack	Lae Christian Academy	NQ Cowboys
Boreboa Community School	Brian Bell Ltd	Hagara Community School		Lae Police Barracks Elementary		Wampit Primary School	
St Johns Primary School		St. Michael Elementary School		Omili Community School		Chevasing Community School	Mapai Transport
St Francis Community School		Red Cross Special Edu Centre		Malahang Technical High School		Lae Tentsiti SDA Primary School	
Caritas Secondary School		Tatana Community School		Lae St Paul's Community School		Lae Christian Academy	NQ Cowboys
Ela Murray International	Budget Real Estate	Kaugere Primary School	Noreo Beangke	Zenag Farm Elementary School		Wampit Primary School	
Koki Community School		Maino Heduru Voc. Centre	NQ Cowboys	Gantom Community School		Wawin National High School	PNG Ports
St Theresa Primary School		Coronation Comm. School	Origin	Taraka Community School		St Therese Dom Voc. Centre	Pat McCarthy
Bavaroko Community School	Consort Express Lines	Baruni Community School	Oil Search Ltd	Coronation College		Markham Road Elem School	Price Waterhouse Coopers
Sogeri National High School		St Joseph's Int. School	'Peddle Thorpe Architects'	Bumneng Community School		Lae St Mary's Community School	
St Peters Community School	Credit Corporation	Don Bosco Technical School		Erap Station Elementary School		Erap Boys Town Comm. School	Ramu Agri Industries
Hohola Youth Dev. School	Eda Ranu	Sevese Morea Primary	PNGFM	St Joseph's School	Boroko Motors	Markham Farm Elem. School	
Limana Vocational Centre	Ela Motors	Waigani Community School	PNG Ports Corporation	Lae Play School		Markham Valley High School	
St Therese Elementary School		Red Cross Special Elem School		Lae High School	Brian Bell	Zifasing Elementary School	
Taurama Community School		Hohola Community School	PNG Power	Butibum Primary School	Consort Express Lines	Wawin Community School	Raumai 18
Iarowari High School		Ted Diro Primary School		Bumayong Elementary School		Timber College(Lae) Elementary	
June Valley Community School	EMTV	Sogeri Community School		Busu Secondary School		Bubia Primary School	SP Brewery
Pari Community School		St Paul Elementary School	R & P Signs	Martin Luther Elem. School		The Lae International School	
Pom National High School	Inst. of Business Studies	Fisherman Island Comm School	RYPC	Huonville Community School		Bumayong Secondary School	
Mt Diamond High School		Port Moresby Technical College	SP Brewery	St Patrick's Lae Comm. School		Wau Community School	Seeto Kui
Badihagwa Secondary School		Don Bosco Technical Institute		Bugandi Secondary School	G4S	Situm Community School	Territory Packaging
POM Grammar		Badilli Vocational Centre	Steel Industries	Muya Primary School	Orica	Mutzing Community School	
CIS recruits		Dah Cah Vill		Bukawa Primary School	Lae International Hotel	Nawaeb High School	
Kopkop College		Gordon Secondary School	SVS	Labu Primary School	Lae Port Services	Bowall Community School	
Tokarara High School	International Training Inst.	POMIS		Morobe Special Edu. Centre	Lings Freezer	Salamaua Community School	Trukai Agri Business
Bomana Primary School	Interoil Products	East Boroko Int'l School		Building Blocks		Gabmazung Community School	Trukai Industries Ltd
Goldie River Primary School	Kina Securities Ltd	Koroboro Int'l School		Chevasing Community School	Mapai Transport	Igam Community School	UMW
Gordon International School	Kwila Insurance Corp.	Sacred Heart Comm. School	Theodist	Lae Tentsiti SDA Primary School		Milfordhaven Comm. School	
Jubilee Secondary School	Lailai Construction	Gerehu Secondary School	Telikom PNG				
Kila Kila Community School	Moore Printing	Ward Strip Primary School					
Kila Kila Secondary School		Police Force Recruits					
Koki Vocational Centre		Defense Force Recruits					
Paradise High School		Morata Primary School					
Butuka Primary School		Laloki High School	UMW				
Philip Aravure Comm. School	National Gaming Board	De La Salle College					
Marianville Secondary School		St Peters Elementary School					
Tokarara Community School		Dame Carol Kidu school					
New Erima Community School		Cheshire Homes					
St Johns Assoc Blind (Pre-school)		Gerehu St Pauls Comm. School	W.E. Johns & Sons				

Outside centres can purchase their shirts from the following Fun Run event partners in their centre.

Kokopo Rotary Club * Kimbe Rotary Club * Hargy Oil Palm (Bialla) * Lae Rotary Club * Kavieng Rotary Club * Goroka Rotary Club * Lihir Gold Mine Ltd * Mt Hagen Trukai Depot



FUN RUN
22nd AUGUST
2010



ACT NOW ON HIV: VISIT A VCT CENTRE TODAY





GIVIM: Ol ofisol na sumatin bilong DBTI skul long Mosbi kisim Trukai Fan Ran siot bilong ol long SP Brewery las wik. *POTO: SP Brewery.*

PAINIM ROT: Telikom pilaia i laik rausim bal bipo long birua bilong em bilong University pasim em long Mosbi primia soka resis bilong ol meri. *POTO: Andrew Maien.*

BUNGIM TIM: Ol Stop 'N' Shop Vipers pilaia i bung wantaim ol sapota bilong ol long Mosbi las wik bipo long gem bilong ol. *POTO: Nicky Bernard.*

PASIM EM: Pilaia bilong Esco Telstars i tyraim long pasim birua bilong em bilong Veupunama long Mosbi netbol gem bilong ol las wik Sarere. *POTO: Andrew Maien.*

NRL SPOTS DRO RAUN 24 Ogas 20-23 2010

Gems bilong dispela wik

Cowboys V^s Bulldogs
Eels V^s Tigers
Knights V^s Broncos
Panthers V^s Rabbitohs
Raiders V^s Dragons
Roosters V^s Titans
Eagles V^s Warriors
Storm Sharks

Raun 23 - Poin Leda

TIM	W	L	D	B	Pts
1 Dragons	15	6	0	2	34
2 Titans	13	8	0	2	30
3 Tigers	13	8	0	2	30
4 Panthers	12	9	0	2	28
5 Roosters	12	9	0	2	28
6 Warriors	12	9	0	2	28
7 Eagles	11	10	0	2	26
8 Broncos	11	10	0	2	26
9 Rabbitohs	10	11	0	2	24
10 Eels	10	11	0	2	24
11 Raiders	10	11	0	2	24
12 Knights	9	12	0	2	22
13 Bulldogs	7	14	0	2	18
14 Sharks	6	15	0	2	16
15 Cowboys	5	16	0	2	14
16 Storm *	12	9	0	2	0

* Ol i rausim olgeta primiasip poin bilong Melbourne Storm bilong 2010 sisen.

Parramatta i gat sans yet

PARRAMATTA Eels i gat sans yet long go insait long fainols resis bilong NRL dispela yia bihain long ol i winim Brisbane Broncos las wik Fraide, 30-14 long Suncorp stadium.

Dispela em wanpela gem we ol i mas winim long stap insait long Top 8 na ol i strong long pasim ol Broncos long namba tu hap bilong gem.

Long taim winga bilong Eels, Luke Burt i putim wanpela stail trai long namba 72 minit long kisim ol i go pas 24-14.

Burt i kikim bal abrusim het bilong Broncos fulbek, Josh Hoffman na ron i go kisim gen na skoa.

Bihain, nupela pilaia, Anthony Mitchell, i pasim rot wantaim wanpela trai bilong em tu long fultaim stret.

Darren Lockyer i no bin pilai long dispela gem tasol Broncos i putim strongpela salens tu agensim ol Eels.

Broncos i kisim sampela gutpela sans long skoa tu tasol banis bilong Parramatta i strong.

Ol i pasim tu Brisbane fowet, Sam Thaiday long putim wanpela trai long namba tu hap bilong gem.

Eels lok, Feleti Mateo na fulbek, Jarryd Hayne i pilai strong tru long helpim tim bilong ol.

Hayne i putim namba wan trai bilong ol long namba wan hap bilong gem na i abrus long putim namba tu trai bilong em long namba tu hap bilong gem.

Em i brukim difens bilong Broncos, kikim bal abrusim Hoffman, ron i go kisim na traim long skoa tasol Broncos winga, Antonio Win-



KEPEN: Cayless i amamas long tim. Em i holim rekot nau olsem long taim kepten bilong klap.

terstein i wokhat long traim na bagarapim dispela trai.

Vidio refri painim olsem Hayne i pundaunim bal na i no skoa.

"Mipela i wokhat tru tete," Eels kepten, Nathan Cayless i tok.

Dispela tu i bin namba 217 gem bilong Cayless olsem kepten we i abrusim mak bilong bipo Penrith na Roosters biknem, Brad Fittler.

"Mipela i no pilai gut tumas i kam tasol nau nait mipela pilai strong na i gutpela long mipela i gat sans gen dispela sisen," em i tok.

Eels kosa, Daniel Anderson i amamas long ol pilaia bilong em.

"Mipela i kisim planti pen long gem tasol mipela i amamas long

dispela win," em i tok.

Em i luksave tu long Cayless olsem long taim kepten bilong klap.

"Dispela em i bikpela samting tru.

"Bihain long 112 yia, em i kamap olsem kepten bilong klap lonpela taim moa long ol arapela," Anderson i tok.

Kosa bilong Brisbane, Ivan Henjak i tok ol i no bin inap long pasim ol Eels long dispela nait.

"Ol i bin gutpela tumas long mipela, ol i hangre tru long gem bilong ol tasol mipela tu i no kamapim sampela samting mipela i bin laik mekim," em i tok.

Rogers bai pinis pilai dispela sisen

SENTA bilong Gold Coast Titans, Matt Rogers i redi long pinis long pilai ragbi lig dispela yia.

Em bai lusim pilai tasol bai wok yet long sait bilong maketing insait long klap yet.

Rogers, 34 krismas, i pilai 4-pela yia nau wantaim Titans bihain long em i kam bek long ragbi union we em i pilai 5-pela yia wantaim NSW Waratahs.

Em i pilai 194 gem bilong ol NRL long fes gred na i gat sans long kisim dispela namba i go long 200 sapos ol i go insait long fainols.

"Mi pilim olsem mi nap long pilai yet tasol mi ting em i gutpela taim nau long lusim na go aut," Rogers i tok.

"Taim em i rait nau long lusim pilai," em i tok.

Matt em pikinini bilong bipo biknem



INAP: Roger bai pinis pilai tasol i lukfowet long ol nupela salens long laip bilong em.

pilaia, Steve Rogers.

Em i bihainim lek mak bilong papa bilong em na i pilaim namba wan gem bilong em long 1995 wantaim Cronulla Sharks.

Rogers i pilaim 123 gem olgeta wantaim Sharks we i lukim ol i lusim 1997 supa lig gren fainol agensim Broncos na tu priliminari fainol long 1996, 1999 na 2001.

Em i pilai 5-pela gem bilong Queensland long stet ov orijin na 11-pela tes bilong Australia.

Rogers i go long ragbi union long 2001 na i makim Australia Wallabies long hap long 2001 wantaim Wendel Sailor.

Rogers i pilaim 45 tes bilong ol Wallabies we i lukim em i stap insait long 2003 wol kap long Sydney.

Em i kam bek long ragbi lig long 2007 na pilai 73 gem bilong Titans pinis.

"Mi ting mi mekim inap.

"Mi lukfowet nau long wanem ol nupela samting bai kamap long laip bilong mi," em i tok.

Oi i painim bodi bilong bipo etlit

Ol i painim bodi bilong bipo rana bilong Amerika, Antonio Pettigrew, insait baksait sit bilong kar bilong em las wik.

Pettigrew, 42 krismas, em wanpela bilong ol 4x400mita rana husat ol ofisol bilong Olimpiks i kisim bek gol medol bilong ol bihain long ol i painim aut olsem ol i kisim drak long winim dispela resis.

Polis long Chatham County long Ameriks, Philip Pettigrew i no dai nating.


Ol i ting em i kilim em yet o em i mekim wanpela samting na i painim birua.

Polis i tok ol dua bilong kar i bin lok na ol samting i soim olsem Pettigrew i kisim marasin bilong silip.

Ol i no painim samting we i soim olsem sampela lain i kilim em.

"Nau yet mipela i no save sapos em i kisim dispela ol marasin long kilim em yet o em i yusim ol karangi na i kilim em," mausman bilong Polis i tok.

Em i tok tupela paro bilong Pettigrew i painim bodi bilong em.



NEM NOGUT: Pettigrew i bin wanpela bilong ol man husat i kisim drak long 2000 Olimpik gems long Australia.

Ol i ting em i silip tasol em i no bekim ol.

Polis i kamap long hap long tri kilok moning na i tok em i dai pinis long hap yet.

Pettigrew i wok olsem asisten kosa

bilong etletiks long yunivesiti bilong North Carolina inap long dai bilong em.

Polis i tok ol wok painim aut bai kamap yet long train na save long Pettigrew i dai olsem wanem.



Tiwaol Maspas (raithap) kisim prizem bilong VAVTA i kamamas long gutpela pilai buzing ol.

VAVTA kamamas sponsa

Ol bilong buzing pilai buzing ol... (text continues)

... (text continues)

... (text continues)

Muruks i no lus olgeta

i kam longpes 28

Ol i go pas wantaim 21 poin, Gurias i kisim namba tu sia wantaim 20 poin, Mioks baksait tasol wantaim 19 poin, Lahanis 16 na Warriors 15.

Dispela em 5-pela tim husat i stap long top faiv tasol Vipers (13), Rangers (13), Lae Bombers (11) na Kuris (6) i no lukim ol i stap longwe tumas.

Ol i ken wokim sampela bikpela senis insait long ol pilai we stap aut yet.

Long Muruks yet, pilai bilong ol wantaim Mioks (R15), Warriors (R16) na Rangers (R17) em ol bikpela pilai we ol mas winim.

Wantaim Kuris long Raun 18, ol i gat bilip olsem ol bai kisim tupela poin nating, tasol bikpela pret bilong ol em wantaim ol arapela bikpela tim we i gat planti gutpela pilaia insait.

Long las tupela sisen, Muruks i no smelim fainols, bihain long winim taitol tripela sisen pastaim.

Dispela hangre bilong stap insait long fainols i mekim ol i kam bek strong dispela sisen.

Mioks, Lahanis, Rangers, Vipers na Bombers i gat dispela wankain driman tasol i luk olsem dispela sisen klostu bai pinis na olgeta i taitim bun long stap insait long fainols.

Narapela bikpela pilai bai kamap long Goroka we Lahanis bai train stretim dinau bilong ol wantaim Rangers.

Las taim ol Rangers i win long tupela poin 20-18 long Lloyd Robson pilai graun long Mosbi.

Tasol nau Lahanis i redi long bek ol dinau long Nesenel Spots Institut (NSI) olai graun long Goroka.

Beklain bilong Lahanis, Thompson teta bai lukluk long sapot bilong futbek Adex Wera, senta na bipo PNG Pukpuk, Chris Hogi na Kevin Inagafa.

Kam bek bilong Warriors i mekim planti nola pinis na ol i ron gut long dispela resis.

Ol i wec long winim ol pilai buzing ol long Kundiawa gut tru na dispela... (text continues)

Politiks bilong Hagen i nagaram bilong long dispela ya na ol i no pila gutpela pilai i no wanpela samting.

Kuris i gat ol gutpela yangpela ol olai husat i bin kam antap long pila olsem na ol i mas lukluk long pilai bilong ol long... (text continues)

Gunas i winim fainols long las ya na luk skruim strong bilong ol gen dispela ya.

Wankain olsem Muruks, ol mas strongim kona bilong ol long ol pilai we i stap aut yet.

Gunas i mekim gutpela wok long... (text continues)

Raun 15 em wanpela bikpela pilai bilong olgeta tim bilong wanem ol no... (text continues)

... (text continues)

SPOT RAUN

WANTAIM

Scott Vavine, ML



Tim Morobe wok redi bilong 2012 PNG Gems

TIM Morobe i kisim planti save na tingting long wanpela trening woksop we i kamap long Lae las wik, long helpim ol i statim ol wok redi bilong ol bilong 2012 PNG gems long Kokopo, Is Nu Briten provins.

Menesmen tim bilong Morobe husat i bin kisim tim bilong ol i go long PNG gems las yia long NCD, i bin kamap long dispela trening.

Wanwan man i bilong 20 spot we i bin kamap long dispela gem i kamap long kisim trening las wik.

Namel long ol lain i bin kamap tu em ol bipo biknem spotsman olsem David "Buffalo" Haro, Bami, John Peka, Ludwig Peka na Gidas.

Dispela trening woksop i kamap long tupela hap.

Namba wan hap long moning i lukluk long spots administresen na namba tu hap long avinun i lukluk long ron bilong tim Morobe insait long PNG gems long 2009.

Namel long 9-pela distrik bilong Morobe, 6-pela tasol i bin kam pilai.

Ol distrik spots administreta bilong provins tu i kamap long dispela trening.

Bikpela lukluk i kamap long pilai na ron bilong tim Morobe insait long 2009 PNG gems long NCD.

Insait long dispela lukluk, mipela i painim ol hevi na asua we i kamap insait long tim Morobe long dispela taim.

Wanwan manmeri insait long woksop i luksave long dispela ol hevi na i givim sampela tingting long plening komiti long wanem samting ol i bilip i mas kamap long stretim dispel.

Dispela ol tingting bai ken helpim plening Komiti long statim ol wok redi bilong ol nau bilong 2012 PNG Gems.

Edvaisa bilong spots long provins i bin amamas tu long lukim ol i luksave long dispela ol hevi bilong ol na kamapim ol tingting long traime na daunim.

Ol wok we bai kamap insait long ol wok redi bilong tim Morobe em long sait bilong makim menesmen bilong tim, makim bilong ol pilaia, wok redi bilong wanwan tim, painim sponsa na tu bungim mani bilong tim Morobe.

Tasol namba wan samting tru we i mas kamap em long makim ogenaising Komiti na olgeta arapela samting bai bihainim tasol.

Provinsol Administreta, Mista Tomala i luksave long ol lain husat i kamap long dispela trening na i tok em bai sapatim wok redi bilong ol.

Tingting bilong tim Morobe nau i pas long kisim nambawan ples long 2012 na i laik toksave olsem olgeta wok redi bilong ol long dispela gem i stat pinis.

Namba 11 gren fainol bilong Royals

Bustin Anzu i raitim

CONSORT Express Royals bai mekim 2010 Morobe Ragbi Yunion gren fainol olsem namba 11 bilong ol.

Insait long bikpela (meja) semi fainol long SCRUM pilai graun las wiken, ol i bin winim namba wan birua tim bilong ol, Hornibrook NGI Harlequins 19-13 long go insait long dispela gren fainol we bai kamap long narapela wik antap.

Long liklik (maina) semi fainol, Chemcare Defence i salim Orica Viking Dogs i go bek long stretim ol yet long narapela yia bihain wantaim 19-3 win.

Long ol pilai bilong Anda 19, Harlequins pulim iau bilong Royals na Defence i winim Vikings long liklik (maina)

semi fainol.

Riback Unitech Reds i rausim trausis bilong Bismarck Pirates 17-10 na Harlequins i holim nek bilong Vikings 6-0, long ol arapela pilai.

Dispela pilai namel long Royals and Harlequins i lukim Harlequins i pilai strong tru na bosim bal long planti hap tasol ol polisman i pilai strong moa long winim ol.

Kepten na namba eit, Winston Ninjipa, na tupela sapot pilaia bilong em, Albert Kaupa na Cliff Koi, lok Elias Labi, tupela strongpela fowet, John Karukuru, Simon Oumba na Paul Roana i no givim sans long ol birua bilong ol.

Ol mangi Bumbu Bareks i kisim olgeta strong bilong pilai na mekim ol mangi

long Papua kompaun i kisim taim long holim bal.

Stail plai hap bilong Royals, Sawi Sukumbal, senta Lloyd Bureng na fulbek Neil Wimbi pilai gut long beklain taim ol bikpela fowet bilong ol i wok long brukim banis bilong birua.

Lus fowet, Steven Iko, Billy Ben, fulbek Raymond Tau na winger Wally Kirika i bin mekim olgeta samting long lukim Harlequins i putim sampela trai tasol ol i no inap.

Ol polisman bai kisim gutpela malolo dispela wiken na wetim semi fainols bilong Harlequins na Defence long dispela wiken.

Husat i winim dispela pilai bai bungim ol long narapela fotnait.

Kari go pas wantaim fleg



YANGPELA weitlifita, Steven Kari em namba wan man long karim fleg bilong Papua Niugini go insait long namba wan yut olimpik gems.

Gem i op las wik Fraide na ol tim i stat pilai long Sarere.

Kari em i wanpela tasol bilong PNG husat i winim ples o i kwalifai long gutpela pilai bilong em long go long dispela tonamen.

Em i namba wan man tu bilong PNG long kwalifai long go long dispela ol gem.

Ol narapela i no kwalifai tasol i bin kisim askim long go pilai.

Long Mei dispela yia, Kari winim gol medol long junia divisen na silva long sinia divisen bilong Osenia sempionsip long kwalifai bilong dispela Olimpiks.

Em i winim tupela gol tu long junia na sinia divisen bilong Saut sempionsip.

Yangpela tim we i go pilai wantaim em long Fiji helpim em tu long kwalifai taim ol i bungim olgeta poin bilong ol wantaim.

Dispela ol poin wantaim strongpela pilai bilong Kari lukim em i winim ples insait long yut olimpiks dispela yia.

Long 2009 komonwelt sempionsip, em i bin kam namba 5 ples long sinia divisen namel long 14 pilaia.

Kari bin memba bilong PNG tim i go long 2008 komonwelt gems long Pune, India.

Em i liklik brata bilong sinia meri weitlifita, Rita Kari.

NAMBA WAN MAN: Kari karim fleg bilong PNG long namba wan yut olimpik gems.

**LAE
BISCUIT CO.**



WANTOK

SPOTS

**LAE
BISCUIT CO.**



Isu 1879

Wan wik: Fonde, Ogas 19 - 25, 2010.



**1st
wantok
rate**

BEST VALUE CALL RATES

Call Rates from bemobile to bemobile	8am-7pm Day		7pm-8am Night	
	1st minute	after 1 minute	1st minute	after 1 minute
	79t	1t	49t	1t

bemobile *taktok moa*

Muruks i no lus olgeta

Ol tim stap klostu long poin

Busting Anzu i raitim

LUS bilong SBS Muruks long Kokopo long han bilong ol mangi Yauro las wiken i no min olsem ol i lus olgeta.

Ol i gat strong na stail i stap na ol bai kam bek gen.

Bikpela samting em ol i tingting long fainols bilong sisen 2010.

Tasol ron bilong ol i go long Wabag long pilaim Toyota Mioks dispela wik em wangepela bikpela samt-

ing we kosa, Jack Kereme i mas lukluk gut long en.

Muruks i bin kisim bikpela bagarap long Agmark Gurias 28-4, dispela em wangepela bikpela lus bilong ol we ol i no save kisim dispela kain skoa lain bipo.

Long ol arapela lus, ol i save skoa na lus tasol dispela em wangepela lus we ol i kisim long ol penolti tasol.

Ol mangi Tolai mas paitim bros na tok ol i rausim ol Muruks long asples bilong ol na mas mekim bikpela pati.

Tasol, Muruks i no lukim dispela lus olsem em bai stopim tingting bilong ol long ron insait long fainols.

Ol i bin kisim bikpela win bilong ol long narapela wik i go pinis na ol i ting ol bai mekim wankain long Kokopo tasol Kalabond pilai graun i gat bikpela stori stap.

Nogat tim i save winim ol Gurias long hap.

Ol Muruks i go pas yet long poin leda maski ol i lus.


i go moa long Pes 26.

Wokabaut bilong PNG

Dispela Sande bai ol rot long Mosbi pulap gen long bik mcning taim ol manmeri bung long stap insait long Trukai Fan Ran (Fun Run) bilong dispela yia. Wankain samting bai kamap tu long ol arapela ples olsem Hagen Kokopo na Lae. Planti manmeri na pikinini baim ol Trukai siot bilong ol pinis bai mekim ples i luk yelo olgeta taim olgeta i

wokaut or ron long rot. PNG Sports Federation na Olympic Committee (PNGSFOC) wantaim sapot bilong Trukai Industries i save kamapim dispela pilai long bungim mani bilong salim PNG tim i go long ol bikpela pilai ovasis. Dispela yia bai tim i go long Commonwealth gems long India long Oktoba.

WANTOK FOTO.




NISSAN URVAN

**DRAIVIM IGO
tasol long
K69,900**



- 3.0 Lita Diesel Engin
- 5 Spid Manuel Transmisen
- Mor Pasindia Hetrum
- Redieta stap wan mita bihain long frant bampa



Piksa bilong edvetismen tasol.

**BOROKO
MOTORS**

PORT MORESBY PH: 325 5255
LAE PH: 472 1144
MT HAGEN PH: 542 1933
TABUBIL PH: 649 9048
KIMBE PH: 983 5035
MADANG PH: 422 2659
RABAUL PH: 982 8193
Website: www.boroko-motors.com

WANTOK
Niuspepa 1970-2010



**Mipela i
Selebretim
40 Yia bilong
mipela!**




**Aha i
go yet!**



**Spesol Saplimen
Ogas 2010**



Office of the Executive Director
The PNG Vision 2050 Development Centre
Ground Floor, Morauta Haus
Ph: 675 327 6535
Fax: 675 325 8291
Email: bkua@pm-nec.gov.pg



Department of Prime Minister &
National Executive Council
P.O. Box 639
WAIGANI, NCD

Wonem samting em Driman bilong 2050?

Dispela em wanpela driman bilong mipela ol Papua Niugini manmeri na pikinini iet long mekim bai kantri bilong yumi ikamap olsem wanpela smatpela, save ples, na kantri we olgeta manmeri imas kisim wankain halivim, na painim gutpela hamamas long wanwan ples taim yumi bungim 2050. Dispela driman bai imekim wanwan man meri, pikinini man na meri long kamap gut na painim gutpela sindaun, Gavman bai iskulim ol pipel long kamapim gutpela sindaun na lukautim ol iet. Long dispela rot bai kantri ikamap gut na abrusim ol hevi.

Papua Niu Gini - Yumi Bai Igo We?

Papua Niu Gini bai iwinim ol narapela kantri na ikamap wanpela long ol faifpela ten (50) kantri insait long graun o woi igo pas tru tru long skulim moa ol pikinini, kamapim moa ol hausik, kamapim moa bisnis, gutpela sindaun, wok didiman, na lukim olsem olgeta manmeri long ples ikisim gut olgeta sevis bilong gavman.

"Yumi bai kamap wanpela smatpela, save kantri, isave skelim gut ol samting na kantri bilong hamamas long 2050"

Wonem Samting bai isoim olsem Papua Niu Gini kamap gutpela Kantri?

Ol mak bai isoim we kantri bilong yumi ikamap gut em long; gutpela hausik, wanwan pikinini tasol idai, gutpela skul, planti bisnis ikamap, wanwan stil na raskol pasin, wanwan manmeri idai long sik HIV/AIDS, na TB, planti ol rot bilong kar na PMV iron long em, planti ol bris bilong sip, gutpela telefon sevis, gutpela sevis bilong ol benk, na planti pawa stesin bilong givim pawa long ol haus masin na ol pipel long wan wan ples na olgeta taun.

Wonem Samting bai mekim ol samting ikamap?

Dispela driman bilong Papua Niugini bai ikamap taim yumi igat ol gutpela lidaman meri na gutpela gavman, olgeta manmeri iskul na kisim gutpela save, igat gutpela lo, na gutpela rot bilong putim gut moni na kirapim ol man meri long sanap wantaim na kamapim ol gutpela wok.

Ol women samting bai yumi wokim long kamapim gutpela sindaun?

Ol bikpela samting tru long kamapim gutpela sindaun em: Skulim gut olgeta man meri na pikinini, kamapim ol bisnis long ol samting yumi planim long graun olsem kakao, kopra, kofi ol gaden kaikai, gol na kopa, oil na ges, ol pis long solwara, strongim wok bilong gavman, banisim gut kantri long ol birua, lukautim gut ol bus, graun na wara, strongim wok bilong ol sios, ol pasin tum-buna na ol komuniti, na rereim gut ol wok bilong mekim ol provins na kantri igo het.

Mipela olgeta opisa bilong Papua Niu Gini Vision Developmen Senta igivim bikpela

hamamas bilong mipela igo long Wantok Niuspepa long autim nius igo aut long

ol pipel bilong Papua Niugini inap foa pela ten (40) krismas olgeta.

Bill S. Kua, MBE, OBE
Eksekutiv Dairekta
PNG Vision 2050 Developmen Sen

Insait

4.....Word Publishing Siaman givim toktok

5-8.....Namba wan taim Wantok I kamaut

27 6.....Ol piksa wantaim PNG histori

7.....Toktok bilong Wantok Edita

12.....Stori bilong Biliso Osake

13.....Somare laikim Wantok Niuspepa

14.....Anna Solomon givim long sevis

15.....NCD Gavana Powes Parkop wok wantaim Wantok Niuspepa bipo

17....."Joe Kaáu stori long taip raita

25.....Veronica givim stori



LO NA JASTIS SEKTA



Hamamasim 40yia Anivesari bilong



WANTOK
Niuspepa bilong yumi ol PNG stret

Promotim, Jast, Seif na Sekiua Sosaeti



CHOOSE YOUR JOURNEYS

Spectacular wreck diving demonstrations untouched collection of ships and aircrafts from WWII and the diverse marine life they attract.

The same winds the surfers enjoy also makes for perfect kite surfing. The warm waters of PNG are uncrowded and provide great action for wave riders while pristine blue lagoons lure flat water fans.

Any village experience will provide you with plenty of opportunity to see and in some instances purchase art, timber carvings, string bags (bilums), woven baskets and clay pots – not to mention the endless opportunity for fantastic photographs for your album!

COME TO PAPUA NEW GUINEA
A HUNDRED DIFFERENT ATTRACTONS. A THOUSAND DIFFERENT STORIES.

Papua New Guinea
A MILLION DIFFERENT JOURNEYS

PNG Tourism Promotion Authority
4th Floor Pacific AIME Building Champion Parade
PO Box 1290 Port Moresby NCD
Papua New Guinea
Tel: 675 3200000 Fax: 675 3200000
Email: info@pngtourism.org.pg
Visit: www.pngtourism.org.pg

Supplements Team
Coordinator/reporter: James Kila
Advertising Sales Team: Kevin Dauda : Advertising Manager
Sales Executive: Augustine Unido, Frederica Siwin & Kaia Tau
Lay-out & Design: Geno Bua & Jada Wilson



Toktok bilong Siaman bilong Word Publishing Company, mama kampani bilong Wantok Niuspepa

Pater Janusz Skotniczny SVD

Dia ol pren bilong *Wantok Niuspepa*, foapela-ten yia i go pinis taim ol Bisop bilong Katolic Sios (CBC) long Papua Niugini na Solomon Allen i askim Pater Frank Michalic SVD long kamapim wanpela niuspepa long Tok Pisin. Ol i lukim bikpela wok Pater Michalic i mekim, taim em i raitim Jakaranda Diksenari na tu ol i skelim bikpela save bilong em long wok misin long PNG, na ol i makim em long dispela nupela wok – statim niuspepa long tok pisin.

Ol Bisop i bin wari (target) long planti ol manmeri husat i stap long ol longwe ples na husat i no gat rot long painim nius o wanpela gutpela stori bilong strongim gutpela sindaun bilong ol (Integral Human Development). Ol i wari long strongim pasin bilong rit na rait (literacy) long olgeta hap bilong Papua Niugini. Na tu ol i laik strongim (encourage) ol manmeri bilong PNG long raitim stori na nius insait long Niuspepa bilong ol yet. Na antap long ol dispela samting ol Bishop i bin ting, kain niuspepa olsem, em i wanpela gutpela rot bilong strongim Kristen pasin insait long Kantri.



Pater Janusz Skotniczny, SVD

I no long taim na dispela de i kamap namba 5 de bilong mun Ogas, yia 1970 – em namba wan taim ol bin *Wantok Niuspepa* long Wirui long Wewak na bungim ol rida bilong em.

Bihain liklik gutpela wok bilong *Wantok Niuspepa* i painim ol bikpela sapota. Ol narapela brata Sios i soim laik long bung

wantaim long lukautim *Wantok Niuspepa*. Long dispela rot ol givim witness long pasin wanbel na pasin bilong laikim narapela. Nau trupela wok i bihainim skul bilong Jisas i kamap ples klia long ai bilong planti manmeri.

Tude, ol dispela bikpela wok bilong *Wantok Niuspepa* ol i statim foapela-ten yia i go pinis, i no senis. Em i save helpim planti manmeri long ples husat i no save long tok inglis inap. i tru, planti ol manmeri bilong ol bikpela taun na sampela laki (privileged) ples ol i inap long ritim nius na stori long tok inglis i save kam long ol narapela bikpela niuspepa. Tasol planti ol i no inap. Olsem na, tude wankain olsem bipo, planti ol manmeri i gat wanpela sans tasol long ritim stori na praktisim pasin bilong rit, em long taim ol i ken holim *Wantok Niuspepa* long han bilong ol.

Ating inap long tude em *Wantok Niuspepa* i go pas long soim long ol narapela niuspepa olsem ol maneri i nidim Jisas long laip bilong ol. Senis long laip bilong ol manmeri i no save kam long nius nating tasol. Senis i save kam sapos nius i gat liklik story antap. Na dispela stori i soim trupela valiu. Em *Wantok Niuspepa* i mekim dispela wok. Na ol brata niuspepa i lukim

kain wol olsem, na ol tu i stat long givim liklik hap insait long pepa bilong ol long ol lain i laik autim Tok bilong God.

Taim *Wantok Niuspepa* i kamap namba wan taim long yia 1970 long de namba 5 bilong mun Ogas na i kam inap long nau em i no senisim stia tingting (philosophy) bilong em. Em i *Wantok Niuspepa* bilong ol grasruts, brata bilong ol bilipmanmeri, sapota bilong ol lokol niusmanmeri, em i mausman bilong Bikpela. Yes inap long nau dispela samting i no senis. Tasol *Wantok Niuspepa* i no stap nating. Em i wok hat long bihainim ol senis i save kamp long graun na long PNG. Oltaim em i save soim nupela pes. Em ol gutpela senis i bin kamap na mipela olgeta i witnessim.

Wantok i stat olsem liklik niuspepa i save kamap olgeta tupela tupela wik. Bikpela bilong em olsem A4 pepa na i nogat kala. Tude yumi lukim em olgeta wik na kala bilong em i ken resis wantaim planti narapela niuspepa.

Long betde (birthday) bilong em *Wantok Niuspepa* em i lukim planti misinari na ol expat i wok long raitim stori, stretim ol pes, printim na bringim long ka o balus. Tude, yumi lukim ol Papua Niu Gini stret i mekim dispela wok. *Wantok Niuspepa* i kamap

olsem wanpela niuspepa long PNG i gat 100% staff PNG. Ating ol narapela i wankain?

Bikpela senis i wok long kamap yet i stap em *Wantok Niuspepa* i laik sanap long lek bilong em long sait bilong moni (financial independence). Ol i mekim em i kamap olsem wanpela social project bilong ol sios. Em i kisim strong long ol sios na long ol sapota long narapela kantri. Maski ol i traim hat, *Wantok Niuspepa* i no mekim winmoni. Turangu i hangamap i stap long helpim bilong narapela. Planti taim “laip” bilong em i stap long mak bilong pinis, olsem brata bilong em *The Times o Independent*. Tasol ol wokman i strong na i skruim wok long gutpela taim na long taim nogut wantaim. Tude long hat wok bilong gutpela tim bilong em *Wantok Niuspepa* i klostu redi long winim nupela mak – sanap strong (independent) na redi long skruim ol nupela wok (new opportunity).

Stori bilong *Wantok Niuspepa* em sotpela – foapela-ten yia tasol. Tasol stori bilong em i gat laip. Dispela samting i no kamap nating. Em i kamap long hatwok bilong planti ol manmeri. Lista bilong ol i longpela tru. Na wok bilong wanwan i narakain: stat long ol Dairekta, Menesa, Ripota, Printa, na pinis long ol Pailot, Draiva na Strit Sela. i no inap mi kolim olgeta. Tasol mi save dispela lista bai i stat long Fr. Frank Michalic na tude em bai pinis long General Manager Ms Elizabeth Konga. Tupela i makim arere arere bilong stori. Olsem makim Bod bilong ol Dairekta bilong Word Publishing mi laik givim bikpela amamas na tenkyu long tupela na long olgeta manmeri i bin kamapim samting olsem sen i no bruk (unbroken chain) namel long tupela.

Mi laik givim tok tenkyu long sapot bilong ol seaholda. Dispela tok i go long Society of the Divine Word, long Katolik Daioses Wewak, Madang na Goroka, long Luteran Sios, Anglikan Sios na Yunaited Sios. Mipela amamas long wokbung wantaim na sapot bilong yupela.

Mi laik salim Bikpela tenkyu i go long ol sponsa na sapota long on narapela kantri. Yupela i bin lukautim *Wantok Niuspepa* long doneesen na gutpela toktok (advise) bilong yupela.

Na laspela amamas na tenkyu i go long yupela ol rida bilong *Wantok Niuspepa* Niuspepa. Yupela tasol i mekim na *Wantok Niuspepa* i stap na i wok kamap bikpela gen. Yupela i stap klostu o yupela i stap longwe, tasol mipela i amamas long yupela.

Stori na wok bilong *Wantok Niuspepa* i no pinis. Em i stap wantaim yumi. Mi bilip olsem mipela bai i bung gen long amamasim 50 yia bilong em. Na bai mipela i stori gen long bikpela wok i laik kamap. Em dispela wok bai yumi skruim wantaim bikos yumi olgeta i *Wantok Niuspepa* tasol.

God i ken blesim yupela.

“THEODIST CONGRATULATES WANTOK NIUSPEPA ON IT'S 40TH ANNIVERSARY CELEBRATIONS”

Digital LIFE

Stay One Step Ahead!

At THEODIST... Your Business Technology Needs are Covered!

Call or visit us today!


Waigani Drive, Port Moresby Ph: 325 6500 Fax: 325 0302 Email: sales@theodist.com.pg
 Down Town, Port Moresby Ph: 321 5667 Fax: 321 5998 Email: townsales@theodist.com.pg
 Millfordhaven Road, Lae City Ph: 472 5488 Fax: 472 7838 Email: saleslae@theodist.com.pg

THEODIST LTD

1970 - 2010
- Niuspepa Bilong Yumi PNG Stret -



Nambawan taim Wantok i kamaut



Nambawan kopi bilong Wantok Niuspepa

NAMBAWAN Wantok Niuspepa i bin kamap long Ogas 5, 1970.

Insait long wanpela ripot Pater Frank Mihalic i bin raitim, em i stori olsem long nambawan taim tru pepa i bin kamaut long Ogas 1970.

Leit Pater Mihalic, husat em wanpela SVD (Sosaiti bilong Divain Wod) i tokaut olsem pepa ino bikpela olsem bilong tude, i gat 20 pes, i gat narapela kain prin long en na ol edvataismen i stap wantaim na karamapim 7-pela pes.

Long fran pes i gat wanpela foto i soim wanem samt-

ing i kamap long kantri. Dispela fran pes foto i soim wanpela provinsal gavman kibung, ol nes long yunifom i stap long klasrum, wanpela fama i brukim drai kokonas bilong wokim kopra, wanpela naispela bebi, wanpela lokal helt teknisien long ples bilong wok, wanpela seveya i glasim mep bilong Papua Niugini na ol pipel i rausim lip bilong ti long Hailans.


Pater Mihalic i stori olsem Wanpela Olympier ilektrik taipraitia i raitim olgeta toktok bilong pepa. Tupela pes bilong pepa i stap long tok Inglis long amamasim ol lain husat i ken ritim.

I gat sampela arapeal foto tu i stap. Planti em bilong olupela edministreta Hay, husat i laik lusim kantri, foto bilong tripela soldia i kisim sevis medal, Praim Minista Gordon bilong Australia na minista memba Mathias Toliman bilong Rabaul.

Tripela namba wan pas igo long edita i amamas namba wan Wantok Niuspepa. Dispela, ol pas i kam long Spika bilong Haus ov Asembli leit Se John Guise, Bisop Simon Gaius bilong Yunaited Sios na Bisop Zibang Zurenuoc bilong Luteran Sios.

Ol lokal nius i toktok long Mataungan Asosesin bilong Gazelle Peninsula, indai bilong kaunsil bilong Gazelle, Thomas ToBunbun, nupela edministreta, stori bilong Niugini Nius sevis, stori bilong Pater Nilles, SVD, i winim sia bilong Simbu Haus ov Asembli, Sir John i wari long graun, wanpela spes bilong YC (Yangpela Kristen), wanpela pes bilong helt nius, wokabaut bilong Praim Minista Gordon igo long Niugini na Komonwelt Gems long Edinbag.

Launch of Wantok Niuspepa in Wirui, East Sepik, on August 5, 1970. From left Fr Mihalic, Bishop Leo Arkfeld, District Commissioner Ted Hicks and Editor Ray Goodey



Mihalic bringim save long kirapim pepa

Long pinis bilong yia 1970, namba bilong Wantok Niuspepa em ol pipel i baim na kisim i go antap long 4,000.

Long 1972 Pater Frank Mihalic i kisim wok olsem edita, pablisa na menesa.

Namba wan samting en niuspepa i no inap winim long dispela taim em lokal peris pipel.

Pater Mihalic i ting olsem ol pipel bilong lokal peris yet bai gat laik long ritim niuspepa na save long wanem samting i kamap insait long kantri. Tasol dispela ino karim kaikai. Ol pipel i no gat laik long baim na ritim niuspepa. Olsem na namba bilong pepa i sut-nus igo daun.

Dispela i mekim na planti ol lain long lukautim buk wok i givap. Ol i les na igo.

"Mipela i traim long salim ol niuspepa long ol maket na stat long pulim ol pipel. Mipela laik traim long ol praimer skul tasol Edukesin Dipatmen long dispela taim i strong tru long tok Inglis. Olsem na ol tisa i prèt na tok nogat," Pater Mihalic i tok.

"I go na namba bilong Wantok Niuspepa em mipela i salim i go antap. Bikos mipela i kisim nau ol ovasis kastoma. Long dispela taim tu, tupela niuspepa long Rabaul na Mosbii egensim mipela,

"Tasol nem bilong Wantok i kamap bikpela wantaim helpim bilong ol buk stua,

"Long Katolik graun bilong mipela yet, ol misin i no wanbel. Bikos mipela ino stap olsem Katolik niuspepa tasol. Nogat," Pater Mihalic i raitim.

"Mipela i karamapim olgeta kain nius bilong Papua Niugini....tasol wok bilong Sios na Kristen bilip....ol misineri bilong mipela i no luksave long dispela.

"Sapos wanpela pris i apim nem bilong Wantok Niuspepa long peris nius, em nau mipela bai salim moa pepa,

Wanpela samting em i pulim ol rida em Leta i go long Edit apes....ol pipel i laik lukim nem bilong ol i stap long pepa....na long toktok na tingting bi-


long ol i stap long pepa....na long toktok na autim tingting bilong ol... na bihain ol i save wari na belhat long ol narapela i daunim poin bilong ol,

"Mipela i traim long kamapim ol kain kain resis. Tasol bihain liklik, ol pipel i les liklik na mipela i rausim bihain long namba 4 taim. Olgeta lain i laik win....Na taim dispela tingting bilong ol ino karim kaikai, ol i givap. Hevi i kamap long ol lain longwe olsem Bogenvil husat i stap insait tu long resis,

"Mipela i no putim tumas wol nius insait long dispela taim. Pepa i save pinis harim long wanem provins i gat planti nius insait long pepa. Mipela i no gat ol nius ripot long ol provins o ol narapela lain i wok long mipela,

"Planti taim mipela save tanim nius bilong Post Courier long Inglis igo long Tok Pisin. Bikos mipela save kamap long olgeta foitnait na i no save kisim strongpela nius,


■ Igo moa long pes 8



Jacinta Jongon i taipim stori bilong Wantok na bebi bilong em i slip isi i stap. Em wanpela fes meri long wok long taipim ol stori we i save kamap insait long Wantok long 1970.



Histori piksa



Ol nambawan edvataismen long Wantok Niuspepa

OL LAIN husat i bin putim nambawan edvataismen long *Wantok Niuspepa* em TAA (Trans Australia Airlines), Tangmow, Wewak Pharmacy, Breckwodlt, Wirui Pres, Wirui Store, Edwards Dunlop bilong Brisbane, Canvas na Cordage bilong Rabaul.

Wantok i bin prinim nambawan 2,000 kopi. Na prais bilong pepa long dispela taim em 10 sents long wanpela.

Na long amamasim dispela nambawan pepa, bikpela bung i bin kamap long 5 Ogas long 10-kilok long moning.

Spika bilong Haus ov Asembli long dispela taim, Sir John Guise i bin kamap long dispela seremoni long Wewak. Em i bin kisim balus long Mosbi na go long Wewak. Dispela bung long tingting bilong em bai stap olsem wanpela bikpela stori bilong bipo.

Bisop long dispela taim, Leo Arkfeld i bin blesim Wirui Press bilong em na ol ofis long narapela sait. Ol lain husat i bin kamap long dispela taim em lokal gavman ofisa, Pater Frank Mihalic, edita Ray Goodey na



meri bilong em na ol 6-pela wokman meri bilong niuspepa.

Wanpela grup skul meri bilong Yarapos Haikul i bin kamap na kisim sans long lukluk raun long opis. Nogat wanpela bikpela tok-save o nius i bin kamap igo long pes 10 na long pes 3 bung bilong makim namba wan *Wantok Niuspepa*. Lokal redio stesin tasol long Is Sepik provins i bin putim liklik stori long nius. Olgeta narapela niuspepa i ting dispela samting i no bikpela na bai nogat nem.




BISHOP BROTHERS
everything for industry...


EMAIL: sales@bishopros.com.pg

WEBSITE: www.bishopros.com.pg

1970 - 2010
- Niuspepa Bilong Yumi PNG Stret -



Namba wan tok ples bilong yumi



TOK Pisin, namba wan bikpela tok ples bilong yumi Papua Niugini, em i no tok ples bilong pairap long maus tasol. Nogat. Em i wanpela tokples bilong yumi, we i gat stail na we bilong raitim.

I nogat planti arapela tok ples long PNG i gat dispela kain stori bilong en. Na i nogat narapela niuspepa long kantri bilong yumi i save raitim nius long tok pisin. Em *Wantok Niuspepa* tasol.

Mi bin save long Wantok Niuspepa taim mi bin wanpela liklik mangi yet. Mi bin skul long Kavieng, na papa bilong mi i save oltaim baim Times of PNG Niuspepa. Dispela niuspepa i bin namba wan tok inglis wikli niuspepa, o niuspepa i save kamaut olgeta wik.

Wanpela taim papa bilong mi bin go painim Times of PNG Niuspepa na em baim tu Wantok Niuspepa. Dispela tupela niuspepa em kampani Word Publishing Company Ltd i save prinim.

Taim em i karim i kam long haus, mi bin ritim, na luksave olsem i gat niuspepa ol i raitim long tok pisin. Mi bin laki tru, bikos olgeta apinun, mi save raun i go long stua we papa i lukautim, na mi save raun na stori wantaim ol kago boi bilong stua. Planti long ol dispela man em ol man Sepik. Na ol i no save long tok inglis. Ol i save tok pisin tasol.

Stori wantaim ol dispela ol man Sepik i halivim mi long lainim kwik tok pisin.

Tasol, mi no bin ting olsem wanpela de, bai mi raitim stori long dispela niuspepa.

Taim mi bin skul jenalis o niusman long Divain Wod Institut, mipela i bin kisim skul long raitim tok pisin aninit long skul na lukaut bilong Pater Frank Mihalic yet.

Wanpela toktok Pater Mihalic i bin tokim mipela oltaim, em olsem: "Maski i gat bikpela toktok i stap, taim dispela bikpela toktok i kam long tok pisin, i gat rot i stap long sotim na tok klia gut long en."

Tude, 40 krismas bihain long namba wan kopi bilong Wantok Niuspepa i kamaut long Wirui pres long Wewak, tok pisin i no moa tokples bilong ol Tolai o Sepik tasol.

Toktok i kam long nau Edita bilong Wantok, NEVILLE CHOI



2010 Wantok Tim wantaim NCD Gavana, Powes Parkop long namel

Nogat. Tude, tok pisin em i tok ples bilong olgeta manmeri long PNG.

Maski yu bilong Hailans, Momase, Niugini Ailans o Sauten rijen, yu bai save long tokples bilong yu strét, na namba tu tokples em tok pisin. Tasol tokples yu bai tromoi long manmeri bilong narapela ples, i no tok ples bilong yu, nogat. Em bai yu tromoi tok pisin yet.

Wankain olsem olgeta arapela tokples long wol, Tok Pisin, i no save stap wankain tasol. Em i wok senis.

Sampela tok bilong tok pisin we ol tumbuna bilong yumi i bin klia long en, na i bin yusim long toktok, tude, ol yangpela bai paol long en.

I gat planti ol samting na toktok we nau i kamap bihainim ol nupela samting, yumi olsem kantri i wok painimaut o kisim long ol arapela kantri long wol.

Ol kain samting olsem ol toktok bilong kompyuta, o ol arapela nupela teknoloji o masin save, em bipo, yumi no save long en, nau i gat nem long tok pisin tu.

Wantaim olgeta ol dispela senis, *Wantok Niuspepa* i stap yet. Em i stap olsem skul bilong ol lain manmeri bilong yumi long kantri husat i no save tumas long tok inglis o ol nem bilong samting long tok inglis.

Insait long 40 krismas, em i stap, Wantok i wok long skulim ol grasruts manmeri long ol nupela developmen o samting i kamap long yumi PNG olsem kantri, na yumi PNG olsem ol wanwan manmeri.

Mipela long Wantok i wok long karim yet nius i go aut long olgeta hap long kantri.

40 krismas, em i no sotpela taim bilong givim nius long pipel na kantri. Insait long dispela taim,

Wantok Niuspepa i bin ripotim planti samting i bin senisim kantri, long tokples yumi olgeta i save long en.



Long taim kantri i kisim indipendens, i kam long ol bikpela hevi na birua i kamap long ol pipel bilong

yumi, na i kam inap long Katolik Sios i makim nupela Pop, *Wantok Niuspepa* i stap.

Ol i save tok olsem tok inglis em i tokples bilong wok bisnis, na tokpisin em i tokples bilong ol kago boi.

Tude, dispela hap tok i nogat moa. Tok pisin nau em i kamap tokples bilong nius, bilong wok bisnis, bilong lotu na bilong skul. Em i tokples bilong Papua Niugini, na em i tokples bilong Wantok Niuspepa.

THE BEST SPORTING BRANDS ARE ALL UNDER ONE ROOF



Home of the champions

Brian Bell *Shop with a friend*



- PLAZA 325 5411 □ TOPTOWN 479 1918
- HOMECENTRE-POM 325 8469 □ MADANG 422 1899
- HOMECENTRE-LAE 472 3200 □ KOKOPO 982 9027
- GOROKA 532 1622 □ MT HAGEN 542 1999

TRADE ENQUIRIES WELCOME
Email: bbsales@brianbell.com.pg

1970 - 2010

- Niuspepa Bilong Yumi PNG Stret -



Mihalic bringim save long kirapim niuspepa

■ Ikam long pes 5

Strongpela nius bai luk lapun taim em i kamap long hap em i laik sutim bel bilong ol pipel long en. Wanem samting mipela i save mekim long dispela taim em long tainim strongpela nius igo long Tok Pisin wanem kain provinsal na nesenel nius em i gutpela na mipela i ting ol Tok Pisin rida i no save yet long en.

Wanpela gutpela ples tru bilong mipela long kisim ol Gavman na ovasis nius em long Gavman opis bilong Infomesin na Ekstensin Sevis (DIES). Na mipela helpim ol long autim nius bilong ol igo long pablik. Olsem na ol i save givim mipela planti kopi na mekim ol wok isi liklik.

Long dispela taim tu, lo bilong Pos Opis na takis blong prinim ol samting i antap moa. Olsem na mipela i traim long tanim tingting bilong ol politisen

long senisim dispela lo. Tasol dispela ino kamap. Bikos em i no bagarapim ol pipel na waneim ol lain insait long kantri. Hevi bilong Post Courier na *Wantok Niuspepa* tasol. Olsem na taim Sir Julius Chan i kamap Fainens Minista, em i givim sampela tausen Kina long helpim mipela long salim niuspepa i go long rurel eria. Bikos dispela ol lain pipel i mas save long wanem senis na ol bikipela samting i kamap long kantri.

Long nambawan taim, i hat liklik long kisim ol edvataismen. Bikos mipela i no salim inap pepa. Na tu planti bisnis i stap long han bilong ol waitman na ol i no save long ritim Tok Pisin. Sampela long ol tu i no laikim tumas dispela bilong ol bikipela kampani olsem BP na Steamships kampani na ol liklik han bisnis bilong ol i gat tingting olsem ol lain husat i save ritim Tok Pisin.



Pater Mihalic wantaim ol wok manmeri long 1976

bai i no gat inap mani long baim ol bikipela masin na kago, kar na ol trak em ol i putim long edvataismen. Maski mipela i tokaut long givim fri sevis long tanim

toktok. Long dispela taim wanpela misin woka bilong Australia i bin lukautim edvataismen wok bilong pepa. Na em i save mekim

ol dispela wok long Wewak yet. Em i no save long wanem samting i kamap long hetkwata long Mosbi.


“Mi ken tingim yet taim edvetaising menesa bilong Singer masin bilong samapim klos i save kisim balus long Melbon na flai i kam long Mosbi olgeta yia long baim hap spes long putim edvataismen long olgeta yia. Mipela bai sindaun na tanim ol toktok i go long Tok Pisin.

Dispela edvataising menesa bilong Singer masin bilong samapim klos i tokaut olsem *Wantok Niuspepa* save helpim em tru long salim ol masin bilong kampani. Isi isi, ol lain bilong gavman i stat long putim edvataismen bilong ol. Planti save kam long lain bilong Kot long toktok long senis long lo we ol i laikim ol pablik mas save. Mipela laik traim tok save long ol lida olsem bikipela namba bilong ol pipel long Papua


Niugini long dispela taim ino save ritim samting long Inglis. Na sapos ol i laikim pipel long luksave i kamap long kantri, wanpela niuspepa long mekim dispela kain wok em *Wantok Niuspepa*. Tasol, long dispela taim planti opisa na bikman i bosim ol opis em ol waitman na planti Papua em ol waitman i skulim ol. Olsem na ol i tingting planti tumas.

Wantok Niuspepa i soim kala stret long namba wan ileksin

Namba wan taim tru planti lain i luksave nau long helpim *Wantok Niuspepa* em long taim bilong ileksin. Em nau, olgeta kendiket bilong Niugini sait i laik grisim ol pipel. Na ol i mekim dispela, ol i sutim bel bilong ol pipel long tokples em ol pipel yet i ken ritim gut tru na save long en. Olgeta i stat ron i kam long *Wantok Niuspepa*. Na mipela i tainim ol toktok bilong ol i go long Tok Pisin.



NATIONAL HEART FOUNDATION OF PNG INC



- Klin na gutpela ples long Wok Ples em bikipela het-tok insait long dispela kempein
- Wantaim liklik senis i kamap long logo o sain, mipela ken tokaut strong tru long wanem mak bilong mipela

■ Na amamasim 10 Yia wantaim dispela ol tingting:

- 10-pela Rot long Helt bilong Hat
- Bilong wanem na yu wok wantaim ❤️ ?
- Givim Prais long ❤️ bilong yu
- 10-pela Yia long ❤️ wok
- Bringim ❤️ i go long wok

Kamapim gutpela wok plen

WHD 2010 TOKSAVE

Long stopim gut na kontrolim sik bilong hat na strok, long ol wok-ples

Ol Employa	Ol Wokman meri na jeneral pablik	Stekholda (HCP na ol lain bilong mekim polisi)
<p>Kamapim gutpela samting long Wok-ples na helpim ol wokman meri long mekim gutpela wok.</p> <p>■ Gutpela CSR</p> <p>■ HSE reg</p>	<p>Insait long dispela Wol Hat De stat long bihainim ol simpel rot long daunim ol poret we save kam wantaim sik bilong hat na strok</p>	<p>Makim 10-pela yia bilong gutpela wok kamap long helt bilong hat long mekim Wok-ples i stap gut na givim moa wok long sait bilong stopim CVD long kamap</p>


Lukluk bilong mipela em long ol pipel long olgeta hap long Wol long I gat moa longpela na gutpela laip taim ol I stopim na kontrol sik long hat na strok long kamap

Motivesin save kirapim bel bilong ol pipel long mekim samting. Long dispela yia ol i lain wokim kamap **Wok wantaim Hat** tingting, na long salensim ol pipel long tingting long wanem samting save kirapim bel na tingting bilong ol long mekim wok.

Long planti taim ol pipel save putim 'hat' bilong ol i go insait long wok bilong ol, ol i save wok long stap laip....wanem samting ol i laikim long **wan wan laip** bilong ol na samting ol i laikim tumas na dispela samting save **kirapim bel na tingting** bilong ol long wok.


Taim yu go insait long wanem samting ol i save laikim tumas, mipela i lukluk long **kirapim bel na tingting bilong ol pipel long stap helti** na ol i mekim wanem samting ol i laikim tru longpela taim....

Dispela yia long Wol Hat De, mipela askim yumi olgeta wan wan long tok olsem: **Mi Wok wantaim Hat**



WOL HAT FEDERESIN

Bung wantaim olgeta lain long wol long paitim ol birua bilong sik bilong hat na strok



Advertising sustains Wantok operation

Wantok bai wok strong yet


Toktok i kam long Advataisin Menesa; Kevin Dauda

IT may not be general knowledge to many readers that the revenue any newspaper company generates to sustain its operations comes from two main income streams, circulation and advertising sales.

Wantok Niuspepa is no exception, however, the only difference is that here, advertising sales single-handedly accounts for almost a good 50-60% of its revenue with the balance subsidized by donations from overseas church partners mainly in Germany.

Circulation sales is minimal as up to 40% of the total print run is distributed free using the share-holder churches extensive network throughout the country.

Selling advertising space for *Wantok Niuspepa* has always been challenging. Perceptions do influence buying decisions and many a potential advertising clients perceive that since they rarely see the paper, it is not read widely enough. Hence, they do not fully grasp the im-



portance of advertising in *Wantok Niuspepa*.

Hardly does it ever occur to them that perhaps they do not see the paper as they are actually not the targeted readership!

Therein lies the challenge for our advertising sales personnel to convince potential advertisers that the paper is not a mass circulated publication but rather a newspaper that is directly targeting a niche readership base, the grassroots to middle income earners.

This is the largest market in the country and some of our

valued advertisers have discovered that and have stuck by the paper since the beginning to target *Wantok Niuspepa*'s huge readership.

On the occasion of our 40th anniversary, I wish to extend our sincere appreciation to our clients especially our long term advertisers who have and continue to advertise in *Wantok Niuspepa*.

Also to our valued readers we extend our gratitude and encourage you to keep on reading *Wantok Niuspepa*. Tok Pisin is a vibrant and progressive language and is part of our identity as a nation. *Wantok Niuspepa* endeavors to be the custodian of this popular language.

Lastly, I pay tribute to the past and present staff members especially in the advertising department who have and continue to strive to sell the paper. For those who have been in the 'A' Team of Word Publishing Company would know that this is where the 'real selling' takes place.


Toktok i kam long General Menesa; Elizabeth Konga

MUN Ogas i makim bikpela de long laip bilong *Wantok Niuspepa*. Long 40 yia i go pinis long Ogas 5, 1970 namba wan isu i bin prin na luk olsem dispel pepa i go strong moa yet. Olsem na mipela ol wok lain i amamas tru long stap long dispela spesiol taim long laip bilong *Wantok Niuspepa*.

Mipela luksave long bikpela wok *Wantok Niuspepa* i mekim insait long 40 yia laip bilong em. Long taim bipo planti manmeri i no save long rit na rait yet long tok Inglis, *Wantok* i helpim ol dispela man na meri long rit long Tok Pisin. Nau planti senis i kamap long kantri na stail bilong Tok Pisin tu i wok long senis. *Wantok Niuspepa* bilong tude tu i bihainim ol dispel senis. Em i wanpela bikpela salens na mipela ol wok lain i wok hat tru long sambai long dispela ol senis.

Mipela i gat bikpela bilip long wok dispela niuspepa na mama kampani, Word Publishing i mekim long strongim luksave bilong *Tok Pisin* olsem nambawan tokples bilong PNG.

Stail bilong raitim stori long dispela niuspepa em i no



wankain olsem ol narapela niuspepa, nogat, em i gat stail bilong em yet long strongim Mission Statement bilong kampani, long lukim sindaun bilong ol man i kamap gutpela, long wok bung wantaim, strongim kristen bilip na helpim wanpela narapela na stongim stretpela pasin long kamapim gutplea PNG.

Olsem na mipela ol wok lain i amamas long wok wantaim *Wantok Niuspepa* long supotim gutpela wok bilong em long dispela gutpela kantri bilong yumi. Maski planti hevi i stap, bai mipela wok strong yet.

A newspaper with deep Christian values

FIRST of all I would like to congratulate *WANTOK NIUSPEPA*, all its staff, past and present, for faithfully bringing it to print for these past forty years. I have been aware of its struggles during those years, and the generous support it received, both locally and from overseas, to continue its endeavours. The main aim of the paper was to tell the stories of the grass root people and also to inform the grass root people about the rest of the world. While it was started by Fr. Frank Mihalic SVD, a priest of the Catholic Church, it did not take long before the other three churches joined the Board of management, and thus it became the combined effort of the Lutheran, Anglican, United and Catholic churches. It was not meant to be a specifically church news paper, but rather a news paper with deep Christian values. It did not promote or want to advertise anything that would harm or endanger the cultural and family values of the people.



Pater Nick kisim luksave piksa presen long Ms Konga

I think that the editors and journalists and all staff have done this faithfully.

I have been closely associated for the past ten years with the Board and management of Word Publishing Company as chairman of the Board. It has been my privilege to see the Company start again in the present loca-

tion on Waigani Drive, after the attempted and partially successful, burning of the Word Publishing main office in 2003 ?? More than half the library was burned; over two dozen computers were burned; most of the backup material was destroyed. It was an uphill battle to continue. But continue we did and even in that

week of the fire, with the front page of the *WANTOK* showing the results of the fire, the paper continued to be printed with the generous help of The NATIONAL.

Another point of pride has been the complete localisation of all the staff of Word Publishing. It has been a joy to see these professional men and

women from various parts of PNG, work together as a team, week after week to produce the *WANTOK* news paper in the format and style it is today.

There is also the recognition that the *WANTOK* news paper was often the foundation or starting point for many of the other news paper journalists working for the other local news papers.

The challenge for *WANTOK* continues be, to tell of the good things that happen in PNG and the world; to tell of the needs of the marginalised and the people who have no voice; to seek justice and honesty in all human relations, be they Government or Business, Church or Family.

Again, I want to congratulate and thank all of the staff of *WANTOK* and hope that they will continue to improve and promote the work of *Word Publishing*.

Fr. Nick de Groot SVD
(Former Chairman)

The
National

star
printers

We

Congratulate

the Management

and Staff of

Wantok Niuspepa on their

40th

Anniversary

and wish them continued

Success





Wanem kain Tok Pisin tru Wantok yusim?

...Mihalic givim histori

James Kila i raitim

KAIN kain ol toktok save kamap long wanem kain Tok Pisin tru Wantok Niuspepa save yusim.

Ol rida long Papua Niugini i save rait yet na tok, "Olsem wanem na Wantok i save spelim o raitim olsem?. Mipela i no save raitim o Tok Pisin olsem. Ol i tok tru, na Wantok tu i tok tru.

Hia em Pater Frank Mihalic, SVD i bin tok-klia long as tingting bilong Wantok i yusim na bihainim wanem Tok Pisin.

Mi yet mi bin intaviu o toktok wantaim Pater Mihalic long 1995 na em i givim mi stori long wanem Tok Pisin ol i kamap wantaim long yusim long Wantok Niuspepa na tu long raitim wanpela diksineri long yusim, long raitim save long mining bilong wod long Tok Pisin na tu long raitim.

Pater Mihalic i tok olsem long olgeta kantri we i gat niuspepa, ol toktok o wod long pepa i save narakain liklik long ol dispela we ol manmeri save toktok long strit.


Planti bilong mipela pastaim tru lain long tok-ples bilong mipela. Dispela i klia olsem mipela save yusim ol kain toktok na wei bilong toktok na wei bilong toktok i gutpela long eria bilong mipela. Dispela i ken senis liklik taim mipela i stat long go raun long narapela ples long kantri. Mipela i stat long kisim na bihainim ol toktok bilong ol. Taim mipela i go longwe tru, planti bilong mipela i lusim ol kain ol toktok bilong mipela.

Dispela kain hevi i stap long planti kantri long wol. Sampela kantri i ken gat planti tok-ples we i narapela liklik long narapela tok-ples bilong ol yet. Tasol ol i bilong wanpela mama tok-ples. Sampela long ol dispela kain kantri em Inglen, Jemani na Itali.

Planti handret yia i go pinis taim niuspepa i kamap, planti ol kantri i bin tingting long makim wanpela tok-ples o opis tok. Ol i laik kisim olsem wanpela "tok-ples" na olgeta narapela tok-ples i ken bung wantaim na toktok. Dispela wanpela "antap tok-ples" em planti ovasis man i lainim. Planti ol spelling bilong dispela tok-ples i bihainim dispela tok-ples.

Nau dispela wankain samting i kamap taim ol i tingting long spelim "Tok Pisin" bilong nau.

Long 1956 Minista bilong Edukesin Dr. W.C. Groves i tingting long stretim ol 11-pela kain wei bilong spelim Tok Pisin (TP) bikos ol dispela wod save paulim planti lain long rot bilong raitim. Olsem na ol i makim wanpela saveman bilong tok-ples Mista Tom Dietz na Dokta Louis Luz-



Leit Pater Frank Mihalic, SVD

betak, SVD, long bungim wanpela rot o lis bilong spelim ol wod long Tok Pisin. Ol i karimaut wanpela wok painimaut long ol eria bilong Tok Pisin stat long Vanimo i go long Lae. Dispela ol eria i asples we ol i bai spelim ol toktok long Tok Pisin. Ol i kirap tu na makim ol wan wan leta bilong alphabet na saun bilong leta na mekim ol kain senis olsem ol Rabaul i save yusim "p" long "f" long ol wod olsem "longpela".

Kanbera na Mosbi i putim long buk olsem Dietz/Luzbetak spelling i kamap ofisal long kantri. Tasol planti manmeri i no luksave long dispela.

Nambawan buk we i bihainim dispela nupela kain wei bilong spelling em *Grama na Diksineri bilong Neo Melanesia*. Narapela nambawan buk bilong kantri em "Nupela Testamen" we i bin kamap long Feburari 1969. Na long Ogas 5, 1970 *Wantok Niuspepa* i bin stat. Long taim em i stat em i yusim wanpela rul i kam inap nau.

Taim Wantok i bin stat, i bin gat kain samting olsem 500,000 ol lain husat i save long Tok Pisin long PNG.

Nau yet Tok Pisin i kamap bikpela tru long PNG. Nau yet planti pipel long Mosbi (ples bilong Hiri Motu) i save long Tok Pisin. Na Tok Pisin tu i winim namba bilong ol lain husat i save yusim tokples bilong ol yet.

Long olgeta bikpela taun long kantri Tok Pisin i wok long senis, dispela i min olsem em i no moa namba tu "tokples" tru bilong ol. Dispela i wankain tu long ol planti tausen pikinini mama i karim ol long ol bikpela taun long kantri.

Tenkyu long redio, Tok Pisin i kamap bikpela long wei bilong toktok bilong en hariap tru long wanem nau yumi save kolim *Waigani Pisin*. Taim imejensi ripot bilong maunten paia long Rabaul i kamap long Kalang FM Redio Sevis long toktok so bilong ol, em i gutpela tru. Yu ken



Ol lain ya i glasim ol stori long Wantok Niuspepa

harim ol Tok Pisin we i bin kamap gut tru bikos ol lain i toktok i mekim gut tru. Ol lain anaunsa olsem Roger Hauofa tu bilong Papua sait i toktok gut tru. Long bipo dispela toktok em i olsem politikal kaukau long Papua. Nau yet dispela em i nogat. Nogat sori long wanem hap em i stap.

Wanem yumi mas save long husat saveman long lukautim Wantok taim em i kamap i go.

Pater Mihalic i givim salens olsem inap long Wantok husat i save prinim moa Tok Pisin long ol narapela niuspepa i statim wanpela kain hauswok long kisim ol nupela kain Tok Pisin we i save kamap olgeta de. i gutpela tu long edita i mas statim wanpela kolom long olgeta wik long kisim ol nupela wod o toktok long Tok Pisin we i kamap.




Happy 40th Anniversary

Congratulations!



WANTOK


Niuspepa bilong yumi ol PNG stret

Electoral Commissioner Andrew S. Trawen, CMG, MBE on behalf of the staff & management of the PNG Electoral Commission congratulates WANTOK NIUSPEPA and parent company WORD PUBLISHING for achieving 40 years of publication in PNG.

From humble beginnings at Wirui in Wewak under the late Fr. Frank Mihalic prior to independence, you grew with the nation to become one of Papua New Guinea's vibrant media organizations.

Congratulations!

ANDREW S. TRAWEN, CMG, MBE
ELECTORAL COMMISSIONER



Biliso gat bikpela han-mak

.....em skulim Jada long dro

JAMES KILA i raitim

TORO na Biabia em tupela biknem fani-man planti pipel long PNG save lukim piksa na stori bilong ol Wantok Niuspepa.

Long makim 40 Krismas bilong Wantok Niuspepa, mipela amamas long tokaut long man husat i kamapim na putim bikpela pes bilong Toro insait long pepa. Man ya em bik nem atis o katunis bilong Papua Niugini, Biliso Osake.

Biliso em bilong ples Finintigu long Henganofi distrik long Isten Hailans provins. Man ya save go pas tru long droim planti ol piksa insait long Wantok long sait bilong tumbuna stori, katun na mekim leiaut bilong pepa long bipo. Yes, em tru olsem Biliso i gat bikpela han-mak long Wantok Niuspepa.

Nau yet em i wok olsem wanpela misineri bilong wanpela Pentekostal sios, tasol em i save givim tingting bilong em yet long sampela komentari long The National niuspepa long wan wan wik.

I bin gat sampela ol narapela fani man i kamap tu long pepa olsem Rebo na bihain Kanage, tasol tupela bikpela pes long Tambu Toro na Biabia i stap strong yet long bipo yet i kam inap nau.

Biliso yet i kamapim dispela man Toro na Biabia, bihain long Pater Frank Mihalic i askim em long kamapim wanpela seksin o strip long pepa long ol pipel i ken ritim na amamas na tu promotim Wantok Niuspepa.

Biliso tokaut olsem long pas-taim ol save putim planti stori bilong Tambu Toro wantaim meri bilong em Kole. Yes, Tambu Toro i senisim nem bilong em nau i go Toro. Meri bilong em Kole i stap yet tasol em save kamap wan wan taim tasol long stori bilong Toro. Em mas bisi long lukautim haus kuk na ol pikinini bilong tupela.

Narapela katunis husat i gohet long strongim nem bilong Toro na Biabia long nau yet em Jada Wilson, nau em long-taim katunis insait long Wantok Niuspepa.

Insait long dispela 40 yia Anivesari bilong Wantok Niuspepa, mipela i amamas tru long bungim dispela tupela atis o katunis long kisim stori bilong ol.

Biliso em lapun bilong droim ol katun na tu em wanpela man husat i givim skul long Jada Wilson long droim ol piksa long nius-



Wilson Jada i sanap long lephan wantaim Toro long namel na man i lainim em long dro Biliso Osake.

Poto: James Kila

Wanpela edvataismen Biliso i wokim long 1980 we i ron long susa megesin New Nation.

Wanpela katun bilong Jada Wilson.

pepa.

Biliso i stori olsem tingting long kamapim dispela fani PNG man wantaim longpela gras i bin kamap long 1978. Tasol dispela ol piksa i bin stap long kamap insait long niuspepa long 1980 bihain long ol atis i droim na redim spes insait long pepa.

Biliso i tok olsem as-tingting bilong kamap waftaim kain fani katun long niuspepa em long mekim ol lokal lain long PNG i ken amamas na kisim gutpela tingting na tu long sait long promotim pepa na moa lain i ken baim Wantok.

"Planti taim wei yumi ol PNG save filim olsem fani i narakain liklik long wei ol waitman meri i save lukim,

"Olsem na taim mipela i toktok wantaim Pater Frank Mihalic em i tok-orait long dispela na mipela i kamap wantaim dispela nem Tambu Toro olsem katun long Wantok," Biliso i tok.

Biliso yet em man husat i trenim o skulim Wilson Jada, yangpela man bipo em Biliso save kolim em "Wils" long droim ol katun long niuspepa.

Biliso i stori olsem long taim em i stap olsem sinia atis na katunis long Wantok, narapela megasin tu i bin kamap em New Nation, na dispela i min olsem em i gat planti moa wok long mekim.

"Mipela i putim wanpela edvataismen long kisim wanpela atis o katunis long kam wok wantaim mipela long Wantok. Long dispela taim planti lain tru i putim aplikesin bilong ol,


"Sampela ol dispela lain em ol

lain long teknikal koles na Nesinol Ats Skul. Tasol mipela i glasim i go na mipela i laik traime o givim tes long husat tru i ken dro gut tru,

Long dispela taim long namel long 1970s i lukim Wilson Jada i bin stap long Boys Town long Wewak, wanpela kalabus bilong ol yangpela man, husat krismas bilong ol i stap daunbilo. Long taim em i stap long banis kalabus em save dro gut tru. Pater William Liebert, husat i save lukautim Boys Town i luksave long Wilson Jada na save givim em pepa na kala pensil na tokim em long dro....dro na dro yet.

Taim em i pinisim taim long Boys Town long Wewak, Jada i go bek long Mosbi, tasol Pater William Liebert i salim tok i go long Pater Frank Mihalic long putim ai long dispela yangpela man bilong Rigo, Sentral provins.

Taim em i go stap sotpela taim long Mosbi, Wantok i salim tok na em i go lukim ol. Biliso i stori moa long dispela taim em i bungim



Jada. "Long dispela taim mama bilong Wilson i karim em i kam na mi givim em pepa na tokim em long go dro na karim piksa i kam na mi lukim bihain," Biliso i tok. Namel long planti ol lain husat i aplai long wok long Wantok, Wilson Jada i opim ai stret bilong Biliso na ol i kisim em long droim ol katun. "Planti ol lain husat i aplai em mi givim ol pepa long go droim ol piksa na karim i kam, tasol taim mi glasim na skelim ol samting ol i droim, mi no amamas tumas. Piksa Wilson i droim em smat na mi amamas na tokim em long kam wok wantaim mi," Biliso i tok. Wilson Jada, o nau em yet i laik kolim nem bilong em Jada Wilson i tokaut olsem em i lainim planti samting tru long Biliso. "Yes, Biliso i lainim mi long planti samting. Ol samting olsem perspective na ol lainim na ol narapela stail em Biliso yet i

skulim mi," Jada i tok. Nau yet Jada Wilson, em dispela nem stail man bilong Rigo save yusim i wok longpela taim tru. Em i wok moa long 30 krismas na winim long-sevis pinis wantaim Word Publishing Kampani. Jada i winim planti awot na tu em i gohet het long droim ol piksa olsem Toro, Biabia na Kanage long Wantok Niuspepa. Em wanpela fani man tu na kain fani bilong em bai yu ken lukim stret long ol piksa em i droim long niuspepa. Biliso wantaim liklik rat Biliso i stori olsem em i kamap wantaim tingting long putim sain o mak bilong em wantaim wanpela liklik rat i hait long sait. Em i kamap wantaim dispela tingting bihain long em i save lukim ol sampela katun em ol ovasis atis o katun i save kamapim we ol i save yusim ol enimol olsem sain o mak bilong ol.



Sir Michael Somare laikim Wantok

LONG taim kabinet i bin bung long Wewak long 1975, *Wantok* i bin askim ol minista long tingting bilong ol.

Olgeta minista wan wan i amamas tru long Wantok Niuspepa na wok em i mekim. Ol yet save kisim olgeta taim na ritim. Na ol minista bilong Papua sait tu save ritim.

Mista Somare (nau Prait Minista Gren Sif Sir Michael Somare) i tok, olgeta taim em na meri bilong em Veronika i save sindaun ridim olgeta pes bilong pepa. Na em i amamas wantaim ol minista long gutpela pasin bilong Wantok long ripotim olgeta tok na wok bilong gavman stret.

Sir Michael i toke m i laikim WANTOK moa olsem Post Courier. Em i tok em i laikim olsem dispeal niuspela i mas kamap long han bilong olgeta manmeri bilong Papua Niugini. Em i toke m i bin tok long ol hetman bilong dipatmen bilong Edukesin em laikim tumas bai ol i mas helpim na moa skul tisa bai baim *Wantok Niuspepa*.

Na tu, em i tok, em i gutpela samting tru ol laibreri bilong wan wan skul i mas gat dispela Wantok Buk i stap bai ol


sumatin i ken ridim ol nius bilong ol yia i go pinis, na ol stori bilong tumbuna na ol tingting bilong ol narapela man i sta long ol pas i kam long edita.

Wantok Niuspepa i bin askim tu Dokta Reuben Taureka, em Minista bilong Edukesin. Maski em i bilong Papua, em i toke m tu i laik bai olgeta skul mas gat *Wantok Niuspepa*. Em i laikim Wantok long wanem i gat gutpela toksave na nius insait long en. Na i gat tu gutpela skul long ol kain save i ken helpim ol manmeri long skul.

Dokta Taureka i tok amamas long ol lain long Wantok olsem: Yupela i bin mekim gutpela wok tru long skulim ol pipel long ples. Arapela niuspela i ting tasol long ol saveman. Yupela long Wantok i helpim ol liklik man na ol man long ples long olkain poto na stori inap long save bilong ol.

Sir Paul Lapun i kam lukim olgeta ofis na woksap bilong Wantok Niupela.


Ol wan wan minista i laikim tumas Wantok Buk. Na Sir Maori Kiku i kisim 10-pela pepa olgeta long karim i go soim ol lain long Saina. Em i tok Wantok i gutpela eksampel long ol.



Sir Michael in sindaun kisim win long haus bilong em long Wewak na ritim *Wantok Niuspepa* wantaim liklik Bertha.

Somare famili (rait)

Lady Veronica wantaim liklik Dulciana



Tupex Jery, man save hatwok long bringim *Wantok Niuspepa* i go aut long strit long Mosbi na tu bringim long ples balus long go aut long ol senta long PNG.



Anna givim long taim sevis long Wantok Niuspepa

WANPELA de long yia 1970, mipela ol skul meri long Yarpas Haiskul i bin go singsing kwaia long taim bilong opim Wantok Niuspepa long Wirui.

Mi bin gat 15 krismas na long dispela de, Ogas 5, 1970 long taim mi sanap singsing long skul kwaia mi no save olsem laip bilong mi bai pas wantaim dispela niuspepa inap moa long 23 yia.

Long taim mi go holide long ples, mi save bihainim mama i go long Wewak maket long Sarere moning. Na taim mipela sindaun long maket i stap bai mipela lukim Pater Frank Mihalic i raun nabaut na kisim poto long putim long niuspepa. Bihain long maket sapos mama i gat inap mani, bai em i baim Wantok long 10 sens. Na long nait taim olgeta wok i pinis, bai em i sindaun ritim dispela 16 pes niuspepa. Husat i stap klostu bai harim em i rit i stap. Ol lain long ples tu i save olsem ol i ken painim Wantok long haus bilong mama bilong mi. Wantok i save kamap long wan wan foitnait



Anna Solomon i ritim Wantok Niuspepa long las de bilong em long Julai 2002.

olsem na i longpela taim long mama na ol narapela lain long ples tu i ritim.

Long 1972, mi go skul long Sogeri Nesanel Haiskul na tupela Inglis tisa bilong mi em ol Divain Wod Misineri (SVD) pater, Kevin Walcot na Jim Henry.

Taim Kevin Walcot i lusim Sogeri long 1974, ol i askim em long bosim opis bilong Wantok long Mosbi.

Mi go skul long yunivesti na oltaim Pater Walcot i save kam painim mi na grisim mi long kam wok long Wantok bihain long mi pinisim skul.

Tasol mi marit na lusim skul. Bihain long tupela pikinini mi go bek pinisim skul na greduet na mi stat wok ripota long Wantok Niuspepa long Novemba 1979.

Mi wok long Wantok inap long Julai 31, 2002 na mi lusim. Planti senis i kamap na mi pilim olsem mi givim inap taim long laip bilong mi long wok bilong niuspepa. Ol yangpela i kam bihain i gat moa save na ol gutpela nupela aidia long strongim Wantok na skruim wok bilong niuspepa i go moa yet.

Tude, Ogas 5, 2010, dispela niuspepa bilong yumi ol Papua Niugini stret, i winim 40 yia. Em i longpela taim na i bikpela de bilong amamas wantaim ol wokmanmeri bilong Wantok. Olgeta manmeri husat i bin wok long Wantok i gat stori bilong ol yet. Na bai yumi ritim planti ol dispela stori.

Stori bilong Wantok em i stori bilong ol Bisop bilong Katolik Sios na bilip bilong ol long helpim ol pipel bilong Papua Niugini. Em i stori tu bilong Bisop Leo Arkfeld na ol lain Misineri ov Divain Wod na bikpela wok ol i mekim long kirapim niuspepa long kantri we planti manmeri i no inap ritrait. Em i stori tu bilong ol yangpela Papua Niugini manmeri husat i pinis skul na i kamap edita, ripota, taipseta, kameraman, printa na ol narapela wok insait long niuspepa bisnis. Tude, planti bilong ol i gat nem na namba long ol dispela wok. Stori bilong Wantok em i stori bilong Tok Pisin na man husat i raitim diksineri Fr Frank Mihalic. Stori bilong Wantok, em i stori bilong namba wan taim tru ol Katolik, Angliken, Luteran na Yunaitet Sios i wok bung wantaim long wok komunikesen.

Wantok Niuspepa i kamap long 5 Ogas 1970. Bisop Leo Arkfeld husat i go pas long Komunikesen bilong Bisops Konferens i statim masin bilong printim niuspepa long Wirui Press. Spika bilong Haus ov Asembli John Guise na Distrik Komisina bilong Sepik Tom Hicks i bin stap tu long witnes long dispela bikpela de.

Wanpela man Nu Silan, Ray Goodey i edita bilong niuspepa na Pater Frank Mihalic i jeneral manesa. Ol arapela wokmanmeri em Brian Namiat bilong Torembi, Albert Singer bilong Kairiru. Misis Francie Goody i skulim Cresentia Lementi bilong Mushu Ailan, Maria Kovingre bilong Boikin na Jacinta Jongon bilong Marienberg long yusim ol Olympia lektrik taiprait long taipim ol stori.

Long 1974, Kevin Walcot i wok long opis bilong Melanesian Kaunsil ov Sios long mekim wok bilong kisim Wantok i kam daun long Mosbi. Em i no isi wok. Long 1976

Katolik Bisop Konfrens i tokorait long Wantok i yusim spes long nupela opis bilong ol long Gordon na Wantok i lusim Wewak na i kam long Mosbi. Tasol ol i wok long printim pepa long Wewak na salim i kam bek long Mosbi. Dispela rot i dia tumas na kampani i lusim bikpela mani.

Long taim mi stat wok long Wantok, opis i stap yet long Gordon. Long 1980, ol i sanapim printing pres na opis long Ponciana Strit. Orait nem bilong kampani i senis na kamap Word Publishing. Ol i kirapim tu Inglis niuspepa Times of PNG na kala megesin bilong ol yangpela ol i kolim *New Nation*. Word i karim ol narapela susa niuspepa bilong Wantok - Rugby League News, Moresby Message, PNG Business, Traveller's Times.

Pater Jim Franks i kamap edita long 1978 na Wantok i kamap long wan wan wik. Mi bin wok aninit long Fr Jim na Mihalic. Long 1983 mi kamap edita bilong Wantok inap 1989 mi muv i go lukautim Times of Papua New Guinea.

I tru olsem Wantok i wankain olsem ol narapela niuspepa, tasol em i mekim narapela wok tu. Ol lain husat i mekim wok bilong skulim ol manmeri long rit na rait i save yusim Wantok long helpim wok bilong ol. Narapela bikpela samting tu em kain stail bilong Tok Pisin ol pipel i yusim. Skelim pas i kam long ol rida na wantu yu ken luksave long ol senis i kamap long Tok Pisin.


Tude, Wantok i wanpis niuspepa bilong Word Publishing. Ol narapela susa niuspepa i dai nabaut long rot. Planti senis i kamap na Tok Pisin tu i senis. Luksave long wok bilong Fr Mihalic i stap yet na tripela yia i go pinis, Wantok i poroman wantaim Oxford Press long kamapim liklik poket diksineri ol i kolim Papua New Guinea Tok Pisin English Dictionary.

Yumi amamasim 40 yia bilong Wantok na yumi tok tenkyu tu i go long God Papa long stiaim wok bilong dispela niuspepa i kam inap nau na long bihaintaim tu. Yumi luksave tu long ol lain bilong SVD husat i bin go pas long kirapim wok na ol wokmanmeri bilong ol ovasis kantri husat i kam wok bung wantaim yumi ol pipel bilong Papua Niugini.

Mi waitgras nau na mi gat ol tum-buna. Mi kam stap long ples bilong mi Mengar. Long namba faiv de bilong mun Ogas bai mi raun i go long Wirui long lukim ples we Wantok Niuspepa i bin stat foapela ten yia i go pinis.

Anna Solomon
Julai 2010.

MOALE – SEKETERI WANTAIM PRAIVET KAMPANI	YAKHAM – TISA
<p>HEI YAKHAM! YU AMAMAS TRU LONG WANEM SAMTING?</p> <p>YU LAKI MAN STRET! TASOL MI LAIK SAVE SAPOS NAMBawan SUPER EM BILONG OL GAVMAN WOKMANMERI TASOL O?</p> <p>EM GUTPELA TINGTING. BAI MI TOKTOK LONG EM TUDE</p>	<p>NARAPELA STRONGPELA WIN-MONI GEN I KAM LONG NAMBawan SUPER. DISPELA DABOL NAMBA MAK WIN-MONI I KAMAP SEVEN-PELA TAIM NAU. SUPA SEVINGS BILONG MI I GRO GUT TRU. EM I GRO OLGETA YIA! EM GUTPELA LONG RITAIAMEN SEVINGS, NOGAT BIKPELA TAKIS BAI KAIKAI MONI BILONG MI!</p> <p>NOGAT YA! OL PRAIVET SEKTA KAMPANI NA OL WOKMANMERI BILONG OL I WELKAM TASOL LONG JOINIM NAMBawan SUPA. ASKIM BOS BILONG YU LONG RINGIM OL.</p> <p>Nambawan Super</p> <p>Ringim mipela nau long 309 5311</p> <p>Kam lukim mipela long wanpela ofis o brens bilong mipela o lukim mipela long www.nambawansuper.com.pg</p>



NCD Gavana Parkop i amamas long bungim wanwok bilong em long bipo Jada Wilson. NCD Gavana Parkop wok nius-ripota wantaim Wantok

NCD Gavana Parkop wok nius-ripota wantaim Wantok

James Kila i raitim

GAVANA bilong Nesinol Kapital Distrik (NCD), Powes Parkop i amamas long tokaut olsem em i lainim planti gutpela samting olsem 'wok-kalsa' long taim em i stap olsem nius ripota long Wantok Niuspepa.

Mista Parkop i kisim hambawan wok bilong em bihain long em i pinis skul long Yunivesiti of Papua Niugini (UPNG) wantaim Wantok long 1981.

Pastaim long en, Mista Parkop i bin go kisim wok-ekspiriens long Wantok, na bihain tasol long em i pinis skul em i bin go wok wantaim long Wantok.

Em i stori olsem long taim em stap long haiskul yet, em i gat driman long kamap olsem wanpela loya na tu wanpela jenelis o nius ripota.

Yes, dispela tupela driman bilong em i karim kaikai. Em i wok nius ripota olsem tupela yia wantaim Wantok na bihain em i go bek long UPNG na kisim skul na trening gen long kamap olsem loya, wok nau em i mekim.

Tasol, Mista Parkop i tok em i gat bikpela luksave tru long Wantok na man olsem Pater Jim Franks husat i wanpela hatpela man stret, tasol man husat i skulim em wantaim planti ol narapela nius ripota long sait bilong wok gut o 'wok kalsa'. Dispela em bikpela samting we i helpim Mista Parkop na i bringim em i go kamap nau olsem Gavana bilong bikpela kapitol siti bilong PNG, Pot Mosbi.

Long makim selebresin bilong 40th Anivesari bilong Wantok, Mista Parkop i bin wokabaut isi tasol i go insait long ofis bilong Wantok Niuspepa long sentral Waigani. Olgeta wokman meri na tu ol memba bilong bod bilong Word Publishing Company i gurja tru, tasol dispela lida, husat i save daunim em yet olsem simpol man i lap tasol na amamas long stap insait long dispela liklik seremoni.

Mista Parkop i givim stori bilong em na i apim nem bilong Wantok Niuspepa na tokaut olsem

"Dispela man Pater Jim Franks em wanpela hatpela man tru. Em i no save wok olsem pater, nogat ya. Em save tok strong long mipela long wok gut na mekim samting stret we i bihainim kalsa bilong wok na tu gutpela pasin," Mista Parkop i tok.

"Mi lainim planti ol gutpela pasin long kalsa bilong wok, na bihainim gutpela stail long mekim wok long taim mi stap

wantaim Wantok," Em i tok.

Mista Parkop i amamas long bungim atis Jada Wilson, na tupela i lap na stori long gut-taim bilong ol. Em i stori tu long taim

Wanpela fani stori Mista Parkop i tokaut long en em taim Pater Jim Franks i givim wanpela wok long em wantaim potograpa Ben Kasanda long go kisim stori na piksa long Nesinol Museum. Tupela i go na stap kisim stori na piksa.

"Mipela i pinis wok na kambek long ofis na Pater Jim Franks i askim mipela long soim ol piksa mipela mi kisim. Mipela i tok, 'Yes mipela i kisim piksa' Tasol taim mipela i opim kamera na sekim, i no gat filim i stap.

"Man, olgeta dispela taim mipela stap long hap em Ben Kasanda i pairapim kamera nating nating na ting olsem filim i stap insait long kamera," Mista Parkop i lap wantaim na stori.

"Pater Jim Franks i kros nogut tru. Em i tok, yupela i go long hap na man olgeta dispela taim yupela westim taim nating na nogut potu," Mista Parkop i stori.

Em i bin givim planti ol stori long wok bilong em na i amamas long kolim nem bilong ol narapela wokman long dispela taim husat i stap wok wantaim em long Wantok olsem lapun yet Jada Wilson, Sinclair Solomon na Franzalbert Joku long The Times, Julia Daia Bore long New Nation na ol narapela moa.

"Maski em long taim tru, mi tingim yet ol dispela gutpela taim mi gat wantaim Wantok Niuspepa," Gavana Parkop i tok.

Mista Parkop i mekim fani wantaim bod memba bilong Word Publishing, Rev. Somi Setu, Jeneral Menasa bilong Word Publishing, Elizabeth Konga na siaman bilong Word Publishing Kampani Bod



Wantok Niuspepa luksave long gras ruts spot

Scott Vavine i raitim

LONG taim mi stat long namba wan taim tru wantaim dispela lokal pepa i kam inap long nau, mi bin lainim planti samting tru long wanem wok mi mekim. Dispela niuspepa i givim mi gutpela save na tu luksave long ol gras ruts spots insait long kantri.

Mi bin makim dispela pepa long raitim ol stori bilong mi wantaim sampela risen o as tingting. Mi bilip olsem bikpela risin tru em planti manmeri tru insait long Papua Niugini i save yusim Tok Pisin. Dispela em bikos dispela tokples em isi long save na tu planti i ken lainim wanem samting taim ol i harim ol toktok na tingting long Tok Pisin. Mi bilip ol lain husat i save ridim dispela pepa i save hariap long wetim narapela kopi bilong pepa taim ol i ridim dispela pepa pinis long wanpela wik.

Dispela em bikos Tok Pisin tokples em isi long ritim na save gut long wanem samting i kamap insait long kantri na tu wanem gutpela tingting ol pipel i ken lainim samting long en. i no spots nius tasol, i gat ol wol nius i stap long opim tingting bilong ol pipel long save long wanem ol samting i kamap long wol tude.

Wanem infomesin mi givim i go long ol ridas na ol lain insait long gras ruts spot, mi bilip tru olsem wanem skul toktok o infomesin i halivim ol.

Taim ol i kisim strong (empowerment) na i gat gutpela tingting long kamapim senis long komyuniti na ples bilong ol, dispela em mi bilip em gut-



pela wok mi mekim taim mi raitim ol toktok na stori long Wantok Niuspepa.

Em tru tumas olsem Wantok Niuspepa i save promotim ol gras ruts spot we i winim ol narapela pepa. Dispela em bikos mi yet mi sanpela raita we mi gat moa ekspiriens o save long gras ruts spots na wanem tingting mi putim long pepa mi bilip i wok long helpim ol gras ruts pipel insait long ples, haus-lain na komyuniti insait long PNG. Em i tru olsem komyuniti spot i ken stap olsem tul o samting we i ken helpim kantri bilong yumi long kamap gut n agro.

Long namba wan taim tru mi stat rait long Wantok Niuspepa long 2005, mi bin amamas tru long givimaut infomesin i go long ol gras ruts lain insait long komyuniti na wanem spots program ol i redim long pilai. Mi save bilip olsem spot i ken redim gut komyuniti long lukim gutpela divelopmen i kamap taim ol manmeri i bung wantaim na pilai o ranim ol gem.

Taim ol pipel i amamas na

pilai gut wantaim gutpela spirit bilong spot em mi save amamas. Mi wok long kamap gut tu long wei mi wok long raitim ol stori na givim infomesin i go aut long ol manmeri long pablik.

Mi save amamas long ol nius ripota o wokman meri bilong Wantok Niuspepa, husat i save soim gutpela pasin na tok amamas long mi olgeta taim mi raun i go long opis bilong ol. Ol save mekim gutpela toktok na mekim fani na mipela save lap na amamas.

Ol dispela wokman meri bilong Wantok Niuspepa i givim mi gutpela tingting na tu sans long putim tingting long pepa long givim gutpela infomesin i go long ol pipel long sait bilong gras ruts spot.

Mi yet mi save amamas long raitim ol gras ruts spots stori na givimaut infomesin i go long ol liklik manmeri long save long spot. Olsem na sapos Wantok Niuspepa i stap yet, mi bai go het long raitim ol stori na putim long pepa long ol manmeri long ridim.



Matbob stori long Wantok Niuspepa

Patrick Matbob i raitim

MI BIN stat wok wantaim *Wantok Niuspepa* long 1985. Dispela taim Wantok opis i bin stap long Spring Garden Drive long Hohola arere long fri we. Mipela i save slip long singel boys hostel bilong Word Publishing kampani long Hohola na wokabaut i go long wok olgeta moning. Ol lain mi bin joinim ol long Wantok long dispela taim em Edita Anna Solomon, Namba Tu Edita Benny Bogg, ol sinia ripota Pauline Laki, Ben Wauns, Ismael Marabui na ol atis olsem Jada Wilson na John Tiamon. Namba wan bos bilong kampani long dispela taim em Rowan Callick husat nau i stap olsem Asia Pacific edita bilong wanpela bikpela niuspepa long Australia ol i kolim *The Australian*. Rowan yet i bin kam painim mi long long ples long Madang na askim mi long go na wok long Mosbi.

Bipo long joinim Wantok, mi bin skul long kamap wanpela niusman long Divine Word Instituté long Madang. Na man husat i bing trenim mi em i no narapela. Em papa bilong Wantok Niuspepa yet, Pater Frank Mihalic. Pater Mihalic em i wanpela gutpela saveman bilong tis na em i helpim mipela long kisim gut save long dispela wok. Em i tisim mipela long



Bipo nius ripota na nau leksera (tisa) long Divain Wod Yunivesiti i givim prais long wanpela rida long 1985

rait long *Tok Pisin* tu. Planti pipel i ting Tok Pisin em i wanpela isi Tokples em ol i ken toktok na raitim. Tasol em i no isi. Tokples yumi save toktok i narakain liklik long tokples yumi save raitim. I gat stail bilong Tokpisin em ol ripota i save yusim long rait. Dispela stail em Pater Mihalic yet i bin

kamapim na *Wantok Niuspepa* i bihainim.


Mi bin ripot long ol kain kain nius taim mi wok wantaim Wantok. Wanpela bikpela eria mi bin ripot long en em rijinel nius long Momase rijen. Wok bilong mi em long ring raun long ol foapela provins bilong Mamose na kisim nius bilong wanem samting i kamap long hap bilong ol. I gat ol provinsel niusman tu i stap long wanwan provins na mi save sekim ol long ol nius stori.

Wanpela bikpela stori mi bin save ripot long en em stori bilong ol Wes Papua refuji. Wanpela taim mi bin go wantaim ol Senel 9 TV niuslain bilong Australia. Mipela i go long Blek Wara refuji kem long Vanimo long kisim stori bilong ol refuji. Dispela taim Indonesia em i no amamas long ol nius ripot bilong ol refuji i wok long kam in-

sait long PNG. Orait na Indonesia i komplem long PNG gavman.

Man taim mipela i kisim ol stori bilong ol refuji stap na gavman long Mosbi i odaim ol polis long Vanimo long kalabusim mipela. Mipela wok i stap na ol polis mobail-skwat i kam na arestim mipela. Ol i karim mipela i go na kalabusim mipela long Vanimo polis stesin. Man, laki tru mi stap wantaim ol lain bilong Australia. Na ol i ring i go long Hai Komisina bilong ol long Pot Mosbi. Orait, Hai Komisina i toktok wantaim PNG gavman na ol i givim oda long rausim mipela long kalabus.

Taim mi bin joinim *Wantok Niuspepa* long 1985, em i taim we PNG i bin makim 10-pela yia bilong yumi kisim independens. Orait. Opis bilong Prais Minista Somare em i plenim wanpela bikpela selebresen i mas kamap long makim 10-pela yia bilong independens. Na Somare i askim namba tu bos bilong Yunivesiti ol PNG Dr Elton Brash long kamapim wanpela buk. Dispela buk bai i gat ol stori bilong ol pipel long PNG long dispela 10-pela yia i go pinis. Em nau wanpela singaut i kam long Word Publishing kampani long makim wanpela niusman long wok wantaim ol saveman bilong kisim piksa long kamapim dispela buk. Em nau Rowan Callick i bin makim mi long helpim opis bilong praim minister long kamapim dispela buk. Man, em sans bilong mi long go raun long ol hap bilong Papua Niu Gini long stori wantaim ol pipel. Mi bin wok wantaim wanpela Japanese saveman bilong kisim piksa. Nem bilong em Eusuke Simauchi na em tu i bin lainim mi gut long kisim piksa. Mipela i go long ol ples olsem Milen Be, Morobe, Madang, Wes Nu Britain, Manus na Westen Provins. I gat ol narapela lain i go long ol narapela provins. Bi-hain mipela i kisim olgeta toktok na piksa bilong ol pipel na gavman i kamapim dispela buk ol i kolim Faces and Voices of PNG.



Dispela poto bilong yia 1985 i soim Wantok ripota long bipo Patrick Matbob (sanap namel) Yehiura Hriewazi bilong Post Courier na Garona Vere bilong Niugini Nius. I mekim wok raun i go long Ok Tedi gol main



Johnston's Pharmacies Ltd.

<p>Wholesale: Spring Garden Road, Gordon</p> <p>Phone : 325 3356 Facsimile : 325 0190 Email : sales@johnstons.com.pg</p>	<p>Boroko: P.O. Box 1066 Boroko, Tabari Place</p> <p>Phone : 325 5336 Facsimile : 325 9411 Email : boroko@johnstons.com.pg</p>
--	--

Tok Hamamas Long



WANTOK

Niuspepa

long 40th Anivesari
bilong en.





Mipela save hatwok long taip-raita long bipo

BIPO ripota na edita bilong *Wantok Niuspepa*, JOE KAUI i givim stori long taim bilong em wantaim pepa na ol samting em i bungim long bipo.

Pastaim tru, mi laik tok amamas long *Wantok Niuspepa* long winim 40-pela krismas olgeta. i nogat planti narapela niuslain long kantri o long pasifik rijon inap long winim dispela kain mak wantaim ol hevi em *Wantok Niuspepa* i bin bungim long taim em i stap i kam inap nau. Mi gat bilip olsem bai yupela i winim narapela 40 pela yia.

Tok Pisin em i kamap nabawan tok ples long Papua Niugini nau. Ol pipel long planti hap long kantri nau i yusim tok pisin. Bipo mipela i save tok Tok Pisin em bilong ol Sepik tasol, o bilong ol Tolai tasol. Tasol nau yu go long ol nambis ples long Papua, o long Kerema na tu long Samarai, bai yu lukim olsem Tok Pisin i kisim ples pinis.

Olsem na *Wantok Niuspepa* em bilong olgeta pipel bilong Papua Niugini na em bai i stap longpela taim yet.


Mi lusim *Wantok Niuspepa* long 1990, em klostu 20 yia i go pinis. Mi sindaun long opis nau na luksave long Jada, Fredrica na bosmeri Elisabeth. Oloman, ol i taitim bun yet. Ol planti arapela em ol nupela.

Long taim mi stap long *Wantok Niuspepa*, mipela save yusim ol taipraita. Taip i go na sapos mipela raitim krangi, orait rausim dispela pepa na raitim nupela gen. Man hatwok stret. Na taim mi save go lukim Jada long droim ol piksa bilong Tambu Toro na Biabia, planti pen na planti ink na planti pepa nabaut. Taim bilong paste-up, man planti wok stret.

Nau em olgeta wok i kamap long ol kompiuta tasol. Wok em isi liklik long yupela nau.

Bihain long mi lusim *Wantok* mi bin wok wantaim ol NGO klostu 10 pela yia olgeta. Wok bilong ol NGO mi bin wok wantaim em long helpim ol grasruts pipel long kantri long stretim ol sindaun bilong ol.

Dispela tingting bilong helpim ol grasruts long stretim sindaun



Bipo Edita bilong *Wantok*, Joe Ka'au

bilong ol, ating em i wanpela samting mi bin lainim long *Wantok Niuspepa*.

Planti taim long ol editorial miting bilong mipela, edita bilong mipela, Anna Solomon na Bosman leit Jim Franks i save tok, "mipela laikim ol humen interes stori".

Ol i tokim mipela long raitim ol stori we bai mekim ol pipel i baim moa niuspepa na tu ol i tokim mipela olsem ol stori bilong mipela i mas helpim long

stretim sindaun bilong ol grasruts pipel.

Mi strongim namba tu hap tok mi mekim antap. *Wantok Niuspepa* i gat dispela spesel mak we em i inap long kisim ol stori bilong ol strit pipel bilong ol taun long Papua Niugini, ol bikbus lain, ol pipel i stap long ol longwe ailan na ol planti arapela pipel i stap namel long ol dispela lain na kisim i go long ol bikmanmeri long gavman na long ol kampani. Kisim tingting bilong ol garsruts lain i go long ol biklain husat i save mekim ol disisen long kamapim wok developmen long kantri.

Wankain taim tu *Wantok Niuspepa* i save toksave long ol grasruts pipel long ol tingting bilong gavman na ol wok developmen i kamap long kantri.

Planti narapela niuspepa lain i nogat dispela kain astingting. Tingting bilong ol em long autim toktok bilong ol bikman o bilong ol kampani tasol. Yu ken luksave long dispela long ol stori i save kamap long ol dispela niuspepa. Tingting bilong ol grasruts

i no stap wantaim ol.


Dispela tingting mi laik lusim wantim ol waklain bilong *Wantok Niuspepa* long nau na long bihaintaim.

Tingim kantri bilong yu pastaim. Stori o poto yu autim long *Wantok Niuspepa* i mas strongim ol pipel bilong yu na kantri bilong yu.

Nau mi laik tok tenk yu long Benny Bogg, Anna Solomon, Jim Franks, Frank Mihalic husat i bin gat dispela bilip long kisim wanpela mangi long ol strit bilong Mosbi na mekim mekim em i kamap wanpela man i gat bel bilong helpim ol grasruts lain bilong kantri. Mi save olsem olsem planti grasruts lain i bin stretim sindaun bilong ol long wok em yupela i bin mekim.

Mi laik tok tenk yu tu long Jada Wilson, Ljela Gilchrist, Ivan Bayagau na ol arapela husat i save kisim ol hetpen long traim long kisim deadline bilong mipela. Tenkyu olgeta. Gohet yet long gutpela wok bilong yupela na God bai stap wantaim yupela olgeta taim.

TOK AMAMAS



WANTOK

Niuspepa Bilong Yumi ol PNG stret

long **40 yia**, yupela sanap na strongim ol pipol wantaim toksave na tingting. Yupela stori long ol trangu lain long ol bai tokaut strong.

Mipela amamas long bikpela wok yupela mekim long strongim kantri.

ikam long Joe Kanekane – Presiden bilong Media Kaunsil makim maus bilong ol Bod, ol Memba, na Sekretariat bilong Media Kaunsil bilong PNG.



Strengthening the Media and facilitating Development Communication




Ela Motors i Welkam long WANTOK niuspepa long go insait long 40 yia klab

**Bikpela Tok Amamas tru i go long WANTOK long bungim
40 yia long bringim sevis i go long
pipel bilong PNG**

Ela Motors i save tu wanem samting yu mekim long sevim pipel bi-
long PNG insait long moa long 40 yia. Long sait bilong mipela,
mipela yet i stap insait long bisnis long moa long 47 yia. Mipela
save olsem gutpela samting i no save kam long isi rot na
long olgeta de mipela mas traिम wok hat strong long
lukim olsem ol kastoma bilong mipela i amamas.
Wanto i helpim mipela long mekim dispela. Mipela
amamas long givim ol pipel bilong PNG ol gutpela kar,
marin na pawa prodak we mipela i gat.

- ✓ Ol Toyota Moto Kar
- ✓ Ol Hino na Renault Trak
- ✓ Ol Daihatsu Moto Kar
- ✓ Ol Yamaha Marin na Pawa Prodak
- ✓ Ol Massey Ferguson Trakta
- ✓ Ol Gutpela Pat na Kwaliti Sevis
- ✓ Panel Biting na Sprey Peint
- ✓ Ol Taia, Bateri na TJM Wok samting



**Gut wan WANTOK long bungim
dispela mak long histori!**

Ela Motors

Your First Choice

16-PELA BRENS LONG OLGETA HAP LONG KANTRI



TOYOTA



YAMAHA




HINO



DAIHATSU



RENAULT



MASSEY FERGUSON



Wantok bringim mi long planti bus ples long PNG


James Kila raitim

INSAIT long dispela 40 Yia Anivesari bilong Wantok Niuspepa, mi laik tok amamas, makim femili na lapun mama bilong mi husat nau i stap long ples long Madang long dispela niuspepa bilong yumi ol PNG stret.

Tru tumas, mi stat ridim Wantok Niuspepa taim mi stap long komyuniti skul yet long Jomba Demonstresin Skul long Madang taun. Wanpela tisa bilong mi, Peter Matbob i save salim Wantok long 12-toea long dispela taim long 1980 taim mi mekim gret 3 long dispela taim. Dispela tisa em papa bilong Patrick Matbob, husat bihain i kam wok wantaim Wantok Niuspepa, na go long Post Courier na nau em leksera long Komunikesin Ats long Divine Word University long Madang.

Leit Peter Matbob i save salim Wantok olgeta Sande bihain long misa long Yomba Peris, olsem na long olgeta Sande mi save askim papa long givim mi 20-toea na mi save karim i go long misa. Sampela koins mi save givim long ofa na 12-toea mi save larim long poket i stap long baim Wantok Niuspepa.

Meri bilong leit Peter Matbob, em



Raita ya mekim intavi wantaim wanpela meri Biwat antap long mambu-bet trip antap long Sepik Riva.

Misis Matbob i save skulim mipela long olgeta Trinde long Rilijes Instraksin (RI) klas, na planti taim em save yusim Wantok long stori long mipela ol mangi. Mipela save lakim tru ol stori na piksa em save soim mipela. Tru tumas, mi no inap long lusim tingting long ol dispela gutpela taim bipo.

Long katim stori sot, mi yet mi stat wok wantaim The Times of PNG long 1992, bihain tasol long mi pinisim skul long DWI. Pater Frank Mihalic i bin toksave long Pater Jim Franks long kisim mi bikos long klas bilong em, mi save go pas long Tok Pisin klas (Translation Technique).

Em tru olsem Pater Mihalic i save

tokim mi long helpim em long sampela wok bilong tanim tok (translation) taim mi stap long holide bilong mi. Mi save mekim pinis na givim i go long en. Sampela wok mi wantaim Pater Mihalic i mekim em tanim tok long ol text buk bilong ol Katolik Vokesinol Senta insait long PNG.

Long taim mi stap wok, Pater Jim Franks i putim mi long wok wantaim The Times of PNG pastaim. Mi bin wok samting olsem 6-pela yia na bihain mi go stap long Goroka na wok wantaim Kopi Industri Koporesin (CIC). Tasol long taim mi stap long Goroka, mi save rait yet long Wantok na The Independent, pepa we i kisim ples bilong The Times of PNG.

Wanpela samting we i pas tru long blut blong mi em long rit na rait. Yes, rait.....rait na rait. Yes, mi save les long stap nating na tingting tasol. Mi save laikim tumas long rit na rait.

Mi bin kamap Saplimen Editor bilong Word Publishing Company long 1995 na save wokim ol saplimen bilong 3-pela pepa wantaim em The Independent na PNG Business na Wantok Niuspepa. Dispela wok i save bringim mi long planti ples tru insait long PNG. Mi ken tokaut stret olsem ating mi krungutim olgeta kona bilong PNG pinis bikos wok bilong mi olsem nius ripota tasol i bringim mi go.

Mi amamas long kambek gen na wok olsem saplimens ripota nau long Wantok Niuspepa. Yes, mi bai traim hat long strongim



NAU^{em} EXTRA VALUE



EXTRA Biscuit, EXTRA NAU^{em}







Royal Papua New Guinea Constabulary

i winim moa long 120 krismas long kamapim loa na oda na gutpela sindaun insait long Papua New Guinea

Long makim maus bilong olgeta polisman na meri insait long Papua New Guinea, mi Gari Baki, komisena bilong Polis i tok bikpela hamamas long Wantok Niuspepa long dispela de i makim 40 krismas bilong en i stap insait long Papua New Guinea



Gari L. Baki,
OBE, DPS, SctJ
Komisena bilong Polis
Royal Papua Niugini
Konstabulari



Wantok Niuspepa olsem famili blong mi

Pastaim edita Yakam Kelo i raitim

TAIM mi bin wokabaut i go insait long *Wantok Niuspepa* opis long Spring Garden Rot long 1994, namba wan man husat bin sanap long dua na tok welkam long mi em biknem atis na Katunis bilong *Wantok Niuspepa* na tu Papua Niugini em Jada Wilson.

Yu save pinis, em papa bilong smokim spia ya na em mekimsave long laitim paia long spia stap long dispela taim. Mi lusim Lae na kam long Mosbi long wok wantaim *Wantok Niuspepa* bikos olupela Edita Francis Uliau laik lusim na go wok wantaim Post Courier niuspepa.

Jenerel Menesa long dispela taim em lan Fry bilong Australia i kisim mi go insait long niusrum na bukim ol arapela manmeri bilong Wantok. Dispela taim em mi bungim Veronica Hatutasi bilong Bogenvil nau stap yet na Godfried Niaka Yassafar nau stap long Wewak o sampela hap nau na Leo Wafiwa nau em tisa long Yunivesiti.

Francis go pinis na Leo Wafiwa kamap Edita blong niuspepa na makim mi long wok olsem Spot Ripota. Yes mi amamas tru long dispela wok bilong raitim ol nius bilong spot bikos mi save toktok wantaim planti spot manmeri long Mosbi na arapela provins tu.

Mi kamapim ol gutpela kontek o lain bilong givim mi spot nius long planti hap provins. Kain olsem John Wokenuwe na Mathew Waram long Goroka, Kemai Saiu long Hagen, Leit Ananias Popo long Wabeg, Peter Angassa na Danny Gabong long Madang, Charles Malenki long Wewak na Felix Ramram long Vanimo, Franco Nebas na Samson Bonnai long Lae.

Long Niugini Ailan provins em ol nius ripota long hap save sapot gut tru long salim ol spot nius kam long mi na save mekim ol wok bilong mi isi.

Long taim blong mi, mi save gut tru long planti lain husat save lukautim na ranim ol wok bilong spot insait long ol provins. Dispela i mekim Wantok Niuspepa i sanap strong olsem trupela gras rut niuspepa long Papua Niugini.

Wanpela spot we i save strongim Wantok Niuspepa em soka. Long taim bilong nesenel sempionsip, Wantok niuspepa i save paia lait stret bikos olgeta manmeri laik lukim stori bilong soka na husat ol sempion tim bai pilai long dispela taim. Dispela i save mekim mi amamas stret bikos ol manmeri long ol provins save baim Wantok Niuspepa gut tru.

Dispela wok bilong mi olsem spot ripota i strongim mi long kamap gutpela ripota na long dispela as, bos bilong mi, Leo Wafiwa surukim mi go long sia bilong politiks long 1996. Em nau mi save raun long ripotim ol nius bilong politiks na kot. Planti taim em long palamen miting na tu long ol pres konfrens o miting ol memba i holim wantaim ol nius lain.

Long dispela taim mi ken tingim sampela bikpela politiks nius mi bin raitim olsem, hevi bilong Sandlain long 1997, ol



Pastaim edita bilong *Wantok Niuspepa* Yakam Kelo i mekim wok raun long Madang.

provinsel gavman rausim ol setelmen olsem long Rabaul, Madang and Lae siti, bikpela straik bilong ol Yunivesiti sumatin bikos gavman laik kamapim senis ol kolim Len Mobolaisesen. Program, bikpela mani paol long NPF (nau Nasfund), nesenel ileksen na ol vot nogat bilip na planti arapela politiks divelopmen na senis long kantri.

Wanpela gutpela eksperiens bilong mi wantaim Wantok Niuspepa em long 1997 Sandlain hevi. Leo Wafiwa go skul long Ingran, Godfried Yassafar go wok wantaim Is Sepik Infomesen Sevis na mi wantaim Veronica Hatutasi tasol stap na ranim niuspepa long dispela taim.

Mi karim kamera na ron wantaim ol pablik long Mari Bareks we ol manmeri straik na sapotim olupela ami bos Jerry Singirok tasol sampela asua kamap na polis ronim ol manmeri nabaut. Tia ges kukim ai bilong mi tasol mi karim kamera na ron wantaim na kisim stori. Long nait mi ron long kar go long palamen haus we ol polis na ami stopim ol kar na sekim. Ol stopim olgeta nius lain long noken go insait long palamen. Tasol mi wantaim sinia ripota bilong Independent Abby Yadi ron long kar go na taim ol ami sekim mitupela, ol lukim aidi kat na oraitim mitupela long draiv go insait long palamen hap. Long hap, mi kisim ol stori na salim kam bek na Veronica wok long stretim olgeta. Taim mi kam

bek long niusrum, mitupela kamapim niuspepa na salim go aut long olgeta hap provins. Mi harim olsem Wantok Niuspepa bin mekim bikpela sels tru long PNG winim ol arapela taim Wantok save stap long strit.

Mi stap inap 2004 we paia kukim opis bilong Wantok long Spring Garden Rot olsem na mipela save wok long wanpela rum bilong Jenerel Menesa long dispela taim em Jeremy Burgess. Mi no laik stori tumas long susa niuspepa bilong Wantok em The Independent long tok Inglis bikos mi bin gat bikpela wari tru taim ol bod na menesmen bilong Word Publishing kampani bin pasim dis-

pela niuspepa na mi bin lusim planti gutpela wanwok na lain tru bilong mi long dispela taim. Tasol olgeta i no go aut na paol nabaut, planti i holim ol gutpela wok


nau. Olpela Het Bisop bilong Lutheran Sios Leit Dokta Wesley Kigasung bin tok-tok makim bod olsem, taim wanpela dua i pas, narapela dua bai op.

Mipela surukim opis kam daun long bikrot tamblo we nau Wantok Niuspepa i stap long en tude, hapsait tasol long BSP benk. Long dispela taim em kontrak bilong Jeremy Burgess i pinis na em mas go bek long Ingran olsem na bod makim Justin Kili long kamap Jenerel Menesa bilong Wantok. Taim Justin Kili kamap, ol menesmen laik daunim operesen bilong Wantok olsem na ol laik daunim tu namba bilong ol wokman.


2005 long mun Jun em mi tok gut bai long Wantok niuspepa. Kampani i pinisim mi aninit long nem ol kolim daun saisim eksesais. Mi wantaim Ronda Peya long Akauns bin pinis long dispela taim.

Mi gat bikpela han mak long Wantok long dispela taim inap mi pinis. Famili bilong mi tu bin kamap bikpela long Wantok Niuspepa na ol pilim olsem ol em famili tru bilong dispela tok pisin niuspepa bilong Papua Niugini.


Olsem na mi laik pinisim tok olsem, Hepi 40 Eniveseri long Wantok Niuspepa. Wanbel i stap, sanap strong na go het yet. Taim i senis tasol yu mas painim spes bilong yu tu long ron yet.



SP
BREWERY




**SP Brewery Bod,
Menesmen na Wokman
meri i tok hamamas long**



WANTOK
Niuspepa

long

**40th Annivesari
bilong en.**



1970 - 2010

- Niuspepa Bilong Yumi PNG Stret -



Stat long dak-rum i go potograba na nau raitim nius

Nicky Bernard i raitim

Mi bin stat-wok olsem treini dak-rum teknisen wantaim Word Publishing long 1994, taim wanpela gutpela brata bilong mi Dominic Kakas i toksave na kisim bihain long em pinisim skul m long Yuni-versiti bilong PNG (UPNG) na stat wok wantaim dispela kampani

Mi wantaim Dominic i gutpela brata long Gordons Polis Bareks long stat bilong 1990s yet. Long dispela taim, Word Publishing painim man long wok long Dak rum olsem na Dominic i givim nem bilong mi na mi go stat skul-wok wantaim Word Publishing. Mi bin stap aninit long wanpela naispela man Ivan Bayagau, inap 4-pela mun olgeta.

Mi go long ples (Manus) long klostu pinis bilong 1995, na stap nating tasol i go na mi kisim wanpela telefon kol i kam long leit bikpela brata, Tony Bernard husat em polis man na save stap long Gordons Polis bareks, na em tokim mi olsem ol lain long Word Publishing i painim yu. Em wantaim Dominic i salim tiket na mi kam long Mosbi, na mi stat bin

wok long namel long June 1996 long wok mi skul long en bipo na tu mi stat lainim long kisim piksa wantam kamera.

Long 1996 mi no moa luk daun, mi laikim tumas wok bilong mi na tu kampani, mi save wok long olgeta pepa bilong Word Publishing olsem *Wantok*, *Times of PNG* long 1994 taim mi wok olsem treini long kampani, The Independent taim mi kam bek, Weekend Sports na sampela niuspepa bilong ol liklik binis lain, dispela taim mi stap long lukaut bilong Fredrica Siwin fes meri PNG long wok olsem dak-rum teknisen.


Mipela save mekim plate o hap kapa we i gat print bilong niuspepa stap long en na kisim i go long ol printer long ronim long masin i gat pepa na per bilong niuspepa long en na dispela hap kapa save rait long ol rol pepa.

Kampani bin givim mi wanpela rum long single kwata bilong ol wokman long Hohola, mi stap long hap na mi gat namba wan pikinini meri bilong mi, em bon taim mi kisim wan yia bilong mi long Word Publishing. Dispela

pikinini bilong mi i bikpela wantaim kampani, nau em i gat 14 pela krismas na dispela i makim olsem mi stap long kampani bihainim krismas bilong pikinini meri bilong mi.

Mi tingim wanpela taim Pot Mosbi i gat kefiu na mipela olgeta wok manmeri husat save wok nait i nogat pas bilong kefiu, ol ripota i pinisim stori bilong ol na ol salim kam long mipela ol prodaksen, mipela i wok yet long stretim ol plet na taim i sot, mipela olgeta i save pasim wok na mipela go long haus, mi bin kirap long hap nait yet na mi brukim kefiu long Hohola na mi wokabaut i go long opis, we save stretim olgeta samting pinis na wetim ol lain long printa long prinim pepa tasol, dispela taim olgeta pepa bilong mipela i go aut long taim stret.

The Independent niuspepa bin pinis na mipela planti kampani i putim mipela daun, tasol mi no lusim Wantok o Word Publishing, mi stap yet na wok olsem kesuel wokman tasol, mi save helpim long kisim piksa, draiva, lusim ol pepa long airport na ol stoa long



Man bilong kisim ol stail piksa Nicky Bernard i sanap wantaim Allan 'Alfie' Langer, biknem NRL pilaia bipo na kepten bilong Maroons na Brisben Broncos.

Mosbi, dispela taim nau em Wantok Niuspepa tasol na ol wok i isi liklik, kar ino save hevi tumas na mi save pinis olgeta wok long lusim Wantok hariap tru long ol manmeri long baim long rot.

Mi wok kesuel 2-pela yia olgeta, olpela jenerol menega bilong Word Publishing Jeremy Begest kontrak bilong em pinis na Justin Kili kam kisim ples bilong em, tupela i singautim mi go insait long opis na tupela tokim olsem bai mi wok full taim na bai mi pemet, long dispela taim nau mi stat gen long Wantok olsem Photographer na ripota.

Mi yet lukim olsem mama kam-

pani Word Publishing i bin lukautim mi gut long taim mi kam skul wok na nau pemet long 1994 skul wok, 1996 wokman stret i kam inap nau, maski mani ino inap tasol ol save lukautim mi long sampela kain wei.

Sapos mi no pinis o mi no kamap kesuel, bai mi lukim 15 yia bilong mi long Wantok long yia i kam, mi gat 3pela pikinini we ol gro wantaim Wantok, Kimberly klostu em 14 yia, Rexford Ocean 10 yia na Terryanna 9 yia mama bilong ol Hauda i save sapotim mi gut long ol wok mi save mekim long *Wantok Niuspepa*.

Hepi Bon de Wantok Niuspepa.

Lae ripota Anzu helpim yet Wantok

Bustin Anzu i raitim

LONG NAMBA wan taim olpela *Wantok Niuspepa* ripota Watson Gabana i bin tokim mi long rait long dispel namba wan niuspepa, mi paul na mi no bilip olsem mi bai rait long pepa.

I kam inap nau, *Wantok Niuspepa* i helpim mi gut tru na senisim sampela pasin na laipstail bilong mi. Mi bin lukim olsem dispela tok pisin niuspepa em trupela pepa insait long kantri. Mi gat bilip olsem dispela pepa bai igo longpela taim bihain.

Mi tu bin kisim planti tok amamas long pablik o ol manmeri long ol stori we mi save rait. Na planti save kam tok tenk yu long ol stori bilong ol. Dispela save mekim olsem wanem samting mi rait long pepa i save karim bikpela wokmak.

Mi bin stat wantaim Spot pes bihain long mi bin lukim planti pilai long Lae siti tasol i nogat stori long pepa. Mi bin rait igo long mi laik helpim long kisim stori wantaim poto na salim igo long pepa.

Gabana i bin ringim mi na tok em i orait long mi ken rait.

Long dispela taim tu, mi bin gat



Ripota Bustin Anzu i wok long RAMSI operasin long Honiara tasol em save raitim planti stori tu long hap na givim long Wantok.

save long kisim poto long kala na blek na wait wantaim. Ol poto i no olsem nau we digital na yu ken kisim na email igo wantaim stori. Long dispela taim, kisim poto, wasim o nogat salim wantaim film rol igo na ol i wasim long Wantok opis na yusim.

Dispela i kisim sampela wik long poto wantaim stori bai kamap long pepa, tasol em i orait. Stil em stori.

Mi bin ritim *Wantok Niuspepa* taim mi stap long Komyuniti Skul yet. Papa bilong mi save kisim niuspepa taim em igo long taun na karim i kam. *Tok Pisin* em i isi long lainim na taim mi ritim pepa, mi save gut long dispela pepa.

Wanpela hap we mi save ama-

mas long ritim em stori bilong bi- abia na toro. Dispela katun stori i save mekim mi oltaim mi laik ritim Wantok. Dispela tu i givim mi gutpela save long ol skul wok bilong mi

Bihain long samting olsem 20- yia, mi yet mi raitim dispela niuspepa we i bin helpim mi long kisim gutpela save long skul wok bilong mi.

Mi lus tingting long planti ol man husait i bin raitim niuspepa long dispela taim long wanem, em i longpela taim tumas. Tasol Wanpela waitman mi ken tingim yet long wanem, long ai glas bilong en em Pater Mihalic.

Mi ken tingim pes bilong em ples klia long wanem, em i Wan-

pela Katolik Pater we bin kamapim dispela pepa na em yet i save rait long pepa tu.

Planti long ol ripota husait i bin stap wantaim *Wantok Niuspepa* i lusim pinis na go painim narapela wok o lusim olgeta. Tasol, ol i bin stap baksait tru long dispela namba wan *Tok Pisin* niuspepa stret.

Taim mi kisim ol narapela niuspepa, long olgeta Fonde mi mas painim Wantok tu. Maski mi ritim ol narapela pepa, mi i gat taim long ritim *Wantok Niuspepa* yet.

Dispela niuspepa i trupela niuspepa insait long kantri we olgeta manmeri save laik long ritim long wanem, em tok pisin niuspepa we isi long ol lain long ples long ritim.

Planti ol yangpela bilong tude ol i no save ritim tumas long wanem, i gat kain kain samting we i save paulim ol.

Ol samting olsem TV, mobail pon, muvi na ol narapela samting i save paulim ol. Tasol long taim bilong mi, ol dispela samting i no kam yet. Na mipela i hangre long ritim pepa. Olsem na Wanpela niuspepa em mipela planti i ken serim long ritim.

Planti bilong mipela husait i stap aut long Pot Mosbi na rait i

save gut long kisim stori na poto na salim.

Mipela i save raitim ol stori insait long Komyuniti long wanem, em ol dispela Komyuniti bai ritim. Dispela i promotim ol wari, problem na sindaun bilong ol manmei long ples.


Insait long las 40-yia *Wantok Niuspepa* i bin senisim laip bilong planti manmeri na kamapim ol gutpela lida insait long kantri. Dispela tu i lukim ol i holim o kisim sampela gutpela wok insait long kantri.

Wantok Niuspepa i ken stap narapela 40-yia.



Mi tok amamas long dispela *Tok Pisin* Niuspepa we i bin mekim mi senis na tu helpim mi long wok bilong mi na insait long Komyuniti we mi stap long en.

Long makim ol family bilong mi na ol lain bilong mi long ples Pagapena insait long Tambul, Westen Hailans provins, mi tok amamas long *Wantok Niuspepa* long stap na mekim wok insait long 40-yia igo pinis.

Ol pipol bilong Lae siti na Morobe provins, mi tok amamas long ol stori yupela save givim mi na mipela i save ronim *Wantok Niuspepa* wantaim.



Ol histori piksa



National Capital District Commission

Gavana bilong Nesinol Kapitol Distrik Hon. Powes Parkop,
Bod, Menesmen na staf bilong Nesinol Kapitol Distrik
Komisin itok amamas long Wantok Niuspepa long

40th Anniversary
WANTOK
NIUSPEPA BILONG YUMI OL PAPUA NIUGINI STRET

Mipela kongretuletim Wantok Niuspepa, long kontinu long
provoidim Tok Pisin niuspepa long ol pipol bilong yumi long
Papua Niugini.

Toksave ikam long:
Hon. Powes Parkop, LLB, LLM, MP
NCD Gavana



NATIONAL FISHERIES AUTHORITY

Bikpela Tok Amamas!! Long 40th Anivesari bilong



Gutpela Papa God bilong Yumi i blesim kamap bilong dispela pepa bilong yumi long Wewak na bihain em i kam long bikpela siti bilong yumi Pot Mosbi.

Yu ken gro na gohet yet long bringim gutpela infomesin igo long 6-milien pipel bilong Papua Niugini we 75-pesen long ol i no save kisim olgeta nius na infomesin yet.

Mipela long Fiseris sekta bai gohet long yusim Wantok Niuspepa long bringim i go aut infomesin long ol yia i kam. Wanem kain ol fiseris insait long solwara na long wara long graun i pulap tru long kantri bilong yumi, olsem na wanem ol infomesin we i toktok long wok bilong fiseris i mas goaut long ol pipel bilong yumi long Papua Niugini.

Longpela Lukluk bilong mipela em:

“Lukautim na Menesim Gut Fiseris na Marin Risoses long Gutpela Rot we em i ken Stap Gut Oltaim long ol Lain long bihain taim”

Wok bilong Nesinol Fiseris Atoriti em long gohet long bikpela lukluk insait long operesin bilong gutpela sevis long kamapim nesenel na intanesinol wok insait long fiseris.

Mipela save mekim na givim ol dispela sevis long kamapim nesenel na intanesenel wok insait long wok bilong mipela.


- Fiseris Developmen na Menesmen
- Developmen bilong Sasteinabol Fiseris, Marin Risoses na Akuakalsa
- Projek Menesmen
- Provinsal Sapot na Industrial Developmen
- Laisens Prosesing, Data koleksin, Kisim na yusim ol Data,
- Lukautim wok, Kontrolim wok na Putim Was; na
- Karimaut Trening long Save long wok long Developmen na Strong Wok Polisi long Kamap Gut na Mekim Gut wok.

Mipela i stap long 11th Flo bilong Deloitte Tawa, Daun Taun Mosbi. Postal adres bilong mipela em:
P O BOX 2016, Port Moresby, National Capital District, Papua Niugini.

Namba yu ken kisim mipela olgeta long en em 3090444.

Long kisim wanem kain helpim insait long fiseris developmen na menesman, aplai long laisens na trening long Nesinol Fiseris Koles, kontek long mipela long adres i stap antap.

Plis helpim mipela long stopim ol lain i stilim pis long solwara bilong mipela na tu long graun bilong mipela. Ringim mipela long 3090444 na givim ripot taim yu lukim ol lain i brukim lo.



They will be ever scribbling

By ALPHONSE BARIASI

I believe in work after death. Spare me the notion of an eternity in blissful idleness. And I think some professionals will have great fun while others switch jobs. But the band of men and women known as journalists are in for a party.

Pity some others for they could be unemployed. Why a physician if there is neither disease nor pain? Soldiers, policemen and correctional officers will enter the pearly gates armed with job applications for new careers.

Lawyers had better burn their practicing certificates because there'll be no court except the one which will have exonerated all before they enter life after death.


For those in the "creation industry" - architects, engineers, designers, horticulturalists, artists and musicians - there is no limit to stretching their imaginations to create anew as per-

mitted by the grand creator.

Above them all, the humble journalist is headed for a singing of a time. The PNG journalist, now labouring with many faults none less than the Grand Chief and others in his mood pounce upon occasionally, will have found a very appreciative audience. It will all be developmental journalism and glad tidings only; informative, inspiring and pure entertainment.

Here, the limitations to the PNG scribe are aplenty: limited investigative reporting skill; grappling with a limited vocabulary of the English language; and the lack of technical savvy and technology. There, language will not be a worry; the mind will have grasped the entire vocabulary of the universal language of the cosmos and much else besides.

Technology or a lack of it will not be a problem either as every imaginable gadgetry known in the information world will be available to the reporter. The ro-



Alphonse Bariasi

ing reporter will enjoy first class travel on inter-planetary spacecraft to give an account of the countless joys of life and unlimited advances in the next world.

Thankfully, no story on the ravages of climate change and AIDS, nor the moral dilemmas of gay marriage and abortion, will make the headlines.

I am gearing up for the fun while here today and being afforded a foretaste. And for that I owe the years of my training plus

the highs and lows of formal employment to many. Credit for the beginning of a career reluctantly chosen rests mainly with two American priests.

Frank Mihalic taught me basic news writing at Divine Word Institute, and at my graduation in 1987, Jim Franks handed me a plane ticket to Word Publishing Company.

Both priests have sadly passed on but I do cherish the moment Jim Franks called me in and put me onto Fr Ken Feehan at St Benedict's Teachers College in Wewak. Feehan called in regards to the booboo I made in reporting that he had met then Prime Minister Rabbee Namaliu over a land dispute by the nearby Saure villagers.

The interview for that blunder was conducted in Tok Pisin but the copy was in English. The clergyman spoke too quickly for me over a phone line not entirely crystal clear. And of course I was too timid to ask repetitions.

The result: according to The

Times of Papua New Guinea, "the college principal held a meeting with the Prime Minister" when the two gentleman had not as much as say "hello" to one another that week.

As a very inexperienced reporter and an emotional one at that, I burst into tears.

Jim Franks would not let one unfortunate incident thwart a career. "You take life too seriously," he admonished. This sticks with me and comes in handy whenever I make a booboo again.

To my other mentors and colleagues, may God bless your hearts: Anna Solomon, Neville Togarewa, the late Ori Maeaoka (a trusty supplier of BH cigarettes), Patrick Matbob and Anthony Balpingeri, among many more whom space cannot permit me to name.


My time at Word had been a blast because of you but I was too impetuous then to know. May you keep scribbling even in the next world!



NESENEL AIDS KAUNSOL

I tok Amamas long

Wantok Niuspepa



Nesanel AIDS Kaunsol wantaim Secretariat bilong em i salim Tok Amamas I go long Wantok Niuspepa long 40-pela Krismas bilong en long mun Ogas, 2010.

Mipela I laik tok tenkyu I go long yupela long gutpela sevis yupela I bin givim long ol pipel blong PNG long Tok Pisin we I tok ples bilong yumi olgeta.

NAC I luksave long halivim bilong yupela olsem wanpela patna blong mipela long wok bilong HIV na AIDS long kantri.

Tok Amamas na luksave blong mipela tu I go long ol Jenolis o Ripota long gutpela wok ol mekim long raitim ol nius toktok bilong HIV we ol pipel I ken ridim na save gut moa long abrusim dispela sik.

Mipela I luksave long gutpela wok blong yupela na laikim olsem bai yumi wok bung wantaim long daunim wik HIV na AIDS insait long PNG.

Tok Amamas gen long dispela bikpela de yupela winim nau.

**Sir Peter Barter
Siaman blong NAC**



Veronica stori long wok blong em

WANTOK Niuspepa i givim mi sans long kisim moa save long wok bilong mi olsem nius ripota, bungim, save na gutpela pren long planti pipel we sapos mi no wok wantaim Wantok mi no inap long save long ol insait long midia bisnis na au-sait.

Na long givim moa tingting long glasim ol stori na hevi we PNG na pipel i bungim wantaim tu long wol.

Nau yet mi stap na wok wantaim Wantok Niuspepa inap long 17 yia na mi amamas long tok olsem wok mi mekim long raitim ol stori long Tok Pisin i helpim ol grasrut manmeri long ol provins, ol setelmen na strit long kisim save long ol samting i kamap long ol wan wan provins, komyuniti, kantri na wol.

Mi bin kamap long Mosbi long yia 1993 olsem wanpela long ol planti Bogenvil lain i painim gutpela ples bilong stap bikos long hevi na pait i bagarapim ples. Na bosmeri long niuspepa long dispel taim inap long yia 2002, Anna Solomon, i bin painim mi long strit bilong Mosbi na kisim mi i kam wok long Wantok na ol narapela tok Inglis susa niuspepa olsem *The Times of PNG* na bihain, *The Independent* we i no moa stap nau. Tru, pastaim mi bin painim



Ol soldia sekim Veronica long Bougenvil

hat long raitim ol stori long Tok Pisin, bihain mi bin lainim olsem i gat stail na wei i stap bilong bihainim long rait long Tok Pisin. Olsem Tok Pisin em i stap laip na senis wantaim taim, mi wantaim ol narapela wanwok ripota long Wantok i gat salens long wokim samting stret long raitim ol nius, ol stori na ol narapela samting insait long niuspepa long Tok Pisin we ol rida na pipel i ken klia long em.

Ol eria long niuspepa mi save

raitim ol stori long ol olgeta wik em long sios nius, meri, helt, edukesen, Bogenvil na jenerel nius. Dispela i min olsem mi mas go painim ol stori na poto bilong putim long ol dispela pes olgeta wik. Em i wanpela salens bikos taim mi go aut long ol wok, tingting bilong mi i mas op na redi long painim na kisim i no wanpela stori tasol, nogat. Sapos long dispela wok mi go long en, i gat sans long kisim stori long narapela wok eria mi

save rait long em. Tu, narapela salens em, Wantok em i grasrut pepa na mi mas oltaim skelim long raitim stori long wei bai ol Wantok rida i mas klia long em.

Mi amamas long ol 5-pela eria mi save rait long ol bikos ol i eria i stap klostu long pipel, komyuniti na famili. Na helt na edukesen em ol bikpela sosel eria we i soim mak kantri i go het o mekim gut o nogat, skelim wantaim Pasifik rijen na wol. Sapos long helt sait na eria bilong ol mama na pikinini i go gut na ol sevis i ron gut, na long edukesen, moa pipel i go long skul na i save long rot na rait, sanap bilong PNG long rijen na wol nau gutpela.

Kamap olsem sios nius ripota i no wanpela eria planti lain i laik wok long em, tasol mi amamas long lukautim dispela eria long Wantok bikos Wantok i stap long wanem, 4-pela bikpela sios long kantri em Katolik, Luteran, Anglikan na Yunaitet Sios i papa long en. Na tu, mi lukim olsem tu nius we yumi givim i go aut long pipel i mas balens na i gat politiks, helt, polis na kot, edukesen, planti ol narapela jenerel nius na sios nius wantaim long pipel i klia na save long ol samting i kamap long PNG rida wol, kisim skul long ol samting bai helpim kamapim gut laip, sindaun, tingting, senisim pasin,

sosel sait strongim spiritual laip bilong ol. Ripot na raitim ol sios nius i bin kisim mi i go long tupela wokabaut ovasis long Australia na Cook Ailan long makim kampani long tupela konfrens na mi mas tok dispela em ol gutpela sans long lukim, harim, glasin na lainim long ol narapela Pasifik kantri, Australia na Nu Silan sios.

Bogenvil em narapela bikpela eria we mi kisim na raitim ol nius ripot long em.

Mi laik givim balens nius i ken helpim long ol wok bilong pinisim pait, stretim ples, kamapim na strongim bel isi pasin na bihain, Bogenvil i ken gat gavman bilong em yet.

Mi mas tok olsem mi amamas long wok wantaim Wantok na sevim ol grasrut pipel bilong yumi long PNG we Tok Pisin em dispela niuspepa i rait long em, i sevim. Maski Wantok em i rait long Tok Pisin, em i save kisim wankain luksave olsem ol narapela tok Inglis niuspepa, redio na televisen midia. long taim bilong ol Midia Na mi amamas tu long tok olsem glasim wantaim ol dispela narapela tok Inglis niuspepa na midia, em i stap long top level long wanem em i save kisim planti ol luksave awot long taim bilong PNG Midia Awot.

CE HARDWARE *Congratulates* **WANTOK NIUSPEPA**

on archiving 40 years of Publication in PNG

SUPPLIERS, STOCKISTS & DISTRIBUTORS OF BUILDING MATERIALS AND EQUIPMENT

RUNNING STOCK STATE OF THE ART HOUSEHOLD APPLIANCES RUNNING STOCK

- * ATIKA MIXERS
- ELECTRIC & HATZ DIESEL
- * ATIKA BENCH SAW
- * SUSPENDED CEILING TILES
- CONCEALED & EXPOSED
- * PLASTER BOARDS
- * MDF BOARD
- * INTONACO
- * RONDO WALL & CEILING SYSTEMS
- * COMPRESSED SHEETING
- HARDIFLEX & VERSILUX
- * CERAMIC & MOSAIC TILES
- * TILE ADHESIVES
- * REDBACK
- STEPS & EXTENSION LADDERS
- * INSULATIONS
- * KABA INDUSTRIAL & DOMESTIC
- DOOR LOCKS & CLOSERS

AKITA ELECTRIC CONCRETE MIXERS

M 150 E & M 150 E

- * BOSCH POWER TOOLS
- * BOSCH APPLIANCES
- * ALL PAINTS
- * ALL SIZE TIMBERS
- LOCAL & IMPORTED
- * ALL SIZE PLYWOOD
- * FORM PLY
- * CEMENT
- * PLUMBING FITTINGS
- * PVC PIPES
- * WHEEL BARROWS
- * CONSTRUCTION TOOLS
- * PRIMA FLEX
- * RAMSET FASTENING TOOLS
- * BREMICK FASTENERS
- * POWERS FASTENERS
- * ALL SIZE NAILS

BOSCH *Invented for life*

GRAPHICS 2010 CE 03/2010

SPITIM KAR em ino wanpela PILAI



NOKEN SPITIM KAR

STAP WANTAIM GEM PLEN BILONG YU NA SPIT LIMIT

Spitim kar em wanpela long ol bikpela asua tru we i save kamapim birua long rot insait long PNG NA save lukim planti pipel i dai. Sapos yu spitim kar yu bai gat bikpela sans long bungim birua na kilim yu yet o narapela lain. Em taim nau long tingting strong long ROT SEFTI – em ino wanpela PILAI.



60
km/h
Insait
long taun
o sain i soim


75
km/h
Long ol
Haiwe
o sain i soim

**SAPOS OL I HOLIMPASIM YU BAI YU
PEIM MANI O GO LONG KALABUS**


ROT SEFTI
em ino wanpela
PILAI

A road safety
initiative by





**Cheapest
Phone
and
Internet**



**Telikom na Wantok...
hamamasim ol gras rut**

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.